


河南府志

ル 5
1546
9



門 凡呂 6
1546
9

門 凡 5
1546
9

道學

河南府志卷之四十

人物志三

道學

遷固作儒林傳後代史家因之宋史始標道學之目其
 由伊洛而推者與蓋聖門千秋絕學至二程子而續其
 傳而又得呂邵諸賢為之友劉李尹張諸儒為之弟子
 一時並萃于百里之中優游二水之上伊洛也宛若一
 涖泗矣可不謂盛哉元明自姚文獻曹月川兩先生外
 道學淵源轉相師授至于今不乏我

朝耿逸菴先生為尤著焉謹次講學諸儒別為一編自二程



子始志道學

宋

程顥 東都事畧儒學傳字伯淳西洛人父珣大中大夫顯舉進士為鄆縣簿又調上元簿晉城令呂公著為御史中丞薦為監察御史裏行前後進說甚多大要以正心窒欲求賢育才為先神宗嘗使推擇人材顥所薦十數人而以張載與其弟頤為首嘗言人主當防未萌之欲神宗拱手曰當為卿戒之時王安石日益信用顥每進見必陳君道以至誠仁愛為本未嘗及功利王安石復行其說顥意多不合事出必論列數月之間章數十上尤極論者輔臣不同心小臣與太計公論不行青苗取息諸路提舉官多非其人京東轉運司判民希寵興利之臣日進尚德之風寢衰凡十餘事以言不行求去除京西提點刑獄復上章請罷改僉判鎮寧軍監西京路河竹木務知扶溝縣坐囹圄囚逸鄰邑者罷監汝州酒稅哲宗立召為大宗正丞未行而卒年五十二始顥從周敦頤論學故其言曰道之不明異端害之也古之害近而易知今之害深而難辨昔之惑人也承其迷暗今之入人也因其高明白謂之窮神知化而

不足以開物成務名為無不周備而其實乖於倫理雖於窮深極微而不可以入堯舜之道天下之學非淺陋固滯則必入於此自道之不明也邪誕怪異之說競起塗生民之耳目溺天下於汚濁雖高才明智膠於見聞醉生夢死不自覺也是皆正路之蕪蕪聖門之蔽塞闢之而後可以入道神宗嘗問顥曰王安石何如人也顥曰安石博學多聞則有之守約則未也又問是聖人否顥曰詩稱周公孫碩膚赤舄几几聖人蓋如此安石剛褊自任聖人豈然哉顥有經濟之術不幸早死太師文彥博表其墓曰明道先生云弟頤宋史嘉定中賜諡曰純淳祐元年封河南伯從祀孔

程頤 東都事畧儒學傳字正叔洛陽人以經術為諸儒倡四方從之游者甚眾哲宗即位司馬光呂公著上其行義于朝授汝州團練推官西京國子監教授頤力辭又以為校書郎召至京師除崇政殿說書頤上疏曰帝王之學大畧謂習與智長化與心成今士大夫善教其子弟者亦必延名德端方之士與之處使薰陶成性以陛下春秋之富雖睿聖得於天稟而輔養之道不可不至大率一日之中接賢士大夫之時多親寺人宮女之時少則自然德器成

就乞擇賢士入侍勸講凡左右扶持嬪御內臣並選四十
 以上厚重小心者後麗之物不接於目淺俗之言不入於
 耳歲月積久必能養成聖德又謂經筵臣僚侍者皆坐講
 者獨立於禮未安乞令坐講見主上重道之心願在經筵
 以師道自居每侍講色甚莊繼以諷諫願聞哲宗在宮中
 盥而避蟻因講罷請曰有是乎哲宗曰然誠恐傷之耳願
 曰推此心以及四海帝王之要道也神宗未除喪冬至百
 官表賀願上疏以謂節序變遷時思方切恐失居喪之禮
 無以風化天下乞改賀為慰故事盛暑罷講至中秋復講
 願奏朝廷置勸講之官輔導人主豈可闕疎如此今講讀
 官五員皆兼要職獨臣不領他官近復差修國子監太學
 條例是乃無一人專職輔導者一日願赴講會哲宗瘡疹
 不坐已累日願退詣宰臣問曰上不御殿知否曰不知願
 曰上疾而宰相不知可為寒心翌日宰相以願言奏遂請
 問疾於是左諫議大夫孔文仲言願以為騰口問亂遂罷
 職監西京國子監父喪服除尋以直祕閣判西京國子監
 主管崇福宮紹聖中黨論與願坐追官涪州安置元符末
 放還崇寧初復判西京國子監屏居伊闕山數年卒年七
 十五學者尊之稱為伊川先生其門人游酢謝良佐呂大
 臨楊時皆著名于世有易傳六卷文集二十卷諸經解說

未成編者附于集宋史嘉定中賜諡曰正
 淳祐元年封伊陽侯從祀孔子廟庭
 邵雍 宏簡錄道學傳字堯夫其先范陽人幼從父古徙洛
 有大志始學於蘇門山百源之上堅苦刻厲寒不爐暑不
 扇夜不就席者數年已而歎曰昔人尚友千古而吾獨未
 及四方乃踰河汾涉淮漢周流齊魯宋鄭之墟久之幡然
 來歸曰道在是矣遂不復出得北海李之才之傳探賾索
 隱妙悟神契常著論凡十餘萬言世鮮有知其道者嘉祐
 中王拱辰以遺逸應詔授將作監簿穎州團練推官皆固
 辭不至居嘗蓬蘞環堵不瓦風雨而怡然有所甚樂外人
 莫能窺也歲時耕稼僅給衣食名其居曰安樂窩自號安
 樂先生且則焚香靜坐晡時酌酒三四甌微醺即止興至
 哦詩自娛遇春秋出遊城中一人挽小車惟意所適至
 夫家爭相迎候下至童孺厮僕皆驩相語曰吾家先生至
 矣或留信宿乃去好事者別作屋如雍所居以候其至名
 曰行窩仕宦道洛者或不之公府必之雍一投劾去門生故
 友皆貽書訪雍曰此賢者所當盡力之時新法固嚴能
 寬分則民受一分賜矣投劾何益耶熙寧十年卒年六十

可南守志
 卷之四十一
 人物志
 道學

七贈秘書省著作郎元祐中賜諡康節生平清而不激和而不流與人交久益尊信程顥初侍其父識雍論議退而歎曰堯夫內聖外王之學也雍知慮絕人遇事能前知程頤常曰其心虛明自能知之好事者務高其所為至謂雍有玩世意又謂雍能於凡物聲氣之所感觸輒以其動而推其變焉於是撫事之已然者皆以雍言先之或者未必然也卧病時司馬光張載二程晨夕候之卒塋先塋願為銘墓稱其道純一不雜就其所至可謂安且成矣所著有皇極經世觀物內外篇漁樵問對擊壤集子

伯温仲良宋史咸淳元年從祀孔子廟庭

呂希哲東都事畧本傳字原明少好學王安石謂之曰上奉富貴利達而已學者不由也希哲遂棄科舉一意古學又公著與安石以論國事不合久在外希哲前後為管庫者幾十年元祐初公著登庸廣收天下之士而希哲以公著故不得用及公著薨既免喪除兵部員外郎崇政殿說書希哲每勸導人主以修身為本修身以正心誠意為主心正意誠天下自化若身不能修雖左右之人且不能論況天下乎紹聖初出知懷州坐元祐黨分司南京和州居住徽宗即位起知開封召為秘書少監為會布所不樂改光

祿少卿以直祕閣知曹州等奪職知相州徙邢州罷為宮祠卒年七十八希哲為人端重有至行晚年名益高云子好問伊洛淵源錄公始與程先生頤俱事胡先生居並舍公少程先生一二歲察其學問淵源非他人比首以師禮事之而明道程先生顯及橫渠張先生載兄弟孫公覺李公常皆與公遊由是知見日益廣大然公亦未嘗專主一說不私一門務畧去枝葉一意涵養直截徑捷以造聖人

尹焞宋史道學傳字彥明源之孫虞部員外郎林之子自少師事程頤嘗教焞敬以直內退而未達復請益頤曰主一便是敬言敬有甚形影只收斂身心便是主一且如到神祠中致敬時其心收斂更著不得毫髮事非主一而何若用此理身體而力行之則百事不敢輕為一毫不敢妄作至不習無不利時則更無阻當更無計較也其篤實守道如此頤沒聚徒洛中士大夫皆宗仰之靖康元年神師道薦其學行可備勸講召至京師不欲留賜號和靖處士以歸明年金人陷洛闔門被害焞窟山谷中得免劉豫以禮聘又恐之以兵焞不從遂自商中奔蜀得頤易傳十卦於其門人呂稽中又得全本於其壻邢純拜而受之遂止於涪涪頤讀易地也紹興五年侍讀范冲舉以自代授左

宣教郎充崇政殿說書以疾辭遣漕臣至涪敦遣六年始
就道祭頤而後行至九江聞司諫陳公輔復疏攻頤焯奏
臣師頤垂二十年學之既專信之甚篤今使濫列經筵其
所敷繹不過聞於師者設欲舍其所學是欺君父遂留不
進宰相張浚上章薦焯令江州守疾速津送至國門復以
疾辭上嘉曰焯可謂恬退矣轉秘書郎趙鼎亦言可以繼
秘書少監上語執政劉大中曰焯所學淵源足為後進矜
式班列得老成人亦是朝廷氣象乃以直徽猷閣主官萬
壽觀留侍經筵以善朱震疾亟薦自代趙鼎亦言可以繼
震上曰聞其微曠恐教兒費力爾進太常少卿仍兼說書
未幾權禮部侍郎兼侍讀秦檜議和焯疏糾之又貽檜書
皆不報焯固辭新命改徽猷閣待制復奉萬壽觀祠又辭
有五當去無一可留之理以提舉太平觀致仕卒年七十
二是時學于程門者固多君子然求其莊敬仁實質直宏
毅不欺暗室於聖人六經之旨耳順心得如出諸已者蓋
鮮故頤嘗曰我死而不失其正者尹氏子也有論語解及
門人問答傳十世大清會典
雍正二年從祀孔子廟庭

劉絢 宋史道學傳字質夫其先常山人祖舜卿為虞部郎中
家河南父師且朝散大夫絢生質明粹天性孝友長而

溫恭自髻鬣時已有老成器結髮即事二程先生外雖溫
然可親遇事剛毅自立其質之美而學之力也如此以蔭
補壽安簿遷長子令富弼見其治行嘆曰真縣令也元祐
初韓維薦其經明行修除京兆府教授王巖叟朱光庭又
薦為太學博士卒
年四十三子伯順

李籲 宋史道學傳字端伯洛陽人資識穎悟胷次闊肆開發
與人交洞見胷臆其遇事如控六轡逐水曲舞交衢屈
折如意二程氏倡明道學世方驚疑能使學者視效而信
從籲有力焉登進士元祐中為秘書省校書郎嘗記二程
語一編號師說朱子愛其書謂籲
所造尤深所得尤粹云先程子卒

張繹 宋史道學傳字思叔壽安人家甚寒微年長猶未知學
傭力于市聞邑官傳呼聲心慕之遂發憤從學初執業
艱苦教者憐其志頗勸勉之旋以艾名一旦以科舉之學
不足為適程頤歸自涪時繹年已三十乃往受業頤一見
即以穎悟喜之妻以族女與尹焯友善頤嘗言吾晚得二
士謂繹與尹焯也又言焯也魯繹也俊持守恐不及耳嘗
讀志士不忘在溝壑勇士不忘喪其元慨然有得曰人能
守此則無不可為之事矣又為座右銘以自警大觀中新

可存志 卷之四十一 人物志 五 道學

學日興言者誣頤倡為異端焯與釋每左
右之後不仕而卒識者頗惜其早世云

朱光庭

宋史道學傳字公揆偃師人父景字伯晦第進士調

築外郭以環居民公私稱便終光祿卿年七十一光庭誠
明篤實行直而方少從孫復學春秋見二程於洛服膺其
訓造次不忘以格物致知為進道之門誠意正心為入德
之方辭父蔭登嘉祐進士調萬年簿歷修武桓曲縣令嘗
孝寬薦於神宗召見問從再舉安南之師何如光庭對曰
得其地不可居得其民不可使何益於治又問有所聞乎
對曰陛下更張法度臣下奉行或非聖意故有便有所不便
誠能去其不便則天下受福矣除簽書河陽判官從呂大
防於長安朝廷五路討西夏雍為都會事倚以辦調發期
會非旨不從使者怒求免大防為之解元祐初司馬光薦
為左正言新法之罷多所論列山陵使蔡確先靈駕而行
光庭劾其不敬并言章惇欺罔肆辯韓縝挾邪冒寵太后
嘉其守正令盡言毋有所避遷左司諫與蘇軾不合奏軾
發策試館職不當以諭刻二字加於仁祖難名之盛德神
考有為之善志太后謂詳覽文意是指今百官有司監司
守令而言非所以諷祖宗也乃止河北飢持節行視發廩

振民議者病以兵儲耗竭改左司員外郎遷太常少卿拜
侍御史論蔡確怨謗轉右諫議大夫給事中乞外除集賢
殿修撰知亳州召還復為給事封還劉摯罷相麻制仍落
職守毫歲餘徙潞州隣境飢日為糜以食流民常至暮不
暇自食遂感疾猶力出視事因禱雨拜不能興卒年五十
八光庭天性純孝丁內外艱廬墓哀毀事叔父如父教諸
弟以孝弟後入黨禁胡安國嘗稱公挾與張天祺可謂奮
不顧身盡忠許國者矣徽宗立復其官子純之假承務郎

呂本中

宋史本傳字居仁希哲孫幼敏悟會祖公著奇愛之

下后獨進本中摩其首勉以忠孝及長從揚時游醉尹焯
遊究竟三人疑異未嘗苟同以公著遺表恩授承務郎坐
黨事廢元符中主濟陰簿秦州士曹掾辟大名府司幹官
宣和六年除密院編修官靖康初歷職方祠部二員外郎
以父嫌奉祠父憂服除改直秘閣紹興六年召見賜進士
出身權起居中書二舍人內侍李琮失料歷上以潛邸舊
人不用保任特給之本中繳還曰此非宮中府中一體之
義監草塲苗互以賍敗詔黜之本中言若此刑嘗用則紹
聖權臣當國之時士大夫無遺類久矣况其中或有枉濫
異時雖欲拔拭容可得乎願酌令常罰上皆從之內侍鄭

謙落致仕得兵官本中言當今賢士大夫未能顯用巖穴
 幽隱未能招致乃起謙以統兵之任何耶命遂寢引疾乞
 祠復召為太常少卿兼侍講權直學士院通和使至言當
 示以儉約不在供饋過修合無缺乏可也初本中與秦檜
 同為郎相得甚歡檜既相私會草馬選僕射制有合晉楚之
 書行不從與趙鼎深相知會草馬選僕射制有合晉楚之
 成不若尊王而賤霸散牛李之黨何如明是以去非檜大
 怒誣以受鼎風旨伺和議不成為脫身之計風御史蕭振
 劾罷奉祠卒諡文清學稱東萊先生有詩二十卷得黃
 庭堅陳師道句法并春秋解童蒙訓師友淵源錄行於世
邵伯温 宋史道學傳康節子字子文以河南尹與部使者薦
 素以伯温為可託康卒子植幼伯温至宮進植誨之曰温
 公之孫大諫之子賢愚在天下可畏也康受教力學不懈
 卒有立伯温秩滿當赴闕章惇方用事以嘗事康節欲用
 之至則先就吏部擬官而後見惇除監永興鑄錢監方西
 邊用兵從餉者得累數階伯温以職事當行輒推同列秩
 滿惇猶在位伯温義不入京從外臺辟環慶帥幕應詔日
 食上書徽宗累數干言大要復祖宗制度辨宣仁誣謗解
 元祐黨錮分君子小人戒勞民用兵語極懇至後入邪等

出監西嶽廟久之歷靈寶芮城二縣母憂服除主管永興
 軍耀州三白渠公事復避童貫移知果州請蠲歲輸瀘南
 諸州綾絹絲綿以寬民力擢提點成都路刑獄盡載家屬
 以行會賊史斌破武休關踰漢利州將窺劍門伯温與帥
 臣盧法原合謀拒守賊不能入蜀人德之後終利路轉運
 副使提舉太平觀年七十八嘗論元祐紹聖之政曰公卿
 大夫當知國體以蔡確姦邪投之死地有何足惜然嘗為
 宰相當以厚待此事惟范忠宣有文正餘風故深知之恒
 欲薄確罪言既不用退而行語命然後去乃仁人長者之
 用心也劉摯梁壽王巖叟劉安世忠直有餘然疾惡已甚
 不能無過以貽後曰縉紳之禍由不知國體故也趙鼎少
 從伯温遊紹興中鼎為相乞行追錄贈祕閣修撰所著有
 南齋集邵氏聞見錄皇極系述宣仁辨誣惑皇極經世
 序觀物內外篇解近百卷三子溥徽猷閣待制博祕書郎
 知郡

孟厚 伊洛淵源錄字敦夫洛陽人從伊川學獨處一室糞穢
 不治伊川曰學不在此假使灑掃得潔淨莫更快人意
 否一日伊川曰子何不見尹焞張釋朋友間最好講學敦
 夫見和靖曰先生令厚來見二公若彥明厚所願見如思

河南府志 卷之四十一 人物志高治卒補刊心 道學

叔莫不必見否和靖曰只不必見思叔之心便是不必見
惇之心也後伊川之塾門人畏黨禍莫敢至獨敦夫與尹
張范棧邵
溥送焉

暢大隱 伊洛淵源錄字潛道洛陽人程氏遺書第二十五卷即其所記

李處遜 伊洛淵源錄字嘉仲洛陽人亦見唐錄後為中書舍人

元

姚樞 湯斌洛學編字公茂其先永平柳城人遷居洛陽幼力
學志期甚高識者稱其有子佐之畧元太宗時與楊惟
中北觀太宗重之賜錦衣金符以行臺郎中從軍至德安
得趙復與語異之袂與俱卧起時復闔門遇難不欲生伺
先生寐熟亡去先生覺遽乘月馳馬走積屍間號之至水
際復已被髮徒跣泣欲自沉先生手挽之而歸委曲勸
免從與俱北所謂江漢先生也是時洛閩學未行于北方
獨金華張文舉稍以程易教授未廣也至是復以所記憶
程去諸經傳註手錄出之先生與楊惟中首受其學會先
生與行臺長不合棄官攜家蘇門誅茅為室作家廟祠四

世堂龔宣聖像以月程張邵司馬六君子配讀書其間竟
日危坐四書傳註及小學鐵版傳之四方以化民成俗自
仲風日清能則鳴琴百泉之上遊世樂天若將終身許平
仲聞先生得伊洛之傳盡室來蘇門相依以居世祖在潛
剛以禮聘至敷陳治道數千言世祖奇其才使授太子經
二年以為太子太師不拜改大司農四年拜中書左丞十
年拜昭文館大學士十三年拜承旨後二年卒年七十八諡文獻

姚燧 洛學編字端甫樞從子生三歲而孤育于伯父公茂年
十三見許平仲於蘇門十八始受學於長安時未嘗為
文視流輩所作惟見其不如古人心弗是也二十四始讀
韓退之文試習為之人謂有作者風稍就正于平仲平仲
曰文章固發問士子之利器然先有能一世之名將何以
應人之見役哉非其人而與之與非其人而拒之均罪也
非周身斯世之道也至元七年平仲以國子祭酒教貴胄
奏召舊弟子十二人端甫自太原驛致館下元貞初為翰
林直學士修世祖實錄拜江西行省參知政事仁宗居藩
邸開宮師府端甫年已七十遣正字呂洙如漢徵四皓故
事起為太子賓客未幾除承旨學士等拜太子少傅辭謝
曰昔臣先伯父樞嘗除是官尚不敢拜臣何敢受授承旨

知制誥得告歸再召不赴卒于家年七十六諡曰文端甫
先在蘇門讀通鑑綱目嘗病國統散于逐年不能一覽而
得其離合之槩至告病江東著國統離合表若干卷年經
而圖緯之如史記諸表將附朱子凡例之後其學有得于
平伸由窮理致知反躬實踐為世名儒云

白居易

耿介道學編字行簡號崧谿河南登封人至元庚戌
生甫六歲喪母事父孝聞鄉里及冠羣經諸子無不
精究王申父卒殯殮一遵古禮年二十三州邑知其名咸
備禮幣請居講席多所開益以其居近崧頽問因自號崧
谿著書傳道遠方受業之徒戶履滿百如是者三十餘年
延祐庚申卒年七十有一學者皆尊之曰崧谿先生甘守
一貧備無斲石晏如也識者謂其清風苦節不以得失累
其心處順安常不以窮約易其素得朱子學記述千五百
年後乘堯夫車優游三十六峯前益其實錄云所著有春
秋正義尚書新註詩集傳附說易經本義附說四書集註
附說周子通書附說周子太極圖附說張子東西
銘解義附說小學書詳說道學發明理學詩說

薛友諒

道學編號直齋永寧人以明經擢用累官翰林院直
學士歷官幾五十年所至興學崇教嘗請升周程諸

儒從祀孔子廟庭建書院祀先
聖先賢人咸重之卒入鄉賢祠

明

曹端

明史儒林傳字正夫渾池人永樂六年舉人五歲見河
圖洛書卽畫地以質之父及長專心性理其學務躬行
實踐而以靜存為要讀宋儒太極圖通書西銘歎曰道在
是矣篤志研究坐下著是處兩軌皆穿事父母至孝父初
好釋氏端為夜行燭一書進之謂佛氏以空為性非天命
之性釋氏以虛為道非率性之道父欣然從之繼遭二親
喪哀痛不入口既葬廬墓六年端初讀謝應芳辨惑編篤好
之一切浮屠巫覡風水時日之說屏不用上書邑宰毀淫
祠百餘為設里社里穀壇使民祈報年荒勸賑存活甚衆
為霍州學正修廟正學諸生服從其教郡人皆化之耻爭
訟不取欺晟拜受遭艱歸渾池霍諸生多就墓次受學服
闋以蒲州學正霍蒲兩邑各上章爭之霍奏先得請先後
在霍十六載宣德九年卒官年五十九諸生服心喪三年
霍人罷市巷哭童子皆流涕貧不能歸葬遂留墓霍二子
瑜珠亦廬墓相繼死墓側後改葬渾池端嘗言

可府志

卷之四十一 人物志

七

道學

至乎聖人之道須從太極上立根脚又曰為人須從志士
 勇士不忘上叅取又曰孔顏之樂仁也孔子安仁而樂在
 其中顏子不違仁而不改其樂程子令人自得之又曰天
 下無性外之物而性無不在焉性即理也理之别名曰太
 極曰至誠曰至善曰大德曰大中名不同而道則一初伊
 洛諸儒自明道伊川後劉絢李籲輩身及二程之門至河
 南許衡洛陽姚樞講道蘇門北方之學者翕然宗之洎明
 興三十餘載而端緒漸澗間倡明絕學論者推為明初理
 學之冠所著有孝經述解四書詳說周易乾坤二卦解義
 太極圖說通書西銘釋文性理文集儒學宗統譜存疑錄
 諸書霍州李德與端同時亦講學於其鄉及見端退語諸
 生曰學不厭教不徒曹子之盛德也至其知古今達事變
 未學鮮或及之古云得經師易得人師難諸生各人師矣
 遂避席去端亦高其行誼命諸生延致之講明正學初端
 作川月交映極南極學稱月川先生及歿私設精修
 正德中尚書彭澤河南巡撫李貞請從祀孔子廟庭不果
 閻禹錫明史儒林傳字子與怡陽人父端與河陽武都第一
 正統九年鄉薦除昌黎訓導以母喪歸廬墓三年詔以孝行
 旌其閭聞河津薛瑄講濂洛之學遂罷公車往受業久之

將歸瑄送至里門告之曰為學之要居敬窮理而已禹錫
 歸得其大指益務力行天順初大學士李賢薦為國子學
 正請嚴監規以塞奔競復武學以講備禦帝皆從之尋陞
 監丞忤貴幸左遷徽州府經歷諸生伏闕乞留不允再遷
 至南京國子監丞掌京衛武學四為同考官超拜監察御
 史督畿內學取周子太極圖通書為士子講解一時多士
 皆知嚮學成化十

二年卒年五十一

白良輔道學編字堯佐河南洛陽人幼喜讀性理諸書景泰
 十脰為贊於門日昃不返瑄以其誠延置弟子之列居
 茂餘盡得其所學拜監察御史巡按山西陝西俱有聲遷
 太僕卿天順中卒於家所著有太極
 解律呂新書釋義中庸膚見若干卷
 喬繼洛學編字廷儀洛陽人少穎敏師事薛文清成化壬辰
 知府安鷺殺南衛千戶曹明獄久不具御史檄先生鞠
 治一訊即服未幾苗蠻叛王師出討救先生督餉苗蠻平
 上賜文綺寶鈔以旌之仍晉階二品宏治
 初致仕卒所著有性理辨惑諸書行世

尤時熙

明史儒林傳字季美洛陽人生而警敏不羣弱冠舉

嘉靖元年鄉試時王守仁傳習錄始出士大夫多力
排之時熙一見歎曰道不在是乎向吾役志詞章未矣已
而我良知為教兩邑士亦知新建學入為國子博士徐階為
祭酒命六館士咸取法焉居常以不獲師事守仁為恨聞
郎中劉魁得守仁之傳遂師事之魁以直言錮獄則書
所疑時時從獄中質問尋以戶部主事權稅游墅課足而
止不私一錢念母老乞終養歸遂不出日以修己淑人為
事足未嘗涉公府齋中設守仁位晨興必焚香肅拜來學
者亦令展榻晚年病學耆憑虛見而忽躬行甚且越繩墨
自恣故其論議切於日用不為空虛隱怪之談卒於萬歷
八年年七十有八學者稱西川先生其門人孟化鯉最著自有傳

李根

從父中丞公授周易洞解奧義十五補博士弟子員

中丞公遭讒謝世蚤事其母孟孺人克盡孝道日下帷攻
苦以冀其顯弱冠舉於鄉屢上春官不第絕意仕進日侍
尤西川先生於洛究心聖賢之學涵養造詣卓然係吾道
之望晚迫母命就信陽博士尋擢國子學錄雅意作人與

新安孟叔龍交相砥礪秋滿量移職方員外郎晉僉憲備
兵延安未幾遂解歸徜徉林泉二十年課子若孫沉
典籍潛心默繹有所得輒著之篇其論學得伊洛宗旨三
川賢士大夫仰之若泰山北斗年七十五卒於家所著有
修竹館集大儒家訓承思

李士元

道學編字子仁河南人弱冠舉於鄉即有志聖賢之

泗水人深相得也初授如臯教諭嘗進諸生語之曰性命
之理只在人倫日用間故其為教獎行檢析經旨一時士
咸翕然不變晉國子監助教端軌彰志一如在如臯時遷
知州視民如子諸所興除為民永賴者不可枚舉及
歸里日以西川為觀型篤信不移未幾以疾卒西川歎
不盡離解林松各揚人嘉靖丁未進士授工科給事中
以直道賈罪非各教諭其悔也自謝政歸田怡然曰
於是從游尤西川之門與春野陳仁泉諸公互相証發
不不倦著有滋心語錄皆其所領悟有得者也穆宗繼

統召還罪譴諸臣江閉戶日久與長安當事者不相聞問以故同時得罪諸臣俱被登用止復江冠帶而已及卒遺令子孫不必營求入鄉賢其狷介類如此所著有岷陽諫艸滋心語錄行於世

陳麟

道學編字道徵洛陽人素厭博士家言謂與理道無當故其為文屢不售後念家貧親老乃稍屈就之遂聯捷

成進士初任河間府推官拜禮科給事中以直言削籍歸里從尤西川講學麟嘗謂作樂娛屍為凶喪陋俗斷而去

之時稱為砥頽波一柱云所著有歸田漫錄卒祀鄉賢

董堯封

洛學編字淑化洛陽人嘉靖癸丑進士擢御史按四

畢而民不告病世宗每稱御史而不名尋陞都御史操江為江陵所銜奪官江陵敗起撫甘肅累官戶部侍郎諡恭

敏贈尚書其子定策萬歷甲辰進士擢御史疏曰古人以講學為實今人以講學為名臣鄉曹端尤時熙孟化鯉三

賢皆以孝弟忠信為踐履以杜門却掃為閣修出為真經濟處為真學問蓋確論云

孟化鯉

明史儒林傳字叔龍河南新安人年十六慨然以聖賢自期舉萬歷八年進士授戶部主事時相欲招致

之辭不往惟稅河西務與諸生講學河西人尸祝之南畿山東大飢奉命往振全活最多改吏部歷文選郎中佐尚書孫繼黜陟名籍甚時內閣權重每銓除必先白化鯉獨

否中官請託復不應以故多不悅都給事中張棟先以建言削籍化鯉奏起之忤旨奪堂官俸謫化鯉及員外郎項

復宏主事姜仲軾雜職閣臣疏救命以原品調外項之言官復交章救帝益怒奪言官俸斥化鯉為民既歸築書院

川上與學者講習不輟四方從遊者恒數百人久之卒

張信民

孫奇逢中州理學考字字若池池人讀洗心藏密語

遊庠聞新安孟雲浦倡道函關往從之毅然以斯道為已任以明經授關中隴西令士鮮知學為之建社學社倉刻

洛西三先生要言訓蒙要纂等書啓迪多士不避權貴謫

藩司檢校與馮少墟訂商學問日夜匪懈歸田後秦晉之

間以及汝潁睢陽之士雲擁川至室不能容臺使者李曰

宣請主韶陽會過其廬恨相見之晚建正學書院日與王

惺所張泰宇孟宇鍵呂豫石諸公講太極周易天啓之季

吳李交辟請益結雜社發明致中和之義且疏為成均主

絳州辛復元為其母請表墓忽端坐而逝壽七十二所著

日抄理學彙粹剖疑尚未梓行行於世者講學會解

月川年譜訓蒙要纂四禮述一噓錄仰止藁洗心錄

邱鳳 劉宗泗道學存真錄字鳴岐新安人少為臬司吏於案

一僕也即已田易之田又燕復易之無難色吏滿除縣丞

龍驤衛經歷旋謀歸養郡守陳以其貧也遺俸五金鳳再

拜使者而却其餽陳嘆曰昔温公每嘆劉秘丞不受冬襦

云于光不受况他乎乃今見邱丞矣好讀書於小學中汪

信民咬菜根諸葛公淡泊明志諸條尤豐豐不置居常以

朱墨二圈記別理欲起念分數每自驗性氣動時輒自恨

學力不實同是呂維祺稱其修潔名行體認名理有士君

子所難者其歿也祀鄉賢而孟吏部化鯉

又特與尤西川先生並祀於江上書屋

呂維祺 洛學編字介孺號豫石河南新安人父孔學有隱德

癸丑進士授兗州推官以孝弟感民為之化擢吏部郎

謝餽遺絕囑託冢宰某為給事所彈公在考功覆奏不徇

冢宰意冢宰大怒公曰不公安足服中外口可鉗即不如

是有挂冠神武門去冢宰尋亦悔謝曰我過矣房師魏

南樂簡增執政求遷弟某官先生詩不可曰吾詎不知師

之介弟歟朝廷之制吾不敢私也當熹宗初正位人心弗

定諸閣導之幸小南城鹵簿已出先生先請見于慈慶宮

門約省臺抗疏調護聖躬近侍不得干預政事防微杜漸

不可一步輕動旋予假省親八年家居立芝泉書院修明

濂洛之學時天下方以講學為諱先生與鄒南皋馮少墟

曹貞予往來講論不輟河南會城建魏璫祠公以書詞諸

紳曰鬚髯丈夫豈可效陰狐令士氣凋喪耶甲子推考功

微八事授南戶部侍郎清覈侵冒以百萬計任五年餘餉

可支三年庾實不若竭授南兵部尚書汰冗登勇兵實不

監復羣多立豐邑大社講明正學未幾以父病乞歸集

講太極周易發明致中和之義嘗述象山之言人不可以

無學猶魚不可以無水賦人之形而不求盡乎人之道虛

生浪死其在富貴者適足以播惡遺臭戊寅流寇詭撫當

事者議安置河汝人心洶洶如沸維祺力為挽止冬十二

月賊勢猖獗侵窺河維率家人分守北城縋家丁殺十餘

賊次日西城忽潰諸子以無守土責為言維祺曰受國深

恩與城存亡義無可逃况讀聖賢書所學何事賊至被執
曰非呂尚書耶稔知公善當謀出維祺斃然賊遂拔出城
厲聲罵曰恨無兵馬殺汝狗彘事至此止有一死時福藩
已被賊縛公顧之曰網常為重萬萬不可跪賊賊令之降
先生曰世寧有屈降呂尚書哉北向拜闕曰聖恩未報臣
心已竭西向拜父母從容就刃而死維祺嘗言一生精神
結聚在孝經二十年潛玩躬行未嘗少怠每論孔曾相傳
得力於戰兢十二字故曾子易簣示門人曰吾知免夫非
謂免于毀傷蓋戰兢之心死而後已嘗疏進孝經請頒學
宮所著有孝經本義或問大全存古
篇明德堂集奏疏音韻日月燈行世

國朝

耿介

尹會一續洛學編字介石號逸菴登封人初名冲壁一
日讀北山移文至耿介拔俗之句遂更今名順治辛卯
舉於鄉壬辰成進士由檢討出為福建巡海道時海洋多
奸宄出沒先生相度形勢壘築石城一道以防寇盜除積
弊革冗費戒貪墨恩威大著康熙壬寅轉江西湖東道因
官制除直隸大名道直隸漢逃之案株連者多一案牽

引至三四十人先生在任將及期年計三百餘案不肯蔓
延無辜一人民咸感之丁內艱回籍遂絕意仕進請蘇門
執贄於孫夏峯先生篤志躬行慨然以倡明絕學為己任
興復嵩陽書院適長洲張樞如為登封令合志振興來學
者眾士風蒸起嗣以宗伯湯潛菴先生薦授少詹任輔導
未幾疾作乞休歸里復理書院之業日孜孜以講學為事
湯文正稱先生賦質剛方踐履篤實服官冰蘖自矢家居
淡泊自甘潛心經傳學有淵源老成夙素罕見其儔君子
之道入善寧有溢美哉所著有理學要旨孝
經易知中州道學編敬恕堂存稿行於世

陳榕

道學編字元熙新安人天資聰穎五歲入小學弱冠補
博士弟子員讀太極圖西銘有悟即有志於濂洛關閩
之學而檢身制行以雲浦明德兩先生為法開館授徒著
四書認註說蓋前此藝文家爭為新奇可喜之論悖謬朱
註榕乃取大全蒙引存疑淺說諸書潛心體認其能得傳
註之意者手自籍記輯為成書康熙癸卯登鄉薦甲辰成
進士猶以訓迪諸生為業聞安邑呂大宗伯簡齋先生講
學於宏運書院即潔誠往謁簡齋先生深相得以為真切
為己之學竟日談論娓娓不倦謂選授馬邑合邊陲殘破
之地招集流亡賑貧恤孤興學課士分校晉闡簡拔稱得

人以邑多通久終不可為痛切白之諸憲請告歸來益殫心聖賢之學矣亥亥主教嵩陽書院遠近之士執經問業者履滿戶外復取平日所讀理學諸書如朱子近思錄語類往復尋繹以感疾卒于家所著有四書認註說

姚爾申

無志字岳生鞏人師事湯潛庵先生潛庵曰岳生沉

見針芥不爽語在潛庵文集又見知於耿逸庵先生其理學要旨棄餘文草皆岳生為之序所著有日知錄其窗草潛陽問答嵩談錄太極圖辨等書藏於家

河南府志卷之四十一

人物志四

名臣

諸有之維嶽降神生甫及申蓋言毓賢之必有自也河郡地隸嵩高人物踵起其間道學文章忠孝節義既羣分而類志矣乃有敷歷中外仕宦尤著者別為一類曰名臣夫爵無崇卑必其言行功烈足以師表人倫經緯天地而後名斯稱焉彙而輯之其真光昭河嶽者哉志名臣

漢

神高

後漢書本傳字景伯洛陽人仲山甫後父為定陶令有
縣門下史河南尹田歆知之舉孝廉順帝末為侍御史多
所刺舉擢監太子中常侍高梵單駕迎太子時太傅杜喬
等多惶惑高手劍當車曰太子國之儲副人命所係今常
侍無詔何旨知非姦邪今日有死而已梵辭屈馳奏詔報
太子乃去喬退而嘆息恨不為立事不惑帝亦嘉其持重出
為益州刺史高素慷慨好立功立事在職三年宣恩開曉
岷山雜落皆懷服德其白狼蠻木唐叢邛夔諸國自前
刺史朱輔後遂絕焉至乃復室種向化時永昌太守冶鑄
黃金為文蛇曰獻梁冀高糾發逮捕馳傳上言冀由是銜
怒於高會巴郡人服直聚眾作亂因此陷之太尉李固疏
救乃赦高免官而已後梁州羌動以高為梁州刺史被徵
當遷吏人詣闕請留之太后歎曰未聞刺史得人心若是
乃許之復留一年遷漢陽太守戎夷男女送至漢陽界高
與相揖謝千里不得乘車及到郡化行羌胡禁止侵掠遷
使匈奴中即將時遼東烏桓反叛遂轉遼東太守烏桓望
風率服迎拜於界上坐高歸後司隸校尉舉高賢良方正
正不應徵拜議郎遷高太守入為尚書會匈奴寇并涼
二州栢帝擢高為度遼將軍高到先宣恩信其有不服然

後加討誠心懷撫信賞分明由是龜茲等皆來順服高乃
去烽燧除漢望邊方晏然無警入為大司農延熹四年遷
司徒推達名臣橋元皇甫規等為稱職相在位三年年六
十一薨并涼邊人咸為發哀匈奴聞高卒舉國傷惜單于
每入朝賀望見墳墓輒哭泣祭祀二子岱排

杜密

後漢書本傳字周甫潁川陽城人也為人沈實少有厲
守北海相其官官子弟為令長有姦惡者輒捕案之行春
到高密縣見鄭元為縣令知其異罷即召署鄭職遂遣就
學後密去官還家每講守令多所陳託同郡劉勝亦自蜀
郡告歸鄉里閉門掃軌無所干及太守王昱謂密曰劉季
林清高士公卿多舉之者密知昱激已對曰劉勝位為大
夫見禮上賓而知善不薦聞惡無言隱情惜已自同寒蟬
此罪人也今志義方行之賢而密達之違道失節之士而
密糾之使明府賞刑得中令問休揚不亦萬分之一乎昱
慚服待之彌厚後桓帝徵拜尚書令遷河南尹轉太僕黨
事既起免歸本郡與李膺俱坐而各行相次故時人亦稱
李杜焉後太僕陳蕃輔政復為
太僕明年坐黨事被徵自殺

尹勳

後漢書本傳字伯元鞏人伯父睦為司徒兄頌為太尉宗族多居貴位者而勳獨持清潔不以地勢尚人州郡連辟察孝廉三遷邯鄲令政有異迹後舉高第五遷尚書令及桓帝誅大將軍梁冀勳奏建大謀封都鄉侯遷汝南太守上書解釋范滂袁忠等黨議禁錮尋徵拜將作大匠轉大司農坐實武等事下獄自殺

唐

長孫無忌

舊唐書本傳字輔機洛陽人其先出自後魏獻文帝第三兄初為拓拔氏宣力魏室功最居多世襲大人之號後更跋氏為宗室之長改姓長孫氏累封王父晟隨右驍衛將軍無忌貴戚好學該博文史性通悟有籌畧文德皇后即其妹也少與太宗友善義軍渡河無忌至長春宮謁見授湖北道行軍典籤常從太宗征討累除比部郎中封上黨公太宗即位遷左武衛大將軍貞觀元年轉吏部尚書以功第一進封齊國公實封千三百戶太宗以無忌佐命元勳地兼外戚禮遇尤重賞命出入卧内其年拜尚書右僕射或有密表稱無忌權寵過盛太宗以表示無忌曰朕與卿君臣之間凡事無權寵過盛太宗而不言則君臣之意無以獲通因召百寮謂之曰朕今有

子晉幼無忌於朕實有大功今者委之猶如子也疎間親近問舊謂之不順朕所不取也無忌深以盈滿為誠懇辭機密文德皇后又為之陳請太宗不獲已乃拜開府儀同三司解尚書右僕射太宗追思王業艱難佐命之力又作威風賦以賜無忌十一年命與諸功臣世襲刺史詔改趙州刺史封趙國公即令子孫奕葉承襲無忌上表因遂止十二年太宗幸其第凡親族班賜有差十六年拜子承乾得罪無忌請太宗立晉王因加無忌太子師太宗而太宗又欲立吳王恪無忌密爭之其事遂輟十三年太宗征高麗令無忌攝侍中還無忌因辭師之位太宗詔無忌太子師之十一一年遷領揚州都督二人受遺令輔政太宗謂疾篤引無忌及中書令褚遂良二人受遺令輔政太宗謂遂良曰無忌盡忠於我我有天下多是此二人復大臣高宗勿令讒毀之徒損害無忌若如此者兩則復大臣高宗即位進拜太尉兼揚州都督時無忌位當一寡數遂謀議高宗無不優納之明年以早上疏辭職高宗頽降手詔敦喻不許五年親幸無忌第見其三子並擢授朝散大夫又命圖無忌形像親為畫贊以賜之六年帝將立昭儀武氏為皇后無忌屢言不可帝乃密遣使賜無忌金銀寶器各

一車綾錦十車以悅其意昭儀母楊氏從自請無忌宅屢
 加祈請時禮部尚書許敬宗又屢申勸請無忌嘗厲色折
 之帝竟不從無忌等言而立昭儀為皇后皇后以無忌先
 受重賞而不助已心甚銜之四年以許敬宗誣構流黔州
 死無忌既有大功而死非其罪天下至今哀之上元元
 年優詔追復無忌官爵特令無忌孫延王齊獻公之祀
徐有功 舊唐書本傳 偃師人國子博士文遠孫也舉明經累
 轉蒲州司法參軍緝封東莞男為政寬仁不行杖罰
 吏人感其恩信遞相約曰若犯徐司法杖者眾必斥罰之
 由是人爭用命終於代滿不戮一人載初元年累遷司刑
 丞時酷吏周興來俊臣等構陷無辜皆抵極法公卿震恐
 莫敢正言有功獨存平怨詔下大甕者有功皆議出之前
 後濟活數十百家常於殿庭論奏曲直則天厲色詰之左
 右莫不悚慄有功神色不撓爭之彌切尋轉秋官員外郎
 轉中道州刺史李仁褒及弟榆次令長沙又為唐奉一
 所遺高宗末私議吉因謀復李氏將誅之有漢故事附下罔
 不從得秋官侍郎周興奏有功曰臣聞兩漢故事附下罔
 上者腰斬而欺者亦斬又禮云析言破律者殺有功故出
 反囚罪當不赦請推按其罪則天雖不許繫問然竟坐免
 官久之起為左臺侍御史則天特褒異之時遠近聞有功

授職皆欣然相賀潤州刺史竇孝謙妻龐氏為奴誣告云
 夜解祈福則天令給事中薛昶鞠之季昶鍛鍊成其罪
 龐氏當坐斬有法司結刑當弄市有方視事令史垂泣以
 惡逆奏付法法司結刑當弄市有方視事令史垂泣以
 告有功曰豈吾獨死而諸人長不死耶乃徐起而歸則天
 覽奏召有功詰曰卿比斷獄失出何多對曰失出臣下之
 小過好生聖人之大德願陛下宏德則天下幸甚則天
 默然於是龐氏減死流於嶺表有功除名為庶人尋起為
 左司郎中累遷司刑少卿有以功請所親曰今身為大理人
 命所懸必不能順旨詭辭以求苟免故前後為獄官以諫
 奏枉誅者三經斷死而執志不渝酷吏由是少衰時人比
 漢之于張焉或曰若獄官皆然刑措何遠久之轉司僕少
 卿長安二年卒年六十二贈司刑卿中宗即位贈越州刺
 史仍遣使就家吊祭賜物百段授一子官今上踐祚竇孝
 謙之子希城等請以身之官爵讓有功子倫以報舊恩
 倫由是自太子司議郎恭陵令累遷中宗即位贈越州刺
 張說 舊唐書本傳 字道濟洛陽人詔舉對策第一授太子校
 諫不省擢鳳閣舍人張易之誣陷魏元忠援說為助說廷
 對元忠實不反元忠由是免誅說坐忤旨流欽州中宗立
 可府志 卷之四 人物志 名臣

召為兵部員外郎累遷侍郎以母喪免既暮詔起為黃門
 侍郎固請終制言甚切至優詔許之除喪復為兵部兼修
 文館學士睿宗即位擢中書侍郎兼雍州長史元宗為太
 子說與褚元量侍讀尤見親禮踰年進同中書門下平章
 事監修國史景雲二年帝謂侍臣曰術家言五日內有急
 兵入宮為我備之左右莫對說進曰此讒人謀動東宮耳
 陛下若以太子監國則名分定奸賊破蜚禍塞矣帝悟下
 制如說言明年皇太子即皇帝位太平公主引蕭至忠崔
 湜等為宰相以說不附已授尚書左丞罷政事為東都留
 守說知太平等懷逆乃因使以佩刀獻元宗請先決策帝
 納之至忠等已誅召為中書令封燕國公實封二百戶素
 與姚元崇不平罷為相州刺史河北道按察使坐事累徙
 岳州停實封開元七年授檢校并州長史兼天兵軍大使
 修國史仍實封開元七年授檢校并州長史兼天兵軍大使
 曲降虜阿布思也九姓同羅拔野固等皆懼說持節使
 輕騎二十直詣其部宿帳下召見酋豪慰安之副使李憲
 以虜難言不宜涉不測說報曰吾肉非黃羊不畏其食血
 非野馬不畏其刺士當見危致命亦吾劾死之秋也由是
 九姓遂安後討蕩池叛羌康待賓詔說相知經畧時党
 項羌亦連兵攻銀城說將步騎萬人出合河關掩擊破之

追北駱駝堰賊乃西遁餘衆奔潰說招納党項使復故處
 副使史獻請盡誅之說不從奏置麟州以安羌衆拜兵部
 尚書同中書門下三品讓宋璟陸象先不許明年召為朔
 方節度大使親行五城督士馬進討叛羌以功賜實封三
 百戶帝自東都將還京因幸并州說見帝曰太原王業所
 基陛下巡幸振耀威武以申永思繇河東入京師有漢武
 雕上祠此禮廢闕歷代莫舉願為三農祈穀誠四海之福
 帝納其言過祠后土乃還進中書令說又倡封禪議受詔
 與諸儒草儀多所裁正帝召說與禮官學士置酒集仙殿
 白朕今與賢者樂于此當遂為集賢殿乃下制改麗正書
 院為集賢殿書院而授說撰封禪壇頌刻之泰山以夸成功
 右丞相兼中書令詔說撰封禪壇頌刻之泰山以夸成功
 未幾為字文融所劾詔尚書省鞫之發金吾兵圍其第說
 兄左庶子光詣朝堂割耳稱寃帝乃停說中書令明年詔
 說致仕仍令在家修史十七年復為右丞遷左丞相上
 日勅所司供帳設樂內出醪饌帝為賦詩俄授開府儀同
 三司十八年卒年六十四為停正會贈太師諡
 曰文貞大歷中詔配享元宗廟廷子均均城
 畢構舊唐書本傳偃師人父憬則天時為司衛少卿構少舉
 進士神龍初累遷中書舍人時敬暉等奏請降削武氏

諸王構次當讀表既聲韻朗暢兼分析其文句左右聽者皆歷然可曉由是武三思惡之出為潤州刺史累除益州大都督府長史景雲初召拜左御史大夫轉陝州刺史加銀青光祿大夫封魏縣男頃之復授益州大都督府長史兼充劍南道按察使所歷州府咸著聲績在蜀中尤草舊弊政號清嚴睿宗聞而善之優書勞之賜袍帶并衣一副尋拜戶部尚書轉吏部尚書並遷領益州大都督府長史元宗即位累拜河南尹遷戶部尚書開元四年遇疾上手疏鑿方以賜之時議其書為因官遽改授太子詹事冀其有瘳尋卒贈黃門監諡曰景構初喪繼母時有二妹在襁褓親加鞠養咸得成立及構卒二妹號絕久之以撫育恩遂制三年之服其弟初亦甚哀毀並為當時所稱樹官至荆

州司馬

士

李渤 唐書本傳字滂之洛陽人少隱嵩山以薦徵為左拾遺託疾不赴韓愈遣書勸之仕渤心善其言始出家東都每朝廷有闕政輒附章列上元和九年討淮西上平賊三術一曰感二曰守三曰戰感不成不失為守守不成不失為戰又上禦戎新錄乃以著作郎召渤遂起歲餘遷右補闕以直忤旨下遷丹王府諮議參軍分司東都渤雖處

外然志存朝廷表疏凡四十五獻擢為庫部員外郎會皇甫鏞輔政務剝下佐用度而渤奉詔弔郗士美喪在道上言渭南長源鄉戶四百今纔四十闔鄉戶三千而今千它州縣大抵類此推其敝始於攤逃人之賦假令十室五逃則均責未逃者若抵石于弁非極泉不止誠繇聚斂之臣割下媚上願下詔一賜禁止計不三年人必歸于農夫農國之本本立而太平可議矣又言道路第不洽驛馬多死憲宗得奏咨駭即詔出飛龍馬數百給畿驛渤既以峭直觸要臣意乃謝病歸穆宗立召拜考功員外郎歲終當校考勒自宰相而下升黜之奏入不報會魏博節度使田宏正表渤為副元頴劾奏渤賣直售名外交方鎮不宜在朝出為虔州刺史渤奏還信州移稅錢二百萬免賦米二萬石廢冗役千六百人觀察使上狀不闕歲遷江州刺史又治湖水築隄七百步使人不病涉入為職方郎中進諫議大夫時政移近倖紀律蕩然渤勁正不顧患通章封無闕日天子雖幼昏亦感寤擢給事中賜金紫服以論宦官事出為桂管觀察使桂有灘水出海陽山世言秦命史祿伐粵鑿為漕馬援討徵側復治以通餽後為江水潰毀渠遂厥淺每轉餉役數十戶濟一艘渤醜後舊道有宜舟楫利焉踰年以病歸洛太和中召拜太子賓客卒年五十

人物志

名臣

九贈禮部尚書渤孤操自將不苟合於世人咸謂之沾激屢以言斥而悻直不少衰守節者尚之

武元衡舊唐書本傳字伯蒼緱氏人曾祖載德則天皇后之族弟祖平一有名元衡舉進士累為華原令畿輔鎮

軍督將皆驕橫撓政元衡移疾去德宗欽其才召拜比部員外郎歲內三遷至右司郎中以詳整任職擢為御史中丞嘗對延英帝目送之曰是真宰相器順宗立王叔文使人誘以為黨拒不納俄為山陵儀仗使監察御史劉禹錫求為判官元衡不與叔文滋不悅數日收太子右庶子會冊皇太子元衡贊相太子識之及即位是為憲宗復拜中丞進戶部侍郎元和二年拜門下侍郎同中書門下平章事兼判戶部事帝素知元衡堅正有守故禮信任異它相是時蜀新定高崇文為節度不知吏治帝難其代詔元衡劍南西川節度使元衡至綏靖約束儉已寬民比三年上下完實蠻夷懷歸雅性莊重雖淡於接物而開府極一時選八年召還秉政李吉甫李絳數爭事帝前不叶元衡獨持正無所違附帝稱其長者吉甫卒准蔡用兵帝悉以機政委之王承宗上疏請赦吳元濟使人白事中書悖慢不恭元衡叱去承宗怨數上章誣詆未幾入朝夜漏未盡為刺客所害帝聞震驚罷朝坐延英見宰相哀慟為再不

食贈司徒諡曰忠愍從父弟儒衡

武儒衡舊唐書本傳字廷碩緱氏人姿狀秀偉不妄言與人交終始一節宰相鄭餘慶不事華潔門下客多瑋衣

敗服獨儒衡上謁未嘗有所易以莊詞正色見重於餘慶元衡歿帝待之益厚累遷戶部郎中知諫議大夫事俄兼知制誥儒衡議論勁正有風節且將入用宰相令狐楚忌之會以狄兼謨為拾遺楚自草制引武后革命事盛推仁傑功以指切儒衡且沮止之儒衡泣見上曰臣祖平一當天后時避仕終老不涉於累帝慰勉之自是薄楚為人也遷中書舍人時元稹倚宦官知制誥儒衡鄙厭之會食瓜蠅集其上儒衡揮以扇曰適從何處來遽集於此一坐皆失色然以疾惡大分明終不至大任以兵部侍郎卒年五十六贈工部尚書

元德秀唐書本傳字紫芝河南人質厚少緣飾少孤事母孝舉進士不忍去左右自負母入京師既擢第母亡廬墓側食不鹽酪藉無茵席服除以窶困調南和尉有惠政黜陟使以聞擢補龍武軍錄事參軍德秀不及親在而娶不肯婚人以為不可絕嗣答曰兄有子先人得祀吾何娶為初兄子襁褓喪親無資得乳媪德秀自乳之數日漣流

得食乃止既長將為娶家苦貧乃求為魯山令有盜繫獄
 會虎為暴盜請格虎自贖許之吏白彼詭計且亡去無乃
 為累乎德秀曰許之矣不可負約即有累吾當坐不及餘
 人明日盜尸虎還舉縣嗟嘆元宗在東都黜五鳳樓下命
 三百里縣令刺史各以聲樂集是時頗言帝且第勝負加
 賞黜河內太守輦優伎數百被錦繡或作犀象瓌譎光麗
 德秀惟樂工數十人聯袂歌于薦于于薦于者德秀所為
 歌也帝聞異之歎曰賢人之言哉詔宰相曰河內人其塗
 炭乎乃黜太守德秀益知名所得俸祿悉衣食人之孤遺
 者歲滿笥餘一緜駕柴車去愛陸渾佳山水乃定居不為
 墻垣扁鑰家無僕妾歲饑日或不爨嗜酒陶然彈琴以自
 娛人以酒肴從之不問賢鄙為酣飲是時程休邢宇弟
 宙張茂之李寧崑族子丹叔惟岳喬潭楊拯房垂柳識皆
 號門弟子德秀善文辭作蹇士賦以自况房瑄每見德秀
 歎息曰見紫芝眉宇使人名利之心都盡蘇源明嘗語人
 曰吾不幸生衰俗所不恥者識元紫芝也天寶十三年卒
 家惟枕履單瓢而已潭時為陸渾尉庀其葬族弟結哭之
 痛其友李華諡之曰文行先生天下高其行不名謂之元
 山魯

元結

唐書本傳字次山河南人後魏常山王遵十五代孫世
 襲常山郡公曾祖仁基字惟固從征遼東以功賜宜君
 田二十頃拜寧塞令自來皆承王公餘烈惟鷹犬聲樂是
 習至祖亨字利貞始以儒學變易霍王元軌聞其名辟參
 軍事父延祖三歲而孤逮長不仕年過四十始調春陵縣
 丞輒棄官去灌畦掇薪以自娛樂卒年七十六門人私諡
 曰太和先生結少不羈年十七始折節向學事從兄德秀
 天寶中舉進士禮部侍郎陽浚嘉其文擢上第復舉制科
 遭亂後蘇源明薦於肅宗召問上時議三篇帝悅曰卿能
 破朕憂擢右金吾兵曹參軍攝監察御史出為山南西道
 節度參謀募唐鄧汝蔡義士降劇賊五千瘞戰死露齒於
 泌南名曰哀丘帝將親征史思明結言賊銳不可與爭宜
 折以謀帝善之因命發宛葉兵結屯泌陽守險全十五城
 以功遷御史裏行進水部員外郎佐荆南呂誼轉來瑱府
 軍中有父母妻子隨者咸衣食之瑱誅令攝府事代宗立
 固辭侍親歸樊上授著作郎久之拜道州刺史在職為民
 營舍給田免徭流亡歸者萬餘各請免所負租稅及上供
 和市雜物許之諸使調發輒言人困不忍加賦進管經
 畧使身諭蠻豪綏定八州會母喪人皆請留加左金吾衛
 將軍民樂其教至立石頌德罷還京師卒年五十贈禮部

侍郎

于休烈

舊唐書本傳河南人高祖志寧貞觀中任左僕射為

敏悟自幼好學士父默成沛縣令早卒休烈至性貞慤機鑒

文詞之友齊名一時舉進士又應制策登科授秘書省正

字累遷右補闕起居郎集賢殿學士轉比部員外郎郎中

楊國忠輔政排不附已者出為中書侍郎太常少卿

肅宗踐祚休烈自中書侍郎行在擢拜給事中遷太常少卿

知禮儀事兼修國史時中原蕩覆典章殆盡無史籍檢尋

休烈奏曰國史一百六卷開元實錄四十七卷起居注并

餘書三千六百八十二卷並在興慶宮史館京城陷賊後

皆被焚燒且國史實錄聖朝大典修撰多時今並無本伏

望下御史臺推勘史館所由令府縣招訪有人別收得國

史實錄如送官司重加購賞若是史官收得仍赦其罪得

一部超授官資得一卷賞絹十匹數月之內唯得一兩卷

前修史官工部侍郎韋述陷賊入東京至是以其家藏國

史一百一十三卷送于官尋轉工部侍郎修國史獻五代

帝王論帝甚嘉之宰相李揆矜能忌賢以休烈修國史與

已齊列嫉之奏為國子祭酒權留史館修撰以下之休烈

恬然自持殊不介意代宗即位甄別名品累遷工部尚書

封東海郡公加金紫光祿大夫在朝凡三十餘年歷掌清

要家無擔石之畜恭儉温仁未嘗以喜愠形於顏色而親

賢下土推轂後進雖位崇年高曾無倦色篤好墳籍手不

宋

劉温叟

東都事畧本傳字永齡洛陽人父岳後唐太常卿五

代吏有傳温叟七歲善屬文工楷隸岳嘗語家人曰

吾兒風骨秀異所不知者壽耳今世難未息得與老夫偕

為温洛之叟足矣故名之曰温叟始以父任補四門助教

仕唐為右拾遺監察御史右補闕建隆初拜御史中丞一

日晚歸道由闕前太祖方御明德樓温叟行至樓側下馬

庶或聞則有恩給之望臣所以不敢却導從者不欲驚彼

人物志

九

耳目也太祖遠還給內帑三千緡付縣官以自罰卒年六十四温叟性重厚有禮法事親孝雖盛暑非冠帶不敢見父名岳終身不聽樂客有犯其諱者温叟慟哭而起遂與客絕揚徽之范杲皆温叟所薦引也太宗為晉王時屢與太祖言其清節云子焜

劉奕

東都事略劉温叟傳字耀卿舉進士嘗知龍門縣通判益州天禧初詔置諫官御史十二員奕與魯宗道首與其選擢為右正言時歲荐饑河復決東郡奕上言歲數不登力役屢起元元困苦道殍相望此宰相事也未聞有濟之術願策免以塞羣望不報京師傳有靈泉飲者愈疾議建祥源觀奕上言罷之河北平焜請蠲兩河賦以寬民力又建言請黜章句篆刻之技崇尚學術復聘士之禮加直集賢院同修起居注改右司諫換侍御史知雜事遷三司戶部副使除龍圖閣待制天聖中知開封府遷龍圖閣直學士知河南府徙河中卒年六十二子几忱知名忱為監司郡守有聲忱子

唐老元祐中為右正言

劉几

東都事畧劉温叟傳字伯壽以父任為將作監主簿舉進士弟孫沔言其有將帥才自太常博士易知京使知

寧州又知邠州儂智高盜嶺南几上章願自效授荆湖南路兵馬鈐轄克邕州以功加皇城使累遷東上閣門使涇原路總管會夏人圍同家堡轉運使陳述古權渭帥几移文請出兩將為援述古怒移几知鳳翔府改知鄜州召還拜奏鳳路總管遷四方館使知保州請老以祕書監致仕神宗祀明堂大臣有言几知音律詔諸太常修定雅樂几面陳古樂備四清聲泂五季亂離遂廢請復增置樂成詔褒之賜一子官改通議大夫卒年八十一几少篤風義有家法晚年放曠得養生訣故老而不衰

石熙載

東都事畧本傳字凝績洛陽人也周時舉進士太宗初領泰寧節度辟為掌書記及尹開封又辟為推官授右拾遺遷左補闕出為忠武崇義二鎮掌書記太宗即位召還復為左補闕出知潭州擢兵部員外郎樞密直學士遂拜僉書樞密院事僉書始于此太宗征河東從至鎮州遷給事中樞密副使太宗還京師遷刑部侍郎未幾拜戶部尚書樞密使以疾求解機務除左僕射卒年五十七贈侍中諡曰元懿與薛居正酌享太宗廟廷熙載有文學立朝無顧避喜稱薦善人有長者之譽子中立

石中立

東都事畧石熙載傳字表臣年十三喪父朝廷以中立為供奉官十八獻文改光祿寺丞遷殿中丞家富於財悉推與諸父久之除直集賢院累擢知制誥翰林學士景祐四年拜參知政事明年以戶部侍郎罷為資政殿學士轉大學士遷吏部侍郎以太子少傅致仕遷少師卒年七十八贈太子太傅諡曰文定初中立家產歲入百万至死之日不能給喪具仁宗聞而憫之賜以白金三百兩

呂蒙正

龜圖起居郎蒙正舉進士第一為將作監丞通判昇州授著作郎直史館加左拾遺拜左補闕知制誥遷翰林學士拜左諫議大夫參知政事李昉罷相以蒙正為中書侍郎戶部尚書同中書門下平章事監修國史蒙正寬簡有重望以正道自持遇事敢言每論事政有未允者固稱不可太宗嘉其無隱淳化中罷為吏部尚書四年復為相太宗因上元觀燈召侍宴太宗歎為繁盛蒙正避席曰乘輿所在士庶走集故繁盛如此臣常見都城外不數里飢寒而死者甚眾不必盡然願陛下視近以及遠蒼生之幸也太宗變色不言蒙正愀然復位同列咸多其伉直太宗欲遣人使朔方論中書選才而可責以事者蒙正退以名

上太宗不許它日凡三問終不易其人太宗曰卿何執耶蒙正曰臣非執蓋陛下未諒耳因固稱其人可使餘人不敢動太宗退謂親信曰蒙正氣量我不如既而卒用蒙正所選者果稱職以右僕射出判河南府真宗即位進左僕射拜同中書門下平章事昭文館大學士國朝以來三居相位唯趙普與蒙正拜司空兼門下侍郎咸平六年授太子太師封萊國公改封徐又封許洛中有園亭時會親舊環侍皆子孫間舉壽觴澤然自得真宗謂蒙正曰卿諸子孰可用蒙正對曰諸子皆不足用有姪夷簡宰相才也蒙正客富言一日白蒙正曰言有子甚幼欲令入書院就讀蒙正許之蒙正見其子即驚曰此兒他日名位與吾相似而勲業遠過吾言之子即弼也蒙正知人如此卒年六十八贈中書令謚曰文穆子居簡當慶歷中為提點京東刑獄時夏竦有憾于石介介已死竦言於仁宗曰介不死北走胡矣乃遣中使發人棺以驗居簡謂中使曰君何如居簡曰介之死當時必有內外親族及門生會葬今檄問之可也中使從其言令結狀保證中使入奏仁宗察其誣乃得不發時人以

居簡為長者居簡官
至龍圖閣直學士

張齊賢

東都事畧本傳字師亮洛陽人太祖幸西都齊賢以
布衣獻策于馬前召至行宮問以所言齊賢應對明
辯略無懼色太祖賜束帛而遣之歸謂太宗曰吾幸西都
得一張齊賢朕不欲爵之以官異時可使輔汝為相也太
宗即位齊賢舉進士授大理評事通判衡州明年代還會太宗
征太原齊賢上謁遷祕書丞命知忻州明年以爲著作郎
直史館改左拾遺太平興國六年爲江南西路轉運使務
行寬大察訴謀多得其情召還拜樞密直學士擢右諫議
大夫僉書樞密院事雍熙三年大舉北伐代州楊業戰沒
太宗訪近臣以策齊賢請行即授給事中知代州與潘美
同領緣邊兵馬是時虜騎自湖谷入寇薄城下神衛都校
馬正以所部列南門外眾寡不敵齊賢選廂軍二千出正
之右誓眾感慨一以當百虜遂却先是約潘美以并州來
會戰無何間使爲虜所得齊賢以師期既漏且虞美之眾
爲虜所乘俄而美有使至云師出并州行四十里至栢井
忽有密詔東路之師敗績于君子館并之全軍不得出戰
已還州矣于時虜騎塞川齊賢曰虜知美之來而未知美
之退乃閉其使密室中夜發兵二百人人持一幟負一束

芻藳州城西南三十里列幟燃芻虜遙見火光中有旗幟
意謂并師至矣駭而北走齊賢先伏步兵二千於土磴若
掩擊大敗之擒其北大王之子一人帳前舍利一人斬數
百級獲馬二千器甲甚眾拜工部侍郎虜又自大石路南
侵齊賢簡廂軍千人爲二部分屯繁峙崞縣下令曰代西
有寇則呼集矣至是果爲繁峙兵所敗入拜刑部侍郎樞
密副使淳化二年參知政事數月拜吏部侍郎同中書門
下平章事齊賢母孫氏年八十餘封晉國太夫人太宗歎
其母福壽多賜手詔存問摺紳榮之事有涉于請而辭連
參知政事李沆者齊賢獨任其責由此罷相爲尙書左丞
物論美之俄丁內艱水漿不入口者七日其後日一飯粥
既祥乃飯脫粟三年酒肉果菜不入門世稱其孝知河南
府又知丞興軍徙襄州移荆南又徙安州憲宗即位召拜
兵部尙書同中書門下平章事因朝會被酒坐失儀免相
李繼遷陷清遠軍命爲涇原等州安撫會被酒坐失儀免相
判邠州改判永興軍從東封還復拜右僕射時建玉清昭
應宮齊賢屢請罷土木之役出判河陽從祀汾陰進左僕
射請老除司空致仕歸洛得唐裴度午橋莊有池榭松竹
之勝日與親舊觴詠其間卒年七十二贈司徒諡曰文定

齊賢姿儀洪碩議論慷慨有致君大畧治獄多全活教子孫皆能有立四踐兩府九居八坐以三公就第康寧福壽時罕其比齊賢子宗誨字習之少喜兵家學至於陰陽象緯之書無不通究嘗為太子中舍貶海州別駕後易右職積官至興州防禦使改秘書監致仕宗誨之子子憲亦官至秘書監

錢若水

東都事畧本傳字淡成新安人文敏子十歲能屬文華山陳搏一見以為有仙風為骨舉進士為同州推官有富民失女奴其父母訟于州潘士曰母獄吏嘗有貨於富民不獲乃劾富民父子數人劫殺女奴棄之水中遂失其尸而誣以罪皆應死若水疑之密使人訪求女奴得之乃引以示女奴之父母皆泣曰是也富民父子賴以得免郡太守欲薦之若水固辭曰且朝廷以此為若水功當置獄吏者於何地太守歎服太宗聞之遂召用擢秘書丞直史館半歲中超遷知制誥翰林學士至道初拜右諫議大夫同知樞密院事真宗即位加戶部侍郎以親年高求解機政乃罷為集賢院學士修太宗實錄從真宗幸大名上書論兵事真宗重之俄知開封府邊事急內出手詔詢若水禦備翦滅之術若水上言真宗善其議謂左右曰若水儒臣中知兵者也拜鄧州觀察使知并州以疾召還卒

年四十四贈戶部尚書諡曰宣靖若水風流儒雅有文學善談論事母以孝聞所至有譽望接物以誠評人貴賤壽夭多驗自知不壽故懇辭勢位賢士大夫皆宗慕之有文集二十卷真宗念若水母老數遣使存問賜緡帛羊酒云

种世衡

京師事畧本傳字仲平放之兄子也以放蔭為將作監主簿嘗知武功澠池縣通判鳳州累遷太子中舍延安其北可圖銀夏城以謂其左可致河東粟其右可捍又募商賈貸以緡錢使通貨賄清湖初無水穿井百五十尺至石乃曰能肩石一畚者酬百錢居數日及泉民甚賴之為鄜延路兵馬都監遷洛苑使知環州凡邊民有過則校之射四發二中者釋其罪兩辭疑而不決者亦因射中否而與決之境內之民因多善射者臨邊數年積穀通貨撫養士卒得其死力遷東染院使環慶路兵馬鈐轄環慶之開屬羌有明珠滅臧康奴三族最大撫之則驕不可制改之則險不可入常為原州患其北有三川通西夏三川之間有古細畧城仲淹宣撫陝西命世衡與知原州蔣偕共城之世衡以錢募戰士晝夜板築旬日而成乃召三

首詢之以官築此城為汝禦寇三族既出其不意又援路以絕因而服從城既成而世衡卒年六十一環人圖其像而祀之世衡人子詰諤諳知名孫師道師中自有傳詰字大質少慕從祖放為人不可事科舉當任官辭與諸弟杜門讀書時稱小隱君世衡卒詰上其父反間羌酋之功朝廷贈世衡成州團練使以詰為天興尉累轉西京左藏庫副使使涇原路都監知原州羌人犯塞詰禦之遂城熙寧若於鎮戎之北又破羌人於折葭會以功遷左藏庫副使為兵馬鈐轄元豐中王師西伐詰知鎮戎軍熙寧河旋師兵十萬道境上須芻糧僚佐以他路為言詰曰王師也遠命餉之詰為西人明達樂善宗族稱孝弟諤取緩州以擅興兵繫獄詰乞納官贖罪世衡嘗以汝陽田二十頃遺其友人張問問既顯達復歸其田詰固辭不受士論美之

富弼 宋史本傳字彥國河南人父言母韓氏姪娠時夢旌旗鸞鶴降其庭云有天赦既而生弼篤學有大度范仲淹制科弼舉茂材異等授將作監丞簽判河陽郭后廢貶言弼上言是一舉而二失縱未能復后宜還仲淹等不報

判絳州遷直集賢院元吳反疏陳八事乞斬其使者召

為開封推官知諫院康定元年日食正旦請罷宴徹樂就館賜北使食執政不可弼曰萬一契丹行之為朝廷羞後開果然帝深悔之又請除越職言事之禁言應天變莫若通下情詔從之時鈴轄盧守勳內侍黃德和連敗于元昊朝議代以夏守贊為都部署入內都知王守忠為都鈴轄弼言用守贊已為天下笑今益以守忠與盧置監軍何異覆車之轍可復蹈乎詔罷守忠又言邊事係國家安危不當專委樞密院乞知國初令宰相兼領詔可慶歷二年擢知制誥會契丹遣蕭英劉六符來求開南地因薦行報聘朝臣皆謂其情巨測歐陽修引顏真卿使李希烈事請留不報弼毅然請行帝動色令先為接伴弼開懷與語英感悅不復隱其情告以帝所欲得者謂可從從之不然而以一事塞之弼具以聞帝許增歲幣將行進弼樞密直學士辭不拜既至見契丹主盛氣問以塞鴈門增塘水治城隍籍民兵數事且曰羣臣請舉兵而南吾謂不若遣使求地求而不獲舉兵未晚弼奮然曰北朝與中國通好則人主專其利若用兵則人主任其禍契丹至驚問故對曰中國提對萬里精兵百萬法合修明上下一心北朝用兵必不能勝即倖而一勝鹵獲悉歸將士所亡士馬至反當之莫若通好不絕則歲幣盡歸人主臣下何利焉契丹主首肯若

久之弼又曰塞鴈門者脩元吳也塘水治于何承矩事在
通好前城隍皆修舊民兵亦補闕非違約也契丹主曰非
賂契丹周世宗復取關南皆異代事若各求地豈北朝之
利哉既退六符曰吾王取受金帛堅欲十縣何如弼曰本
朝皇帝言朕為祖宗守國豈敢以土地與人不忍多殺
兩朝赤子故屈已增幣以代之若必欲得地是志在敗盟
假此為詞耳瀘淵之盟天地神鬼實臨之今首發兵端過
不在我明日契丹主召弼同獵引弼馬自近言得地則歡
好可久弼反覆陳其不可狀且言北朝既以得地為榮南
朝必以失地為辱兄弟之國豈可使一榮一辱哉獵罷六
符曰吾主聞公榮辱之言意甚感悟今惟有結婚可議耳
弼曰婚姻易生嫌隙本朝長公主出降齊送不過十萬緡
豈若歲幣無窮之利哉遂諭弼使歸曰俟卿再至當擇其
一受之卿其以誓書來弼歸反命復持二議政府曰授其
詞以行次樂壽語其副曰吾為使者而不見國書脫其
易書而行及至不復求婚專欲增幣其辭當曰獻否則回
納弼以死爭契丹曰南朝既懼我何惜此二字若擁兵而
南得無悔乎弼曰本朝兼愛南北故不憚更成何名為懼

不得已至於用兵則當以曲直為勝負非使臣所敢知聲
色俱厲契丹知不可奪乃曰吾當自遣人議之復使六符
來弼奏彼氣已折可勿許也已而竟與以納字擢翰林學
士弼懇辭言增幣非臣本志特以方討元昊未暇與角敢
受賞乎三年拜樞密副使之命弼言契丹既結好議者便謂
讀七月復申樞密副使之命弼言契丹既結好議者便謂
無事萬一敗盟臣死且有罪願陛下思其輕侮之耻坐薪
嘗膽不忘修政因以誥納上前踰月復除前命適元昊使
辭還帝御紫宸殿俟弼綴班乃坐不得已受命帝時方銳
意太平責成宰輔數不詔命仲淹至西事弼主北事二人
同上當世之務十餘條及安邊十三策大略以進賢退不
肖止僥倖去宿弊欲漸易監司之不才者使澄汰所部吏
于契丹而小臣不悅矣夏遣使來書稱男而不臣弼言元昊
臣契丹而不臣我則契丹益強不可許乃却其使卒臣之
會夏竦怨弼中以飛語弼懼求宣撫使王則叛或告禁兵
在齊者欲應之弼以非所部恐事泄變生適中貴張從訓
者帝聞嘉之遷禮部侍郎徙知鄭蔡河陽加觀文殿大學
士宣徽南院使判并州至和二年召拜同中書門下平章

人物志 左

事集賢殿大學士與彥博並命宣制之日士大夫相慶于朝帝微規知之語學士歐陽修曰古來命相或稽于夢卜若今日大得人情豈不尤賢乎修頓首賀帝弗豫大臣不得見中外憂慄弼與彥博入問疾因託禳祈事宿內連夕每事必關白乃行中外肅然嘉祐三年進昭文館大學士監修國史六年內艱帝為罷春宴舉故事五起之弼堅調金草變禮不可施于平世卒不從英宗立召為樞密使治平二年以疾求解拜鎮海軍節度使同平章事知揚州封祁國公神宗即位改節武寧軍節度使同平章事知揚州訪以治道又問邊事對曰陛下臨御未久當布德行惠願二十年口不言兵帝默然日昃乃退欲以集禧觀使留之力辭赴郡明年二月召拜司空兼侍中賜甲第悉辭之以左僕射門下侍郎同平章事時有為帝言災異皆天數非必奸人欲進邪說以搖上心治亂之機不可不救即上書數千言極論之又言君子小人之進退係王道之消長今中外諸務漸有更張大抵小人惟喜生事願深燭其姦無使有悔帝因久旱羣臣請上尊號用樂皆不許會同天節北使當上壽弼言此盛德事正當以此示之帝從其言并

罷上壽即日雨又疏言願陛下益畏天戒遠姦佞近忠良將許之問誰可代者薦文彥博帝不應良久曰安石何如弼亦默然仍前使相判河南改亳州持青苗法不行謂如是則財聚於上人散於下提舉趙濟劾其格詔侍御史鄧綰乞付有司鞫治改為左僕射判汝州弼自言新法臣所不曉不可以治郡詔許歸洛養疾嘗遇安石有所建明上手疏稱老臣無所告訴但仰屋竊嘆而已請老加司空封韓國公致仕朝廷有大利害知無不言郭達討安南乞詔擇利進退以全王師契丹爭河東地界言不可許星文有變乞開廣言路速改新法以解倒懸之急帝雖不盡用而眷禮不衰會王同老言至和中與彥博議立儲事帝以問彥博始知之嘉弼不自言進守司徒六年八月薨年八十帝覽遺奏震悼輟朝三日內出祭文致奠贈太尉諡文忠元祐初配享神宗廟廷哲宗篆其碑首曰顯忠尚德之碑命學士蘇軾撰文刻之三子紹宗供脩庫副使紹隆光祿

蔡齊 通志字子思鞏縣人宋史本傳少孤依外家劉氏登甲科第一儀狀俊偉舉止端重真宗顧寇準稱為得人詔

人物志

名臣

金吾給七駟傳呼以寵之狀元給駟自齊始累官翰林學士加侍讀太后命齊為修景德寺文羅崇勳使人趣之許以叅政久之不上崇勳讒之罷知河南魯宗道固爭不能得親老改密州徙應天召為右諫議大夫兼御史中丞太后崩遺誥尊楊太妃為皇太后同裁制軍國事齊入白執政曰上春秋富習知天下情偽今始親政事豈宜使女后相踵稱制乎遂罷改龍圖閣學士明道二年拜樞密副使太后姻王蒙正子齊雄坐殺人除名未更赦復官齊入奏以恩廢法如朝廷何帝命降一等齊執不可帝勉從之惟演附丁謂逐寇準併削其樞密題名齊言準忠義乃社稷之臣豈可為姦黨所誣得不去上將立富人陳氏女為后復極論之景祐二年拜禮部侍郎叅知政事與王曾素善坐呂夷簡與曾不相能罷為戶部侍郎出知潁州特請立州學從之卒年五十二贈兵部尚書諡文忠無子立從子延慶為嗣延慶字仲遠登進士通判明州歷福建運判提點京東陝西刑獄神宗初以集賢校理為開封推官辨衛士訟卒簡火入直反坐告者加直史館知河中府召入同修起居注直舍人院兼判流內銓拜天章閣待制出為秦鳳路都轉運使以應辦熙河軍需功進龍圖閣直學士以言罷知滁州歷瀛洪二州復帥高陽定武元祐中入為

工吏二部侍郎卒年六十二賜錢庀墓延慶有學問平居簡默遇事能別白是非所至有惠政齊後得遺腹子乃歸其宗凡家所有悉以付之無一毫自取萊人義焉

呂公著

通志先世本洛陽人繼遷壽州至公著以進士仕京師復居于洛宋史本傳字晦叔從幼嗜學忘寢與食

父夷簡奇之曰他日必踵吾後及長工於經學旨趣精詣語約而理盡名流推重之司馬光每聞其講說便覺已語為頓登進士不預館試通判潁州與歐陽修為文字之交召判吏部南曹仁宗獎其恬退賜五品服除崇文檢討同判太常寺言先帝神御已三而壽星觀營建不已殆非祀無豐昵之義改天章閣待制兼侍讀英宗立加龍圖閣直學士治平二年除樞密副使議濮王稱皇伯考此真宗所以事太祖恐有未安王謹但可避於上前不應與七廟同註下即位以來不聞納諫而呂誨等坐論禮旅謫何以風示天下不聽乞補外知蔡州神宗召為翰林學士知通進銀臺司因司馬光事固請解職熙寧初知開封起知河陽還提舉中太一宮遷翰林學士承旨知審官院元豐初同知樞密院事近臣議復肉刑欲先取死囚試剗別之公著不可曰試之不死則此議遂行矣乃止謀告夏人幽其主

朝議大舉奏言聲罪致討當先擇帥苟未得人不如待之不聽及兵興秦晉民力大困大臣不敢言公著數白其害五年以疾丐去除資政殿學士定州安撫使俄永樂城陷帝嘆其言徙揚州加大學士將立太子簡為師傅哲宗立進兼侍讀至則上言正始以示天下修德以安百姓而修德之要莫先講學學有緝熙於光明則日新以底至治者皆其力也遷尚書左丞門下侍郎拜尚書右僕射兼中書侍郎與光同心輔政推本先帝之志凡欲革而未暇與草而未定者一一舉行之民謹呼鼓舞咸以為便光薨獨當國政除吏皆慎選務抑僥倖裁革科舉大弊禁王司不得以老莊命題舉子不得以申韓佛書為學經義參用古今諸儒論說母得專取王氏復賢良方正科右司諫賈易言事許直將峻責公著謂諫官所論得失未暇究顧王上春秋盛慮異時有進諛說惑亂者正賴左右爭臣不可豫使輕厭言者後皆如所慮三年以老辭位拜司空同平章軍國事詔建第於東府之南啓北扉以便執政會議凡三省密院之職皆得總理明年二月薨年七十二贈太師封申國公諡正獻御書碑首曰純誠厚德子希哲希績希純希哲別有傳希績字紀常有賢操元祐中為兵部員外郎除淮南路轉運副使知壽州尋坐黨分司南京除知濮州以

壽終希純字子進登第為太常博士擢起居舍人權太常少卿宣仁后崩上言英廟神宗何嘗不改真仁二宗之政亦豈盡用太祖太宗之法小人既誤先帝復欲誤陛下不可不察未幾拜中書舍人同修國史為張商英私憾攻之坐黜入黨籍卒

范雍

宋史本傳字伯純河南人登進士調洛陽縣簿累遷行諫議大夫權三司使論前平潞州水患加龍圖閣直學士天聖六年拜樞密副使母憂起復遷給事中會玉清昭應宮災雍抗言先朝以此竭天下之力今遽為灰燼非出入意如因其所有又將議葺則民不堪命非所以祇天戒也進禮部侍郎太后崩罷知陝州改永興軍關中饑疫雍為賑恤以疾請近郡知河陽轉吏部侍郎知應天河南二府加資政殿學士陳安邊六事後遷尚書左丞資政殿大學士初雍議城永興或言其非便詔止之雍匿詔而趨成其役明年賊犯定州邠岐之間皆恐獨永興不憂復徙河兩遷禮部尚書卒贈太子太師為治尚寬恕好謀而少成人呼大范老子以別范仲淹頗知人喜薦士狄青為小校坐法當斬雍貸之子宗傑兵部員外郎直史館歷陝西轉運使先卒孫子奇

种師道

東都事略本傳字彛淑洛陽人世衡孫少從張載學以廕補三班奉職試法易文階為熙州推官轉通判原州提舉秦鳳常平議役法忤蔡京旨換莊宅使知德順軍又謂其詆毀先烈罷入黨籍屏廢十年以武功大夫中州刺史涇原都鈐轄知懷德軍童貫握兵而西翕張威福見者皆旅拜師道獨長揖召詰闕陳邊計力排童貫徒內郡弓箭手實邊議帝善其言而貫不悅請提舉崇福宮久之知西安州夏人侵定邊築佛口城率師禦之始至渴甚指山西麓曰是當有水求之果得水滿谷累遷洛州防禦使知渭州督諸道兵築城敵至大戰于葫蘆河斬首五千級獲橐駝馬牛萬計其師僅以身免卒城而還又詔帥陝西河東七路兵征賊底城敵守甚固入而童貫助金謀伐燕師道力諍以盜入鄰室分取為諭童貫密劾其助賊致仕金兵南下師道勤王與姚平仲俱止步騎七千揭榜沿途言种少保統百萬眾來遂抵城西都人歡呼敵懼徙若增壘自衛時師道年高天下稱為老种相公入朝金使王訥在廷頡頏望見師道拜跪稍如禮帝顧笑曰彼為卿故也師道因言女直不知兵安有孤軍深入而得善其歸者請緩給金幣使彼情歸扼而殲諸河執政不可會姚平仲慮戰功獨歸种氏乘夜斫營致敗李邦彥議割三鎮

請和師道爭之不得敵退師道請伺于河半濟擊之不然必為後患不從出為河北河東宣撫使尋召還至都卒論忠憲欽宗北狩搏膺曰不用种師道謀以至於此

明

宋禮

明史本傳字大本永寧人洪武中以國子生擢山西按察使司僉事建文初薦授陝西按察僉事成祖即位命署禮部事以敏練擢禮部侍郎永樂二年拜工部尚書九年命開會通河會通河者元至元中白東平安民山鑿河至臨清引汶絕濟屬之衛河為轉漕道名曰會通然岸狹水淺不任重載故終元世海運為多至是濟寧州同知潘叔正上言舊會通河四百五十餘里淤者乃三分之一濬之便於是命禮往治之禮以會通之源必資汶水乃用汶上老人白英策築壘城及戴村壩橫亘五里遏汶流使無南入沈而北歸海滙諸泉之水盡出汶上至南旺中分之為二道南流接徐浦者十之四北流達臨清者十之六南旺地勢高決其水南北皆注所謂水脊也因相地置閘以時蓄洩自分水北至臨清地降九尺置閘二十有七而達於衛南至沽頭地降百十有六尺置閘二十有七而達於淮凡

發山東及徐州應天鎮江民三十萬蠲租一百一十萬石
 有奇二十旬而工成又奏濬沙河入馬常泊以益汶諸詳
 河渠志是年帝復用工部侍郎張信言濬祥符魚王口至
 中礮下復舊黃河道以殺水勢使河不病漕命禮兼董之
 八月還京師諭功第一受上賞明年以御史許堪言衛河
 水患命禮往經畫於是河運大便利漕粟益多十三年遂
 罷海運初帝將營北京命禮取材川蜀禮伐山通道奏言
 得大木數株皆尋丈一丈自出谷中抵江上聲如雷不偃
 一草朝廷以為瑞及河工成復以採木入蜀十六年命治
 獄江西明年造番舟自蜀召還以老疾免朝奏有奏事令
 侍郎代二十年七月卒於官禮性剛馭下嚴急故易集事
 以是亦不為人所親卒之日家無餘財洪熙改元禮部尚
 書呂震請予塋祭如制宏治中主事王寵始請立
 祠詔祀之南旺湖上隆慶六年贈禮太子太保
劉健 明史本傳字希賢洛陽人父亮三原教諭有學行健少
 端重與同邑閻馬錫白良輔遊得河東薛瑄之傳舉天
 順四年進士改庶吉士授編修謝交遊健戶讀書人以木
 強日之然練習典故有經濟志成化初修英宗實錄書成
 進修撰三遷至少詹事充東宮講官孝宗即位進禮部右
 侍郎入內閣參預機務宏治四年進尚書兼文淵閣大學

士累加太子太保改武英殿十一年進少傅兼太子太傅
 健學問深粹正色敢言以身任天下之重十三年四月九
 同告警京師戒嚴兵部請甄別京營諸將帝召健及東陽
 遷至平臺面議去留乃夫遂安伯陳韶等三人而召鎮遠
 侯顧溥督團營時帝視朝頗晏健等以為言領之而已十
 五年四月以災異陳勤朝講節財用罷齋醮公賞罰數事
 及冬南京鳳陽大水廷臣多上言時務久之不下健等因
 極陳急政之失請勤聽斷以振紀綱帝皆嘉納大明會典
 成加少師兼太子太師吏部尚書華蓋殿大學士與東陽
 遷同賜蟒衣閣臣賜蟒自健等始詔遣中官建醮武當山
 使使詣泰山進神袍及建壽塔朝陽門外皆以健等力
 諫得寢是年夏小王子謀犯大同帝惑中官言銳欲出師
 健與東陽遷委曲阻之乃止當是時健等三人同心輔政
 竭情盡慮知無不言初或有從有不從既乃益見信所奏
 請無不納呼為先生而不敢名每進見帝輒屏左右左右間
 從屏後竊聽但聞帝數稱善諸進退文武大臣輒飭屯
 田鹽馬諸政健翊贊為多未幾帝疾大漸召健等入乾清
 宮執健手曰先生輩輔導良苦東宮年幼好逸樂先生輩
 須勸之讀書輔為賢主健等欲獻受命而出翌日帝崩武
 宗嗣位健等釐諸弊政凡孝宗所欲興罷者悉以遺詔行
 名臣

之劉瑾者東宮舊豎也與馬永成谷大用魏彬張永邱聚高鳳羅祥等八人用事時謂之八黨日導帝遊戲詔條率沮格不舉京師淫雨自六月至八月健等乃上言極陳時政帝雖溫詔答之而左右宦豎日恣健等極陳其弊請勤政講學報聞而已屬逆瑾竊柄國事日非健率同官自劾上奏其畧云臣等遭逢先帝臨終顧命惓惓以陛下為託痛心刻骨誓以死報即位詔書天下延頸而朝令夕改迄無寧日百官庶府倣倣成風非惟廢格不行抑且變易殆盡建言者以為多言幹事者以為生事累章執奏謂之責擾釐剔弊政謂之紛更憂在民生國計則若罔聞知事涉於近幸貴戚則牢不可破臣等心知不可義當盡言若以臣等言是宜賜施行所言如非即當斥責乃留中不報視之若無政出多門咎歸臣等若冒顧命之名而不盡輔導之實既負先帝又負陛下天下後世其謂臣何疏入不下越五日健等復上疏歷數政令十失指斥貴戚近幸九切因再申前請帝不得已始下前疏命所司詳議健知志終不行首上章乞骸骨李東陽謝遷繼之帝皆不許既而所司議上一如健等指帝勉從之由是諸失利者咸切齒健等謀去八黨連章請誅言官亦交論羣閣罪狀健及遷東陽持其章甚力帝遣司禮詣閣曰朕且改矣其為朕曲赦

若曹健等言此皆得罪祖宗非陛下所得赦復上言以去就爭瑾等八人窘甚相對涕泣而尚書韓文等疏復入於是帝命司禮王岳等詣閣議一日三至欲安置瑾等南京遷欲遂誅之健推案哭曰先帝臨崩執老臣手付以大事今陵土未乾使若輩敗壞至此臣死何面目見先帝聲色俱厲岳素剛正疾邪慨然曰閣議是是夜八人益急環泣帝前帝怒立取岳等下詔獄八人皆宥不問而瑾掌司禮健遷遂乞致仕賜教給驛歸月廩歲夫如故事健去瑾憾不已明年三月辛未詔列五十三人為奸黨榜示朝堂以健為首文二年削籍為民進奪誥命瑾復官致仕後聞帝數巡遊輒嘆息不食曰吾負先帝世宗立命行人齎敕奉朝以司馬光文彥博為比賜賚有加及年躋九十詔撫臣就第致束帛餼羊上尊官其孫成學中書舍人嘉靖五年卒年九十四帝震悼賜恤甚厚贈太師諡文靖健器局嚴整正已率下朝退僚家私謁不交一言其事業光明俊偉明世輔臣鮮有比者孫望之進士李興中州人物考字伯起嵩人成化乙未進士授冠縣知縣鯁敢言每上疏訣別妻子不復留意家事及按陝西大振風紀所至姦盜屏息是時叅將郭鏞估勢違法諸司皆畏

之間有劾奏者鋪郎令人劫于道并其奏章奪之與乃密
疏罪狀請按誅之上俞其奏與捕鋪戮于市百姓稱快又
儀賓樊某者嘗毆父父愬之官莫敢有理者與廉知以計
縛至階下杖死其杖即撫關中因郭樊二氏子愬遂奏與
不合及轉都御史即撫關中因郭樊二氏子愬遂奏與
至京師坐以重辟吏部尚書王恕乃上疏論其畧曰
者御史與巡按陝西竟盡憲職所至秋毫無犯其畧曰
地方多矣今之所傷雖有數人蓋欲懲治奸頑初非有意
挾私法當擬徒今若處之以死臣恐天下後世以陛下用
刑任情弗以法豈不有累至仁至明之德耶且天下貪官
汚吏強軍豪民所忌憚者惟御史耳今若此是使御史垂
首喪氣而貪汚豪強者無所忌憚欲小民獲安四方晏然
難矣疏入上薄其罪謫成嶺表而與名益振會赦歸所著
有西巡奏議高南野錄若干卷子尚當父被誣論死三上
章乞代及與謫成賓州遂從行宏
治十一年尚由賓州學生中鄉試
董相通志字應期高人少有大志正德辛未舉進士為金壇
令築邑城故事不便民者一切罷之撫按交章薦擢御
史時江彬方貴幸日以狗馬敗獵迎合上意駕將出相借
林有孚造請公卿伏闕諫留未得報有起者相正色曰我

輩受國大恩今上出社稷無主當以死爭何起也竟得俞
旨歸衣衛百戶朱英者彬黨也以事織羅善良即自行勾
攝富人逮者千金之產立盡人情洵懼會相巡按居庸關
盡得好狀曰相為天子御史奉三尺按不法寧容若輩殃
民至此即捕英等繫獄而抗疏劾彬彬匿不以聞諷厥監
張銳錦衣錢寧奏相凌辱近侍茂視朝廷詔逮相杖之下
錦衣獄謫判徐州明年彬誅詔復相原官壬申擢江西僉
事癸酉擢山東副使以親老求致仕疏入遂行依親家居
三十餘年屢薦皆固辭不起相平生不御統綺居惟接羅
布袍既貴鄉黨長者必口自尊稱之與御史李興居同里
閉更受學立身行事
亦復似之祀鄉賢

王邦瑞明史本傳字惟賢宜陽人早有器識為諸生山東盜
起上勦寇十四策於知府正德十二年成進士改庶
吉士出為廣德知州嘉靖初祖憂去補滁州屢遷吏部郎
中出為陝西提學僉事坐歲貢不中式貶濱州知州再遷
固原兵備副使涇邠巨盜李孟春流劫河東西勤平之以
祖母憂去服除復提學陝西轉叅政母憂解職起擢右僉
都御史巡撫寧夏寇乘冰入犯設伏敗之改南京大理卿
未上召為兵部右侍郎改吏部進左淹答犯都城命邦瑞

河有守志 卷之四十一 人物志 三 名臣

總督九門邦瑞屯禁軍郭外以巡捕軍營東西長安街大
 廠郭門納四郊避寇者兵部尚書丁汝夔下獄命邦瑞攝
 其事兼督團營寇退請治將功罪且濬九門壕塹皆報
 可改兵部左侍郎專督營務復條上興革六事申言宦官
 典兵古今大患請盡撤提督監槍者帝報從之未幾帝召
 兵部尚書翁萬達未至命邦瑞代條上安攘十二事仇鸞
 構邦瑞於帝帝命萬達會同秦草總兵官李鳳鳴徐珏任
 而薦副將成勳符仁代旨從中下邦瑞疏糾帝不悅下旨
 譙讓鸞又欲節制邊將羅鎮邊垣邦瑞皆以為不可
 鸞大憾益肆詆毀會邦瑞表陳安攘大計遂嚴旨落職以
 冠帶辦事居數日大言自詆竟除名以趙錦代邦瑞去鸞
 益橫明年誅死錦亦坐黨比遣成於是帝漸思之喻十年
 京營缺人帝曰非邦瑞不可乃起故官既至疏便宜數事
 悉允行喻卒贈太子少保諡襄毅遣行人護喪歸葬邦
 瑞嚴毅有識量歷官四十年以
 廉節著子正國南京刑部侍郎

孫應奎

明史本傳字文宿洛陽人正德十六年進士授章邱
 知縣嘉靖四年入為兵科給事中上疏言輔臣之任
 必忠必亮純白堅定者乃足當之今大學士楊一清雖
 練武自體而雅性尚通難以獨任張聰學博性偏傷於自

特猶勸厲功名當抑其過而用之至於桂萼以梟雄桀驁
 之資作威福納財賄阻抑氣節私比黨與勢侵六官氣制
 言路天下莫不怨憤乞鑒別三臣賢否以定用舍其意特
 右聰而帝因其奏慰留一清戒諭聰萼未幾劾吏部尚書
 方獻夫帝怒下之獄尋誦高平縣丞歷右副都
 御史巡撫順天召理院事就移戶部致仕歸卒

劉奮庸

明史本傳洛陽人嘉靖己未進士授兵部主事尋改
 禮部兼翰林待詔侍穆宗裕邸進員外郎穆宗即位
 以舊恩擢尚寶卿已藩邸舊臣相繼柄用獨奮庸久不調
 大學士高拱亦故講官也再起任事頗專恣奮庸疾之隆
 慶六年三月上疏條陳五事一保聖躬二總大權三慎儉
 德四覽章奏五用忠直疏入帝但報聞不怒也後以附拱
 者謫奮庸與國知州謫兩月會神宗即位遂擢山
 西提學僉事再遷陝西提學副使以病乞歸卒

喬允升

明史本傳字吉甫孟津人萬歷二十年進士除太谷
 知縣以治行高等徵授御史歷按宣大山西畿輔並
 著風采尋遷順天府丞進府尹齊楚浙三黨用事移疾歸
 天啟初起歷刑部左右侍郎三年進尚書魏忠賢逐吏部
 尚書趙南星廷推允升代忠賢以允升為南星黨并逐至
 議者允升復移疾歸既而給事中薛國觀劾允升王謀邪

黨詔落職聞任崇正初召拜故官時訟獄益繁帝一切用
 重典允升執法不撓多所平反崇正二年因囚越獄帝震
 怒下允升獄欲寘之死副都御史易應昌以允升無死罪
 執奏再三帝益怒并不應昌獄再獻乃坐允升絳而微言
 其年老可念帝謂允升法當死特高年疾篤減死戍邊允
 升赴戍所未幾死允升端方廉直敷歷中外俱有聲績以
 誥誤獲重譴

陳惟芝

呂維祺撰傳號光字孟津人萬歷庚辰進士公授忠
 孝二箴與孟雲浦勵志典學授維州令維州刁疲人
 殊苦之公獨無難色戴星七年維州太治蔡太史有循良
 傳行取御史念切國本請諭教冊立不嫌櫻鱗巡漕河往
 歲巡漕率先漕艘以致脫幫公獨以身尾之是歲過黃獨
 早且巡按蘇松却餽遺逐墨吏九年西臺不受謝薦儀陞
 大理丞轉少卿以才望簡應天巡撫時礦宦四出在在激
 變公焦心勞思繪孝陵風水圖抗疏數千言上聞即下令
 禁開鑿而金陵王氣不致鑿損公之力也且撫吳三載食
 不重味衣不曳帛丁外艱回筭中無長物依依膝下孺慕
 終身又篤愛其弟訓士善俗孟津芒衝而協濟鄰邑七百
 金公瞿然具白當道捐之邑人刻有梓里蘇困編且立祠

祀焉家居十四載未嘗走一使入長安而撫按薦疏十餘
 上推大理卿刑部侍郎神廟多留中不下卒之日遠近哀
 慕祀鄉賢

魏養蒙

呂維祺撰傳號惺寰雒陽人萬歷丙戌進士知解州
 歲稔賑賤貨民免流徙遷刑部主事有遊僧借內使為
 徑冒破使金數萬居間甚眾終執法不貸歷遷湖廣叅議
 監軍征賊單車就道運籌勞苦一日點兵一千總違紀律
 公將繩以法其家丁環甲執刃鼓譟而前同事遽走避屏
 風後公挺立叱之家丁唯退仍行法一軍肅然賊困海
 籠圍公佯為緩攻狀介健兒攀樹猱升從後搗其穴賊窘
 自經死遂平之又遷本省副使監軍征五靖叛賊擒元兇
 奢靡不問以功歷遷山西左轄督糧已酉陞山西巡撫戒
 色凡萬六千有奇草六十九萬三千有奇擢少司馬護送
 福藩之國討處安靜秋毫不擾署篆兵部邊功最多告病
 里居尋起南大司農復以功加太子太保改南兵部尚書
 終不出而卒公立朝侃侃居鄉恂恂武功尤多可謂古名
 臣矣

汪輝

呂維祺撰傳號在河嵩人萬歷甲辰進士選庶常歷禮部侍郎公與人設城府恂恂如處子而恬節素守可

張論

詹鍾玉張中丞傳字建白永寧人萬歷庚戌進士授行元逆瑞魏忠賢威福自恣公抗疏陳時政有大吏尾不掉

道抵夔州簡精銳得八千人檄總兵官侯良極將之責其海峽喇喇將士懸重賞以購賊首薄賊於五峯山桃紅壩賊訓激勦首萬級擒斬奢崇明安邦彥時崇正二年八月十日潰斬首萬級擒斬奢崇明安邦彥時崇正二年八月十日四日也公上疏報捷歸功於總督與將士用命而已不言

河南府志卷之四十一終

河南府志卷之四十二
人物志五
忠節
人臣生丁陽九塗肝灑血不獲以功名終而以節烈顯
至足悲矣然疾風勁草俾讀史者於千百世下想見其
鬚眉凜凜有生氣未嘗不廢書而嘆肅然起敬也河郡
自漢种氏父子後代有其人至明忠節呂公以經術大
儒順時守變當從容就義時尤諄諄以綱常名教為任
豈非河嶽之光哉下逮草茅賤士咸知報國亦以偷生
為耻其節有足多者大書而特書之是即史家闡揚之

河南府志卷之四十二

人物志五

忠節

人臣生丁陽九塗肝灑血不獲以功名終而以節烈顯
至足悲矣然疾風勁草俾讀史者於千百世下想見其
鬚眉凜凜有生氣未嘗不廢書而嘆肅然起敬也河郡
自漢种氏父子後代有其人至明忠節呂公以經術大
儒順時守變當從容就義時尤諄諄以綱常名教為任
豈非河嶽之光哉下逮草茅賤士咸知報國亦以偷生
為耻其節有足多者大書而特書之是即史家闡揚之

遺意歟志忠節

漢

種拂

後漢書種暠傳字頰伯洛宛人司徒暠子初為司隸從事拜宛令政有能名累遷光祿大夫初平元年晉河空

以地震策免復為太常李傕郭汜之亂長安城潰百官多避兵衝拂揮劍而出曰為國大臣不能止戈除暴致使賊

刃向宮去欲何之遂戰而死

種劭

後漢書種暠傳字申甫洛陽人拂子少知名獻帝初拜侍中議郎出為益涼二州刺史會父拂與李傕郭汜

戰死劭遂不之官服終徵為少府大鴻臚皆不受曰昔我父以身殉國吾為臣子不能除殘復怨何面目朝觀明主哉遂與左中郎劉範諫大夫馬宇等共攻傕

汜以報父仇與汜戰于長平觀下軍敗死之

南北朝

宇文善

魏書宇文福傳字慶孫洛陽人福長子襲爵自司空掾稍遷平南將軍光祿大夫孝昌末北征戰歿贈車

騎將軍冀州刺史

宇文延

魏書宇文福傳字慶善善弟永平中釋褐奉朝請直後員外散騎常侍以父老詔聽隨侍在瀛州屬大

妖黨突入州城延率奴客戰死者數人身被重瘡賊乃少退而縱火燒齋閣福時在內延突火而入抱福出外支體

灼爛髮盡為燼於是勒眾與賊苦戰賊乃散走以此見稱孝昌中授假節建威將軍西道別將赴援關隴有戰功除

員外散騎常侍轉直寢與萬俟醜奴戰歿贈冠軍將軍豫州刺史

宇文慶安

魏書宇文福傳慶善弟歷給事尚書殿中郎中後加平北將軍武衛將軍河陰遇害贈征東將軍兗

州刺史

李延孫

北史本傳伊川人父長壽性雄豪少與蠻酋結託魏孝昌中以長壽為防蠻都督給其鼓節長壽盡其智

力防遏羣蠻伊川左右寇盜為之稍息永安之後長壽徒留日盛魏帝藉其力用因而撫之授大都督歷河北河內

郡守咸以猛烈聞討捕諸賊頗有功及孝武西遷長壽率屬義士拒東魏孝武嘉之遷廣州刺史東魏遣侯景攻之

河南府志

卷之四十一 人物志五

忠節

衆少城陷遇害贈太尉延孫少雄武有將帥才畧從長壽
 征討以勇敢聞賀拔勝爲荊州刺史表延孫爲都督肅清
 鷄路頗有功力焉及長壽被害延孫乃還收集其父之衆
 自孝武西遷朝士流亡來投延孫者卽率衆衛送並贈以
 珍玩咸遠關中齊神武患之遣慕容紹宗等數道攻擊延
 孫獎勵所部出戰大破之於是義軍更振乃授京南行臺
 節度使賜爵華山郡公延孫旣蒙重委每以克清伊洛爲
 已任頻以寡擊衆威振敵境大統四年爲其長史楊伯蘭
 所害贈司空弟義孫官至開府
 隋 子人傑有祖父風封潁川郡公

隋

長孫行布

隋書長孫覽傳洛陽人晟長子無忌兄夔謀畧有
 父風起家漢王諒庫直甚見親狎後遇諒於并州

起逆率衆南拒官軍乃留行布城守遂與豆盧毓等
 開門拒諒城陷遇害次子恒安以兄功授鷹揚郎將

元文都

隋書誠節傳孝矩之兄子父孝則周小冢宰文都性
 舍人歷庫部考功二曹郎俱有能名煬帝嗣位拜御史大
 夫授太府卿帝漸任之大業十三年幸江都詔文都與段

達等同爲東都留守及帝崩文都與達等推越王侗爲帝
 封魯國公統而宇文化及立秦王浩擁兵至彭城所在響
 震文都諷侗遣使通於李密王充不悅因與文都有隙盧
 楚說文都謀誅王充充知之遂作亂攻東太陽門而入拜
 於紫微觀下曰元文都虛楚說相殺害請斬文都歸罪司
 寇侗見兵勢盛度不免謂文都曰公自見王將軍也侗遣
 其署將軍黃桃樹執文都以出文都顧謂侗曰臣今朝亡
 陛下亦當及及侗慟哭而遣之左右莫不憫默出至興教
 門充令左右亂斬
 之諸子並見害

唐

燕欽融

舊唐書忠義傳偃師人景龍末爲許州司戶參軍時
 韋庶人干預國政盛封拜羣從子弟又與悖逆庶人
 及駙馬都尉武延秀中書令宗楚客等將圖危宗社欽融
 連上奏其事庶人大怒勸中宗召欽融廷見撲殺之宗楚
 客又私合執法者加刃欽融因而致死睿宗卽位下制曰
 故許州司戶參軍燕欽融先陳忠讜頗列章奏雖干非其
 位而進不顧身承言奄亡誠所傷悼方開諫路宜慰
 窀穸可贈諫議大夫仍令備禮改葬特授一子官

唐

人物志

三

忠義

盧奕

舊唐書忠義傳洛陽人懷慎少子與其兄逸齊名謹愿寡欲克己自勵開元中任京兆司錄參軍天寶初為鄆縣令兵部郎中所歷有聲皆如逸之所治也天寶八載轉給事中十一載為御史中丞給懷慎及奕並為中丞父子三繼清節不易時人美之奕留臺東都又分知東都武部選事十四載安祿山犯東都人吏奔散奕仕臺獨居為賊所執與李憺同見害元宗聞而愍之贈兵部尚書諡貞烈

劉迺

唐書忠義傳字元奕伊闕人少警穎聞誦六經日數千言文詞為時推日天寶中擢進士第喪父以孝聞服終補剡尉劉晏在江西奏使巡覆充留後大歷中召拜司門員外郎德宗初進鄆子儀為尚父時冊禮廢視詔文者不適所宜宰相崔祐甫召迺至閣草之少選成文詞義典裁擢給事中權知兵部侍郎楊炎盧杞當國五歲不遷建中四年拜兵部侍郎帝待奉天迺臥疾私第朱泚遣人召之迺得復遣僞相蔣鎮慰誘迺佯瘖不答炎無完膚鎮知不可脅乃太息曰我嘗忝曹郎不能死寧以自辱迺復欲汗賢哲乎遂止迺聞車駕如梁州自投床搏膺呼天不食而卒帝聞其忠贈禮部尚書諡貞惠子伯芻

畢炕

唐書畢構傳偃師人天寶末為廣平太守拒安祿山城陷死之贈戶部尚書

姚閻

唐書許遠傳洛陽人崇之姪孫父弁開元初歷處州刺史閻仕城父令與張巡同守睢陽累加東平太守及城陷死難德宗時贈澠州大都督

宋

康保裔

宋史忠義傳洛陽人祖志忠唐長興中討王都戰歿父再遇為龍捷指揮使從太祖征李筠亦死於兵保裔謹厚好禮善騎射宋初累以軍功領彰德軍節度使後為高陽關都部署契丹兵大入戰于河間圍之數重左右勸易甲潰關保裔曰臨難無苟免遂決戰二日兵盡矢絕而死太祖震悼贈侍中子繼英繼彬繼明皆至顯官

劉保勳

宋史忠義傳字修業河南人父處讓仕晉為樞密使保勳年十餘歲攝潞州左司馬父卒補供奉官習刑名之學頗工詩太宗朝以諫議大夫權知開封府累遷御史中丞知幽州行府事會王師失利保勳死于難其子利涉以救父不克亦死

可南府志

卷之四十一人物志

四

忠節

耿昭化

宋史忠義傳河南人蜀州司戶叅軍盜據城欲脅以降不屈至斷手足大罵而死孫傳

耿傅

東都事畧忠義傳字公弼祖昭化死節傅以廕補官將軍山外之戰諸將嘗戒傅少避賊鋒而傅愈前指顧自若

及賊騎大至武英又勸傅曰君非主兵者奈何欲與英俱死也傅不顧被數創死先是傅作書遺福戒以持重未幾

福亦戰歿韓琦得其書於軍中上之詔贈右諫議大夫官其子瑗太常太祝璩奉禮郎璋將作

監簿珪試校書郎琬同學究出身

种朴

宋史种世衡傳洛陽人以父諤任右班殿直累遷熙河回使朴在討至州纔二日以賊鋒方銳且盛寒欲姑徐之

而宗回駟檄至六七不得已遂出兵羌知朴來伏以待朴遇伏首尾不相應殊死戰為賊所殺

事聞贈雄州防禦使官其後十人

种中

宋史种世衡傳字端孺洛陽人少保師道弟歷知環

涇道出師與姚古騎角進次平定軍乘勝復壽陽榆次留屯真定時黏罕避暑雲中覘者以為將遁樞密院數遣使

督師中出戰且責以逗撓師中嘆曰逗撓兵家大戮也吾結髮從軍今老矣忍受此罪乎即日解嚴抵壽陽之石坑

為金人所襲五戰三勝回趨榆次兵饑甚敵偵知之悉眾力攻師中獨以麾下死戰身被四創力疾鬪死劉韜言師

中聞命即行奮不顧身雖古忠臣不過也請加優贈以勸死國者詔贈少師諡莊愍

翟興

宋史忠義傳字公祥伊闕人徽宗時與弟進應募擊賊

河南府紹興初劉豫將遷汴陰遣人殺興事聞贈保信軍節度使興為將多勇畧軍食或不繼激以忠義無不奮厲

在河南累年敵人不敢犯諸陵子琮

翟進

宋史忠義傳字先之伊闕人與弟累以戰功進西京北路制置使兼知河南府會巨寇楊進擁兵數萬殘害汝

洛間分兵犯進營進追之破賊四砦馬驚墜塹為賊所害贈忠州刺史官其後五人

翟琮

宋史翟興傳興子沈勇有父風金人犯河陽琮與博戰

屢捷追至泃池又生擒金都統保骨克復陽城縣乘勝取絳之垣曲進至米糧川以功繼興為鎮撫紹興二年入

西京擒偽齊留守孟邦雄三年遣統制李吉敗偽齊兵於

伊陽又殲其將梁進之眾遂拔伊陽屯兵鳳牟山明年豫復取伊陽琮不能孤立突圍奔襄陽弟琳官閣門祗候

張玘 宋史忠義傳 泗池人建炎中以家財募兵破敵人從者數千時翟興制置西京玘以衆屬焉敵兵渡河玘禦白

浪口敵將取商州玘佐統制董先禦之九戰九捷累功遷

義等後與敵人戰於海州中流矢卒孝宗命祠於戰所贈

尹均 靖康小史 洛陽人焯子仕將仕郎洛陽偃與妻張俱守節死

元

劉濬 宏簡錄 淮德傳字濟川其先興州人曾祖海金進士第

一仕至河南府尹死國難子孫遂家河南濬由廉訪司

書吏授連江縣寧善鄉巡檢至正十三年蕪州賊帥王善

寇濬官軍守羅源拒之羅源與連江接壤勢將迫濬妻真

定史氏故相家女也有才識謂濬曰事急矣盡出奩中物

募壯士百餘人命仲子健將之浹旬間衆至盈萬賊尋破

羅源分道攻福州濬拒之辰山三戰三捷俄聞福州陷衆

驚潰濬獨率健兵進遇賊于中麻突其陣斬前鋒五人賊

大至濬中箭墮馬健下馬掖父俱被獲濬忿執手大罵賊

縛之階下先斫一指罵益厲再斫一指亦如之指且盡斫

兩腕次及兩足濬色不少變遂剖其喉舌死健亦以死拒

賊善義之使斂父屍瘞焉健歸請兵帥府以復讐弗聽乃

散家貲結死士百人詐為工商流丐入賊中夜半發火大

謀賊驚擾自相屠戮健手刃其殺父者并擒善獻帥府磔

之事聞授健古田縣尹為濬立祠福州北門外有司歲時致祭

秦長卿 元史 阿合馬傳洛陽人以布衣徵至京侷儻尚氣節

有內通貨賄外以威劫羣臣在廷相視莫敢發宿衛士秦

長卿慨然上書摘其奸謂禁絕異議杜塞忠良似秦趙高

私蓄踰公家覬覦非望似漢董卓春秋人臣無將請及其

未發誅之言奏不省未幾除長卿同知興和鐵冶事誣以

侵課數萬緡斃之獄季通志山甫長卿從子建康府判官

聞長卿冤狀即棄官去累徵不起子從龍從德皆知名

楊樸 宏簡錄 旌德傳字文素河南人早有文名得推擇試吏

事至暮城門不鑰土寇入縱火正張燭揮杯急踰城走樸

度必死盡殺其妻女朝服坐堂上寇欲奉為主樸指妻女

忠節

河南府志 卷之四十二 人物志 六

攻復南昌宸濠解安慶圍還救至鄱陽湖兩軍相拒濠盡出金帛犒士殊死戰官軍不利冕密白守仁以小艇實葦於中擬建昌人語就賊艦乘風舉火濠兵大驚遂潰敗焚溺死者無算濠易舟挾宮人遁冕部卒棹漁舟追執之宸濠平功未及敘坐他事落職既而錄前功擢兵部主事巡視山海關嘉靖三年十二月遼東妖賊陸雄李真等作亂突入關侍使欲扶冕趨避冕不可曰吾有親在急趨母所執兵以衛賊至母被傷冕奮前救之被執習以刃大罵遂見害詔贈光祿少卿有司祠祀

朱惟一

偃師縣志諸生正德壬申流寇掠偃師惟一携家避難城東山間為賊所得逼之降挺節不屈闔家焚死

王從善

王通志洛陽舉人萬歷中任伏羌知縣時狗賊作亂有司率閉門自保從善獨引兵拒賊敗之次日賊復至誘從善陷

伏中力戰死

王正志

豫州人物考河南人任富平知縣萬歷二十八年因忤論稅監被逮拷問斃於獄左都御史鄒元標吏部

尚書張問達等題覆贈尚寶司少卿

馮奮庸

豫州人物考澠池人諸生性醇謹聞張信民倡道澠池負笈從遊後即設科於正學書院澠諸生半出其門及寇陷城為賊所執奮庸以大義責賊賊強之跪遂大罵賊怒礎之一門悉被害所著有觀燈說格物圖說行世

呂維祐

明史呂維祺本傳字泰孺新安人維祺弟由選貢生知樂平縣解職歸賊破新安抗節死贈按察司僉事當賊未至時維祺父孔學移居洛陽維祺乃歸留洛立伊

洛會及門二百餘人著孝經本義成上之十二年洛陽大飢維祺勸福王常洵散財餉士以振人心王不省乃盡出私廩設局賑濟事聞復官然飢民多從賊者河南賊復大熾無何李自成大舉來攻維祺分守洛陽北城夜半總兵王紹禹之軍有騎而馳者周呼於城上城外亦呼而應之于是城陷賊有識維祺者曰子非張飢呂尚書乎我能活爾爾可以間去維祺弗應賊擁維祺去時福王常洵匿民舍中賊跡而執之遇維祺於道維祺反接望見王呼曰王綱常至重等死耳母屈膝於賊王瞠不語見賊渠於周公廟按其項使跪不屈延頸就刃而死時十四年正月二十一日也維祺年五十五贈太子少保祭葬廕子如制而維祺之家在新安者十六年城陷家亦破弟

丁酉年

卷之四十二 人物志

忠節

按忠節公一生講學人也即其殺身成仁亦從講學來故本傳採湯潛菴先生所作洛學編列之道學門茲不復載而以史傳有關大節者附書維祜傳中庶可備參考云

張炳星

豫變紀恩字東升洛陽貢生知利津縣罷官里居值

日東升亦至此即名節至重斷不可偷生張額之遇福王維祜復告曰王死生命豈無自辱王瞠目不語及見賊使跪維祜張目視天屹不動賊怒曰死在頃刻尚倔強耶維祜曰吾恨不能誅賊耳死復何怖哉遂與炳星皆死

趙建極

明史蔡懋德傳永寧人由進士累官至太原布政使

時賊攻太原勢甚猖獗督師蔡懋德與建極等誓死固守城陷懋德死節建極危坐公堂賊擁之見自成不屈將斬之下嗒呼萬歲者再曰臣失守封疆死有餘罪自或以為呼已也曳還建極瞋目曰我呼大明皇帝寧呼賊耶立射殺之先賊掠永寧時建極五子皆死後生三子又天至趙氏一門竟絕中州人物考建極字住同號石帆與只三極以文行稱萬歷己未進士官山西布政逆闖陷太原公抗節罵賊碎首刃下以死

吳世揚

明史稿忠義傳洛陽舉人崇正間任黃縣知縣賊陷

城知縣吳世揚罵賊死事聞贈光祿少卿賜祭葬建祠廕子舊府志世揚知黃縣值兵亂攻圍甚急世揚捍禦不遺餘力城陷赴井死及賊入城恨世揚守禦時多被傷仍使人下井出其屍磔之

馬足輕

明史忠義傳宜陽人性孝友弟惑婦言迫分產乃取

田磽薄者自予萬歷末歲大凶出粟六百石以賑焚券千餘崇正六年冬流賊渡河而南挈家避之石龍崖三女皆殊色慮賊汚悉投崖死足輕被執厲聲大罵賊怒并三子殺之家眾皆遇害惟存次子駿一人後登鄉薦

劉君培

明史忠義傳新安人有義行攜子及從孫避難道遇

賊欲殺其從孫君培曰我尚有男此子乃遺孤幸舍之而殺我賊如其言二子獲免

馬山

明史忠義傳新安人性剛直土寇于大中嘯新安獲山

李登英

明史稿忠義傳新安人以罵賊死無志字名揚賊至英登屋擊盜盜射中英英拔矢下擒賊賊眾擊之死

河南府志

卷之四十二

人物志

九

忠節

裴君合 明史忠義傳偃師人幼孤母苦節孝養惟謹賊至聚眾保沙岸寨攻圍十晝夜不克說之降大罵不從寨

破被

傅世濟 明史忠義傳嵩人與兄世舟並為土寇于大中所執將殺之兄弟相抱泣賊議釋一世濟即奪賊刀自殺

世舟獲免嵩志作世楫

李佩玉 明史忠義傳嵩人御史與元孫也崇正末中州盡殘佩玉結遺民捍鄉井與鄰寨相犄角往往尾賊後奪

其輜重賊憚之不敢出其境後大舉圍別寨佩玉往救力戰而死里人聚哭之

孫挺生 明史稿忠義傳孟津人初讀書試有司不利去學星術預卜十五年有寇禍編茅河渚以居賊蹤跡得之

語其妻梁氏曰此匹夫徇義之秋也夫婦對泣詬賊而死通志後以子養翼貴贈奉政大夫

來秉衡 明史稿忠義傳洛陽人天啟四年舉于鄉未仕崇正

執令易服欲官之不可罵南郊民舍顧見友謂之曰賊勒我以官我義不受辱恨母老子幼死不瞑目爾賊聞燒鐵

索加其脛終不從遂被殺并殺其母劉妻吳及其幼子

劉芳奕 明史忠義傳洛陽人慷慨負智畧與秉衡同舉於鄉為昌樂知縣解官歸歲大歉人相食傾囊濟之賊漸

逼集義士為干城社佐有司保障及城陷縊死西城戍樓

常克念 明史忠義傳登封人進士為平陽推官有聲闖賊陷洛陽抗節死縣志克念字三華任推官時單騎撫寇

民甚德之丁艱回籍寓洛陽值鬪至克念分汛南城城陷罵賊不屈身中七刃其子常山潛負出城尋死

郭顯星 明史忠義傳洛陽人舉于鄉為翰林待詔城陷殉節

里居被賊執不屈死

韓金聲 明史忠義傳洛陽人進士官邯鄲知縣城陷抗節死

王明 明史忠義傳洛陽人進士官行人城陷不屈死王鐸王明墓誌字哲甫禦賊持劍督戰被執令降大罵賊殺之

楊萃 明史忠義傳洛陽舉人官辰州府知府城陷罵賊死

荀良翰

明史忠義傳洛陽舉人未仕城陷死之

張讚

明史忠義傳永寧人論弟仕治中流賊至同知縣武大烈等守城城陷同子國學生祚延死之王通志讚字傑赤萬歷己酉舉人值寇變被執不屈死其子太學生祚延同日殉父死

張毓粹

明史忠義傳偃師人賊攻城毓粹率二子佐有司固守城陷大罵俱被殺妻蘭與三女二孫悉赴井死

武同芳

明史忠義傳偃師人流寇至殺其母同芳噴血大罵支解而死縣志同芳廩生崇正間倡先守城城陷侍母不去被執不屈同母死

劉芳名

明史忠義傳偃師人賊至抗節死妻張罵賊死之縣志芳名諸生被賊執猶手擊賊為賊支解妻投井死

劉芳世

明史忠義傳偃師人城陷死節縣志芳世守城危甚遂衝重圍與賊戰力竭死之

蘭之粹

明史忠義傳偃師人賊至被執罵賊死

喬于昆

明史忠義傳偃師人城陷死節縣志于昆諸生被執不屈投洛河死

蘭完韻

明史忠義傳偃師人城陷與妻張俱被執大罵不屈賊並磔之

張一鷺

明史忠義傳偃師人毓粹子流賊陷偃師同父死節縣志毓粹一鷺俱諸生

牛一元

明史忠義傳偃師人賊破城抗節死縣志一元與子應龍俱諸生同被賊執一元大罵賊磔之應龍奮怒奪賊刃轉殺賊遁

王光顯

明史忠義傳偃師人賊陷城並死節縣志二人皆諸生被賊執大罵為賊斷舌死

喬國屏

明史忠義傳偃師人明末罵賊死之縣志國屏貢生被賊執不屈為賊手刃死

王邦紀

明史忠義傳偃師人賊至與妻高氏同罵賊死之

劉邦紀

偃師縣志諸生被賊執不屈與妻高並以節著按

姚若時

偃師縣志姚城判居魯莊崇正庚辰土寇李際遇倡亂執若時誘之降大罵死族諸生不顯亦死之若時子諸生城思報父讎數請兵討賊賊執之於路亦抗罵死縣

可河子示

卷之四十一 人物志

七

忠節

志若時字揆夫任鳳陽通判分鎮潁州嘗除隣盜陶浪子民賴以寧丁艱歸值土寇亂同姚麟徵率族眾禦之親冒矢石數被重創寨不猶力戰不屈賊獲其弟剗心剗皮迫令若時從若時瞋目曰我朝廷官豈屈賊耶遂自刎死時年七十三賊裂其屍家人馬連收其骸於海子池山中子城庠生數請兵復仇謀洩被執罵賊死妻王亦投井死

姚麟徵 姚鳳徵 麟徵字瑞一廩生土寇李際遇占授練總兵賊無算上官授以督師銜命勦賊土寇益猖狂麟徵偕族人姚若時姚涵揚等謀守寨賊攻之甚急堅守月餘值大雨外援不至寨破麟徵率族猶力戰不已賊獲其弟鳳徵碎剗之鳳徵罵不絕口死麟徵持刀先驅入井後亦投井死時年五十一計同時殉難者一百四十三人有司聞于朝贈麟徵教授

姚丕烈 姚丕振 王通志鞏人皆諸生禦賊為賊所殺

姚涵揚 鞏縣志居魯庄同若時麟徵禦土賊寨破同日死節

張民表 明史忠義傳洛陽舉人賊至殉節按科舉志張民表係中牟人史傳載入想是不譌故仍列之

王翼明 明史忠義傳嵩人崇正己卯舉人時流寇充斥賊謀人即啖以官翼明守寨被執獨不屈罵賊而死

張其瑾 再觀祖張石公傳字石公洛陽人崇正丙子舉人聯橫行秦晉間漸及山東境漢人趨公去曰吾屬不忍公之獨行也將裹餼糧備器械以從公聞急却之曰死社稷臣之分也吾今誓與此城共存亡耳百姓聞言皆感泣未幾賊至攻城甚急公旦夕巡視冒矢石寢食盡廢賊勢益張不能支遂潰賊入執公以兵懾降公瞋目直視大罵不絕口遂被殺事聞贈山東按察使州人建祠以祀之

喬作霖 豫變紀畧鞏人流寇被鞏縣作霖遇賊不

尚元紹 松江府志洛陽武舉累官松江參將駐王家渡其地勢逐北至五橋陷賊伏中力戰死後獲其尸創口遍體事聞贈都司僉事廕一子正千戶

張民表 明史忠義傳洛陽舉人賊至殉節按科舉志張民表係中牟人史傳載入想是不譌故仍列之

王翼明 明史忠義傳嵩人崇正己卯舉人時流寇充斥賊謀人即啖以官翼明守寨被執獨不屈罵賊而死

張其瑾 再觀祖張石公傳字石公洛陽人崇正丙子舉人聯橫行秦晉間漸及山東境漢人趨公去曰吾屬不忍公之獨行也將裹餼糧備器械以從公聞急却之曰死社稷臣之分也吾今誓與此城共存亡耳百姓聞言皆感泣未幾賊至攻城甚急公旦夕巡視冒矢石寢食盡廢賊勢益張不能支遂潰賊入執公以兵懾降公瞋目直視大罵不絕口遂被殺事聞贈山東按察使州人建祠以祀之

喬作霖 豫變紀畧鞏人流寇被鞏縣作霖遇賊不

尚元紹 松江府志洛陽武舉累官松江參將駐王家渡其地勢逐北至五橋陷賊伏中力戰死後獲其尸創口遍體事聞贈都司僉事廕一子正千戶

張民表 明史忠義傳洛陽舉人賊至殉節按科舉志張民表係中牟人史傳載入想是不譌故仍列之

王翼明 明史忠義傳嵩人崇正己卯舉人時流寇充斥賊謀人即啖以官翼明守寨被執獨不屈罵賊而死

張其瑾 再觀祖張石公傳字石公洛陽人崇正丙子舉人聯橫行秦晉間漸及山東境漢人趨公去曰吾屬不忍公之獨行也將裹餼糧備器械以從公聞急却之曰死社稷臣之分也吾今誓與此城共存亡耳百姓聞言皆感泣未幾賊至攻城甚急公旦夕巡視冒矢石寢食盡廢賊勢益張不能支遂潰賊入執公以兵懾降公瞋目直視大罵不絕口遂被殺事聞贈山東按察使州人建祠以祀之

喬作霖 豫變紀畧鞏人流寇被鞏縣作霖遇賊不

尚元紹 松江府志洛陽武舉累官松江參將駐王家渡其地勢逐北至五橋陷賊伏中力戰死後獲其尸創口遍體事聞贈都司僉事廕一子正千戶

張民表 明史忠義傳洛陽舉人賊至殉節按科舉志張民表係中牟人史傳載入想是不譌故仍列之

王翼明 明史忠義傳嵩人崇正己卯舉人時流寇充斥賊謀人即啖以官翼明守寨被執獨不屈罵賊而死

張其瑾 再觀祖張石公傳字石公洛陽人崇正丙子舉人聯橫行秦晉間漸及山東境漢人趨公去曰吾屬不忍公之獨行也將裹餼糧備器械以從公聞急却之曰死社稷臣之分也吾今誓與此城共存亡耳百姓聞言皆感泣未幾賊至攻城甚急公旦夕巡視冒矢石寢食盡廢賊勢益張不能支遂潰賊入執公以兵懾降公瞋目直視大罵不絕口遂被殺事聞贈山東按察使州人建祠以祀之

喬作霖 豫變紀畧鞏人流寇被鞏縣作霖遇賊不

尚元紹 松江府志洛陽武舉累官松江參將駐王家渡其地勢逐北至五橋陷賊伏中力戰死後獲其尸創口遍體事聞贈都司僉事廕一子正千戶

張民表 明史忠義傳洛陽舉人賊至殉節按科舉志張民表係中牟人史傳載入想是不譌故仍列之

王翼明 明史忠義傳嵩人崇正己卯舉人時流寇充斥賊謀人即啖以官翼明守寨被執獨不屈罵賊而死

朱國翰

舊府志字長厚宗正甲戌進士初任介休令歷廣西蒼梧道死寇難

劉顯

舊府志字徽之洛陽人福府承奉官父歿繼母不食死顯廬墓三年寇陷洛陽隨福藩殉難

蘭挺粹

舊府志偃師諸生賊至倡守安樂寨火藥盡寨破被執不少屈賊磔之

王玉振

化澤舊府志俱偃師諸生遇流寇同罵賊玉振從容衣冠被磔死化澤為賊截指死

趙發隆

舊府志華諸生性好學杜門教授寇至或勸其禮賊乃叱曰讀書以節義為重今日豈可改易乎遂被戮

任中蛟

王通志洛陽貢生任伊陽訓導城破死于官

劉謙

舊府志澠池諸生明末多盜賊邑令學為練長殺賊甚多後追賊至馬頭山馬蹶為賊所害邑令嘉其義祭之

張星耀

洛陽縣志宗智子世襲正指揮流寇陷洛賊奇其魁梧欲官之星耀曰我世受國恩寧從賊耶賊復索其

杜敦弟

金帛星耀曰我清官安得此賊怒火燒鐵器烙之耀給之曰鬆吾縛拜辭舊主乃從汝耀乃北回再拜以頭觸樹死

杜敦弟

洛陽縣志歲貢官汝陽訓導流寇陷汝寧敦弟分守西城曰吾教官學官吾死所耳歸縊戟門下死

秦道興

洛陽縣志字起潛庠生孝事孀母讓產伯兒文行並優城陷不屈死

程接道

明史儒林傳先賢正公程子後宋淳熙間純公程子五世孫有居江寧者嘗主金陵書院祀事卒以名幼

學者承之明初失傳崇正三年河南巡按李日宣請以正公之後為之嗣詔許之遂以接道為翰林院五經博士子孫世襲十四年土賊于大忠作亂接道力拒死之

程克仁

明史儒林傳先賢正公程子十七代孫世居嵩縣陸渾景泰六年授翰林院五經博士子孫世襲以奉程

子祀事卒子繼祖襲卒仲子世宥襲卒子心傳襲心傳莊重寡言為鄉黨所稱卒弟宗益襲卒從子佳引襲卒從弟佳祚襲崇正十四年為土賊于大忠所殺

李化鯨

洛陽縣志幼孤母孫氏苦節五十年化鯨孝養盡禮母歿廬墓三年服除每食必奠出必負像以往妻高

董躬行

洛陽縣志廩生有文名城陷殉節去發化鯨屍在爐中立而不仆母之神主猶在手中云

郭應第 洛陽縣志 庠生有藍田秀才婦女五人被擄

黃奇瑞 舊府志 字畫一貢生授兵馬指揮女為德昌郡王元

勸王發粟賑濟為守禦計王不能用闖賊陷城抗節不屈

死追贈洛中伯 國朝以子九鼎貴贈資政大

夫阿達哈哈番祀鄉賢 阮泰 明史忠義傳 洛陽人知廣靈縣解職

歸聞京師陷不食死妻朱氏從之 朱平 偃師縣志 字對山天啟時人有勇力能

擒巨賊賊恨之遭賊殺上官表其忠 段增祉 偃師縣志 幼負勇畧值寇起隨父兄避亂部家寨

致寨下通其降眾增祉大呼曰我死寨尚可保勿畏賊落

膽也賊備加鞭拷濺血滿地仍不屈復誘之曰爾父在寨

上痛哭命爾降忍相違乎增祉曰父豈教我義者罵益

厲賊怒殺之屍半日不仆是夕風雨大作賊遂遁去寨賴

以完妻黃氏聞增 謝殉難投井死

蔡東莊 偃師縣志 與四子二孫俱有勇力寇掠偃師執東莊

通令降挺節不屈合家二十餘口俱罵賊死賊去屠

收其尸 藁葬之 姜好義 偃師縣志 土賊李際遇倡亂人多築寨相保好義與

惟辦一死好義曰生員不降賊百姓顧可降賊乎父子戮

力捍賊時同里有通賊者說之降不屈辱詈之去賊遂悉

力來攻寨破父子俱被執賊猶欲降好義乃殺生蕃以恐

之好義曰一子何惜屠盡家口不顧也至死罵不絕口

王孔山 偃師縣志 字嵩川壬午賊陷城避亂磨盤寨寨復

陷被執賊溫語勸降孔山大罵父子九人俱遇害

張爾縉 偃師縣志 庠生城破爾 縉蕭衣冠拜家廟自縊

劉似山 藺挺幹 劉芳聲 藺相明 劉日琪 王予薦

遇寇抗節不屈死 藺相聲 齊璉 關憲 劉一柱

王大典 張汝盈 藺完富 藺挺生 王天鳳 王振宇

偃師縣志十人皆義民
遇賊不屈並以死著

李魚躍

鞏縣志道遇流賊逼之降大罵賊怒砍死之子騰采孫秩皆諸生被傷未死秩老猶時述其祖節烈云

張燦斗

鞏縣志增生流寇至協力守城城破殉節

韓山斗

鞏縣志貢生流寇圍鞏山斗登陴固守暹指賊黨大罵城破被執至城下投井死

原魁光

鞏縣志魁光守東門為流賊所傷城破投井死

劉君德

鞏縣志士寇至被執脅之降不從以刀恐之益罵賊怒碎其首死

馬企融

孟津縣志字石樓香河令從龍子事母孝值亂奉職避山中偶出被賊執以母老哀請不許遂大罵遭殺

李承新

宜陽縣志材力過人加銜都司僉書闖逆攻城甚急眾欲逃承新不聽城破死之

馬調元

宜陽縣志庠生兵變守城加都司僉書街城破死之

巴祚昌

宜陽縣志廩生闖寇破城不屈死之

賈思孝

宜陽縣志廩生闖寇破城與母關氏俱死之

劉煊

宜陽縣志城破賊殺其母煊奮并殺之

謝振邦

登封縣志明季流寇之變赴難死子君令事母以孝聞

呂維禔

新安縣志維禔弟同兄賑飢鄉里民德之明末殉難

李毓楫

新安縣志流寇至殺時芳驅毓楫隨營楫大罵奪刃殺賊不克而死

張崇德

嵩縣志庠生明末保聚礮店蟻龍若闖賊則免遲則屠矣德登陴厲罵守愈堅月餘糧盡若陷德率壯士揮刀巷戰身被數十創死諸生郭心傳同時死之

劉月江

嵩縣志諸生明末寇亂知縣何復署為千總守屏鳳若嵩城陷諸若多破而屏鳳儀

如重鎮士民多依之賊首于大中攻之甚銳月江悉力禦賊賊偵知若無井乃斷汲道為久困計若中水絕殺牛馬血而噍又盡復自接溺飲之或勸曰困若此死矣盡變而通之即月江厲聲曰若外盡賊策將焉往權宜二字即降

賊之別名吾誓與此若共存亡矣堅守二十餘日糧盡病渴守者卧不能起若遂陷賊執月江斷手割耳鼻以殉月江罵不絕賊刳其肉納諸口月江唾且罵賊盡殺其家人乃斷其首同時傅子仁字少勞崇正丙子己卯兩登副榜與月江守若並不屈死

王元錫 孫承宗 洪觀揚 李錫印 王永錫 王天錫

嵩縣志元錫字懋中諸生明末土寇夜攻牛砦元錫扞禦賊首傷重遁去邑令何聞流寇至飭元錫守城而母杜氏遂遇害土寇于大中掠西山元錫率眾進勦過蠻峪嶺徑仄伏發元錫棄馬迎射殺數十人賊擁樅自衛運矛刺之元錫以短兵接戰身被數十創以死同其死者庠生孫承宗洪觀揚李錫印元之弟永錫天錫等十餘人

靳潯 張德裕 嵩縣志庠生流賊破城脅降不從

劉自証 嵩縣志庠生宗正間義勇禦寇保障一方又以千總守若與賊戰死母康妻李同盡節何邑令也之

魏如友 嵩縣志本流賊頭目就知縣何復撫曰從賊非復得

己也願為良民未幾復為賊所扼友衝圍救闖賊攻城友守東城射賊甚眾賊識而招之不應俄而賊從西北隅登城遂陷友被擒至死不屈賊怒碎其屍

李嗣啟 嵩縣志字續儒貢生為人任俠有節義時流寇猖獗石蟠攢啟身被重創猶大呼今日之役誓

無生還如曹勉為忠義遂冒刃刀戰死

張蔚 嵩縣志庠生保永全著闖賊破砦蔚衝圍出賊眾有識蔚者曰隨我可無死蔚怒叱之曰恨不生啗賊肉豈從

若反耶被獲厲罵賊怒殺之

朱永祥 嵩縣志闖賊來自洛西縣檄永祥率鄉兵禦

國朝

史良植 通志洛陽人順治丙戌進士任廬州府英山縣時值

寇變植率鄉兵攻勦一日三戰為寇所擒罵賊被磔

旨諭祭恩廕

河南府志

卷之四十二 人物志同治年補刊七

忠節

常庚通志洛陽舉人任廬陵知縣
值金聲桓亂城陷死之奉
旨諭祭廕其子

昌祚入監

席振高縣志順治三年妖賊韓國顯據焦澗謀叛縣委振往
撫之不聽振厲聲曰今不從官兵至麇粉矣賊怒殺之

雷冲永寧志永寧鄉民有勇力善鎗吳三桂作亂洛西震
動都御史佟鳳彩命河南通判任進孝同守備郭承

霖雨族弟某謂冲竟曰天雨不止我軍防禦日懈賊偵知

夜必來劫營兇何不去冲竟曰吾固知之第不忍以任府

君委賊賊來有死戰耳是夜賊果至眾皆駭散冲電挺鎗

力戰通判始得免難賊復攻營冲竟獨入中軍大呼
殺賊斃賊八人賊環擊之身被百餘創遂見殺

杜宏洛陽志字坤含順治辛卯舉人知縣縣值饒賊犯順城
陷殉難子光陽間關扶欄以傷卒死人稱一門忠孝

武君烈通志高人寇亂負母入山遇賊將殺其母君烈承刃
于頸願代母死賊憐而釋之國初為遊擊後戰死

西山高志字良甫幼負才智膂力絕人由行伍事鄭大將
軍為裨將鎮荊州時土寇犯荆眾數十萬圍攻烈繼城而

出拔其毒率偏師誘敵多斬獲賊怒積薪填塚烈投火焚

之賊又穴城將達輒發火器中賊首會援師至烈開城夾

擊賊乃逸姚黃陸歸巫萬山中屢擾峽州高安鴻茲諸境

蜀道未清畫新灘而守烈揚帆而上直抵白帝城破賊奎

舟數百艘獲其渠魁以還王進才犯澧眾號二十萬檄烈

往勦斬首數十級降數萬人進才遁督撫上其功授前營

游擊鎮襄陽會鄭陽由賊竊發烈奉檄征賊西山下戰沒

康熙二十七年贈懷遠將軍乾隆二十九年崇祀昭忠祠

並祀邑忠義祠初君烈與弟君相力田養母避流賊之難

母入山遇賊將殺其母烈承刃於頸曰必欲母死願死母

前賊義而釋之君相亦官至湖廣安陸府參將

符遵禮探訪事實洛陽人任重慶府總兵吳逆叛竭力守禦
城陷不屈死之奉旨諭祭恩廕通判雍正六年入

祀忠義祠乾隆二
十六年入昭忠祠

補遺

明

李蛟正

嵩志萬曆辛未進士初授長垣縣知縣廉明有聲早擢戶部員外郎差督葑野關權務悉革陋例任滿缺

課額悉傾宦餘並家資補之商民感悅建祠奉祀擢知岳州府與利除害不遺餘力聞京城變號痛累日曰臣不能

衛社稷何以生為北向再拜

吳道周

嵩志崇正末知縣何復署為將校李自成圍攻嵩城道周分守西門城陷不屈死

鄭筠亭

採訪事實偃師人明末流賊攻偃師筠亭割其舌罵不絕賊支解之芸亭見兄入難赴賊營

每兄屍不獲亦厲聲罵賊手刃之身被數十創死

蔡承芳

採訪事實偃師貢生明季流寇至從邑令守城城陷死之

河南府志卷之四十三

人物志六

文苑

河嶽清淑之氣鍾而為道學已上接洙泗矣至發為文章亦何大雅不羣乃爾耶漢魏以來代不乏人而敷文闡義蔚為國華如賈長沙其人豈不稱碩學哉惜乎未展厥用而僅以文詞見也然即以之冠文苑可哉志文苑

漢

賈誼

漢書列傳洛陽人也年十八以能誦詩書屬文稱於郡中河南守吳公聞其秀材召置門下甚幸愛文帝初立

文苑

聞河南守吳公治平為天下第一故與李斯同邑而嘗學事焉徵以為廷尉廷尉乃言誼年少頗通諸家之書文帝召以為博士是時誼年二十餘最為少每召令議下諸老先生未能言誼盡為之對人人各如其意所出諸生於是以為能文帝說之超遷歲中至大中大夫以為漢興二十餘年天下和洽宜當改正朔易服色制度定官名興禮樂乃草具其儀法色尚黃數用五為官名悉更奏之文帝謙讓未皇也然諸法令所更定及列侯就國其說皆誼發之於是天子議以誼任公卿之位絳灌東陽侯馮敬之屬盡害之乃毀誼口洛陽之人年少初學專欲擅權紛亂諸事於是天子後亦疎之不用其議以為長沙王太傅誼既以適去意不自得及度湘水為賦以弔屈原屈原楚賢臣也適去意不自得及度湘水為賦以弔屈原屈原楚賢臣也自投江而死誼追傷之因以自論誼為長沙傅三年有服飛入誼舍止於坐隅服似鴉不祥鳥也誼既以適居長沙長沙卑濕誼自傷悼以為壽不得長乃為賦以自廣後歲餘文帝思誼徵之至入見上方受釐坐宣室上因感鬼神事而問鬼神之本誼具道所以然之故至夜半文帝前席既罷曰吾久不見賈生自以為過之今不及也乃拜誼為梁懷王太傅懷王上少子愛而好書或合誼傳之數問以

得失是時匈奴疆侵邊天下初定制度疏濶諸侯王僭擬地過古制淮南濟北王皆為逆誅誼數上疏陳政事多所欲匡建是時丞相絳侯周勃免就國人有告勃謀反逮繫長安獄治卒亡事復爵邑故賈誼以此譏上上深納其言復入獄自審成始初文帝以代王入即位後分代為兩國立皇子武為代王參為太原王子勝則梁王矣後又徙代王武為淮陽王而太原王參為代王盡得故地居數年梁王勝死亡子誼復上疏文帝於是從誼計乃徙淮陽王武為梁王北界泰山西至高陽得大縣四十餘城徙城陽王誼為淮南王撫其民時又封淮南厲王四子皆為列侯誼知上必將復王之也上疏諫梁王勝墜馬死誼自傷為傅無狀常哭泣後歲餘亦死賈生之言乃分齊為六國盡立悼惠王子六人為王又遷淮南王喜於陽城而分淮南為三國盡立厲王三子以王之後十年文帝崩景帝立三年而吳楚趙與四齊王合從舉兵西鄉京師梁王扞之卒破七國至武帝時淮南厲王子為王者兩國亦反誅孝武初立舉賈生之孫二人至郡守賈嘉最好學世其家贊曰劉向稱賈誼言三代與秦治亂之意其論甚美通達國體雖古

之伊管未能遠過也使時見用功化必盛為庸臣所害甚
可悼痛追觀孝文元默躬行以移風俗誼之所陳畧施行
矣及欲改定制以漢為士德色上黃數用五及欲試屬
國施五餌三表以係單于其術固以疏矣天年早終雖不
至公卿未為不遇也凡所著述五十
八篇撮其切於世事者著於傳云

宋孟劉帶

漢書鼂錯傳錯學申商刑名於軹張恢生所與
維陽宋孟及劉帶同師以文學為太常掌故

錡華

漢志維陽錡華賦九
篇師古注錡姓華名

三國

孟光

蜀志本傳字孝裕河南洛陽人漢太尉孟郁之族靈帝
末為講部吏獻帝遷都長安遂逃入蜀劉焉父子待以
客禮博物識古無書不覽尤銳意三史長於漢家舊典好
公羊春秋而譏呵左氏每與來敏爭此二義光常說譏
昨先王定益州拜為議郎與許慈等並掌制度後主踐祚
為符節令屯騎校尉長樂少府遷大司農延熙九年秋大
赦光於眾中責大將軍費禕曰夫赦者偏枯之物非明世
所宜有也衰弊窮極必不得已然後乃可權而行之耳今

百僚稱職有何旦夕之危倒縣之急而數施非
以惠姦宄之惡乎又鷹隼始擊而更原有罪上
時下違人理老夫耄朽不達治體竊謂斯法難以經
且瞻之高美所望於明德哉禕但顧謝踧踖而已光
每直言無所回避為代所嫌太常廣漢鐔承光祿勳河東
裴儁等年資皆在光後而登據上列處光之右蓋以此也
後進文士祕書郎郤正數從光諮訪光問正太子所習讀
并其情性好尚正答曰奉親虔恭夙夜匪懈有古世子之
風接待羣僚舉動出於仁恕光曰如君所道皆家戶所有
且吾今所問欲知其權略智調何如也正曰世子之道在
於承志竭歡既不得妄有所施為且智調藏於胸懷權略
應時而發此之有無焉可豫設也光解正慎宜不為放談
乃曰吾好直言無所回避每彈射利病為世人所譏嫌疑
省君意亦不甚好吾言然語有次今天下未定智意為先
智意雖有自然然亦可力強致也此儲君讀書寧當傲吾
等竭力博識以待訪問如博士探策講試以求爵位邪當
務其急者正深謂光言為然後光坐事免官年九十餘卒
蜀志本傳字令先河南偃師人也祖父儉靈帝末為益
州刺史為盜賊所殺會天下大亂故正父揖因留蜀為

郤正

州刺史為盜賊所殺會天下大亂故正父揖因留蜀為

大將軍孟達營都督隨達降魏為中書令史正本名纂少以父死母嫁單榮雙立而安貧好學博覽墳籍弱冠能屬文入為秘書吏轉為令史遷郎至令性澹於榮利而尤耽意文章自司馬王揚班傳張蔡之儔遺文篇賦及當世美書善論益部有者則鑽鑿推求略皆寓目自在內職與宦人黃皓比屋周旋經三十年皓從微至貴操弄威權正既不為皓所愛亦不為皓所憎是以官不過六百石而免于憂患依則先儒假文見意號曰釋譏景耀六年後至從譙周之計遣使請降於鄧艾其書正所造也明年正月鍾會作亂成都後主東遷洛陽時擾攘倉卒蜀之大臣無翼從者惟正及殿中督汝南張通捨妻子單身隨侍後主賴正相導直適舉動無闕乃慨然嘆息恨知正之晚時論嘉之賜爵關內侯泰始中除安陽令遷巴西太守泰始八年詔曰正昔在成都鎮沛守義不違忠節及見受用盡心幹事有治理之績其以正為巴西太守咸寧四年卒凡所著述詩論賦之屬垂百篇

晉

郭象

晉書本傳字子元少有才理好老莊能清言太尉王衍每云聽象語如懸河瀉水注而不竭州郡辟召不就當

開居以文論自娛後辟司徒掾稍至黃門侍郎東海王越引為太傅主簿甚見親委遂任職當權熏灼內外由是素論去之永嘉末病卒著碑論十二篇先是註莊子者數十家莫能究其旨統向秀於舊註外而為解義妙演奇致大暢元風惟秋水至樂二篇未竟而秀卒秀子幼其義零落然頗有別本遷流象為人行薄以秀義不傳於世遂竊以為已注乃自注秋水至樂二篇又易馬蹄一篇其餘衆篇或點定文句而已其後秀義別本出故今有向郭二莊其義一也

唐

徐曠唐書本傳字文遠以字行偃師人南齊司空孝嗣五世孫父徹梁秘書郎尚元帝女安昌公主江陵陷俘入咸陽遂家洛州偃師以貧貧兄文林鬻書自給文遠就閣之因博通五經尤明左氏春秋從耆儒沈重質問時重任太學授業常千人不數日文遠辭去或問其故曰聽所說悉紙上陳言重知之召與研辨嘆其能性方正純厚有儒者風竇威楊元感李密王世克皆從受學隋開皇中累遷太學博士以事免大業初復起越王侗署國子祭酒偶出樵

探為李密所得尚執故禮文遠教以全忠孝未幾密敗復入東都世充給廩異等子士會來奔世充怒絕其廩復出樵採為羅士信所獲送京師仍為博士高祖幸國學觀釋奠文遠發春秋題論難鋒生隨方占對帝稱善封東莞縣男卒年七十四撰左傳釋音三卷義疏三十卷

元萬頃

唐書文藝傳洛陽人後魏京兆王子推奇起家通事舍人從李勣征高麗命作檄文萬頃譏其不知守鴨

淶之險莫支離報曰謹聞命徒兵固守軍不得入坐流嶺外會赦還作著作郎與諸儒論議禁中凡誤烈女傳臣軌百僚新戒樂書等九千餘篇至朝廷疑議表疏皆密使參處以分宰相權故時謂北門學士累遷鳳閣侍郎坐事誅

劉允濟

唐書文藝傳字允濟河南鞏人其先出沛國齊彭城郡丞獻六世孫少孤事母尤孝工文辭與王勃齊名

舉進士補下邳尉累遷著作佐郎采魯哀公後十二世接戰國為魯後春秋獻之遷左史兼直宏文館武后明堂成奏賦述功德手詔褒咨除著作郎為來俊臣飛構當死以母老丐餘年繫獄會赦免貶大庾尉復為著作佐郎修國史常曰史官善惡必書使驕主賊臣懼此權顧輕哉而班生受金陳壽求米僕乃視如浮雲耳遷鳳閣舍人坐二張

昵狎除青州長史有清白舊巡察使路敬潛言狀以內憂夫官服除召為修文館學士既久斥喜甚與家人樂飲數卒

呂向

唐書文藝傳字子回少孤託外祖母隱陸渾山工草隸

賢院校理侍太子及諸王為文章時帝歲遣使采擇天下姝姝內之後宮號花鳥使向因奏美人賦以諷帝善之擢為文勒石西嶽詔向為鐫勒使以起居舍人從帝東巡帝引頤利發及番夷酋長入仗內賜弓矢射禽向上言鴟梟不鳴未為瑞鳥豺虎雖伏弗曰仁獸况突厥安忍殘賊莫顧君父陛下震以武義來以文德勢不得不廷故稽顙稱臣奔命遣使陛下引內從官陪封禪盛禮使飛鏃於前同獲獸之樂是狎昵太過或荆卿詭動何羅竊發逼嚴蹕冒清塵縱醢單于汚穹廬向以塞責帝順納詔蕃夷出仗久之遷主客郎中專侍皇太子眷資良異始向之生父安客遠方不還少喪母失墓所在將葬巫者求得之不知父在亡招魂合諸墓後有傳父猶在者訪索累年不獲

朝還道見一老人物色問之果父也下馬抱父足號慟行人為流涕帝聞咨歎官及朝散大夫賜錦綵給內教坊樂工娛憐其心卒贈東平太守向終喪再遷中書舍人改工部侍郎卒贈華陰太守嘗以李善釋文選為繁釀與呂延濟劉良張鏡李周翰等更為詒解時號五臣注

賈會

唐書本傳河南洛陽人父言忠貌魁梧事母以孝聞補萬年主簿護役蓬萊宮或短其苛高宗延詰辯列詳諦帝異之擢監察御史方事遼東奉使稟軍餉還奉上山川道里并陳高麗可破狀帝問諸將材否對曰李勣舊臣陛下所自悉靡同善雖非鬪將而持軍嚴薛仁貴勇冠冠軍高俚忠果而謀契必何力性沈毅雖忌前有統御才然夙夜小心忘身憂國莫逮於勣者帝然所許眾亦以為知言累轉吏部員外郎李敬元兼尚書言忠尚及生選不能下貶邵州司馬失武懿宗意下獄幾死左及生選不能軍卒會少有名景雲中為吏部員外郎元宗為太子遴選宮僚以會為舍人太子數遣使采女樂就率更寺肄習會諫曰作樂崇德以和人神詔夏有容咸莢有節而女樂不與其間皆曾用孔子幾霸戎有言余而疆齊秦以女樂飲孔子行由余出奔良以容吐咬蠱心喪志聖賢疾之

最甚殿下渴賢之美未彰好伎之聲先聞非所以追啟誦嗣堯舜之烈也餘閑宴私後延伎樂古亦有之猶常秘隱不以示人沉閣之所司明示羣臣哉願下台屏倡優女子諸使者採召一切罷止太子手合嘉答俄擢中書舍人以父嫌名不拜徒諫議大夫知制誥天子親郊有司議不設皇地祇位會請合享天地如古制并從祀等坐廢宗詔筆相禮官議皆如會請開元初復拜中書舍人會固辭議者謂中書乃官司非官稱嫌名在禮不諱乃就職與蘇晉同掌制誥皆以文辭稱時號蘇賈後坐事貶洋州刺史歷虔鄭等州刺史遷禮部侍郎卒于至

賈至

唐書本傳字幼鄰擢明經第解褐單父尉從元宗幸蜀先大詔命乃父為之辭今茲命冊又爾為之兩朝盛典出卿家父子手可謂繼美矣至頓首鳴咽流涕歷中書舍人至德中將軍王去榮殺富平令杜徽肅宗新得陝且惜去榮材認貸死以流人使自劾至諫曰聖人誅亂必先示法令崇禮義漢始入關約法三章殺人者死不易之法也按將軍去榮以朔方偏裨提數千士不能整行列挾私怨殺縣令有犯上之逆或曰去榮善守陝新下非去榮不可守臣謂不然李光弼守太原程千里守上黨許叔冀守靈昌

魯吳守南陽賈賁守雍邱張巡守睢陽初無去榮未聞賊能下也以一能而免死彼孤矢絕倫無前者恃能犯上何以止之若捨去榮誅將來是法不一而招罪人也惜一去榮殺十去榮之材其傷蓋多彼逆亂之人有逆於此而順于彼乎亂富平而治於陝乎悖縣令能不悖于君乎律令者太宗之律令陛下不可以一士小材廢祖宗大法帝詔羣臣議太子太師韋見素文部郎中崔器等皆以為法者天地大典王者不敢專也帝王不擅殺而小人得擅殺者是權過人主開元以前無敢專殺尊朝廷也今有之是弱國家也太宗定天下陛下復鴻業則去榮非至德罪人乃貞觀罪人也其罪祖宗所不赦陛下可安之耶詔可蒲州刺史以河東瀕賊徹傅城廬舍五十室不使賊得保聚民大擾詔遣至尉安官助營完蒲人乃安坐小法貶岳州司馬寶應初召復故宮遷尚書左丞楊綰建請依古制縣令舉孝廉于刺史刺史升天子禮部詔有司參議多是縮言至議以為自晉後衣冠遷徙人多僑處因緣官族所在占籍今鄉舉取人未盡請廣學校增國子博士員十道大州得置大學館詔博士領之召置生徒使保桑梓者鄉里舉焉在流寓者庠序推焉議者更附至議轉禮部侍郎待制集賢院大歷初徙兵部累封信都縣伯進京兆尹七

年以右散騎常侍卒年五十五贈禮部尚書諡曰文

孫逖

全唐詩傳河南人唐書文藝傳後魏光祿大夫惠蔚其先也祖希壯為韓王府典籤四世傳一子故無近屬父嘉之少孤依外家客涉鞏間垂拱初詣洛陽獻書不報第進士終襄邑令逖幼有文屬思警敏年十五見雍州長史崔日用令賦土火爐援筆成篇理趣不凡日用駭歎遂與定交舉手筆俊拔哲人奇士隱淪屠釣及文藻宏麗等科開元十年又舉賢良方正元宗御洛城門引見命戶部郎中蘇晉等第其文異等擢左拾遺張說命子均均往拜之李邕負才自陳州入計哀其文示逖李昂鎮太原表置幕府以起居舍人入為集賢院修撰時海內少事帝賜羣臣十日一燕宰相蕭嵩百官賦天成元澤維南有山楊之華三月英英有蘭和風嘉木等詩八篇繼雅頌體使逖序所以然改考功員外郎取顏真卿李華蕭穎士趙麟等皆海內有名士俄遷中書舍人是時嘉之且八十猶為令逖求降外官增父秩帝嘉納拜嘉之宋州司馬聽致仕父喪闋復拜舍人開元間蘇頌齊澣蘇晉賈會韓林許景先及逖典詔誥為代言最而逖尤精密張九齡視其草欲易一字卒不能也居職八年判刑部侍郎以病風乞解徙太子左

庶子遂縣廢累年徙少詹事上元中卒贈尚書右僕射諡曰文諸子成最知名成字思退雅蔭仕累洛陽長安令兄宿為華州刺史因悻病瘡成請告往視不待報輒行代宗嘉其悌不責也稍遷倉部郎中京兆少尹為信州刺史歲大旱發倉以賤直售民故飢而不亡再募增戶五千詔書褒美徙蘇州改桂管觀察使卒成通經術奏議據正嘗有暮喪弟者至成不易練而見客疑之請故答曰練者古居喪常服去之則廢喪也今而巾幘失矣子公器亦至邕管經畧使公器子簡守中元和中初登進士第辟鎮國荆南幕府累遷左司吏部二郎中蘇諫議大夫知制誥進中書舍人初逃掌誥至代宗時宿又居職逮簡凡三世會昌初遷尚書左丞歷河中與元宣武節度使檢校尚書右僕射東都留守而弟範亦為淄青節度使世推顯家

杜審言 東都人舊唐書文苑傳審言進士舉初為隰城尉雅善五言詩工書翰有能名然恃才譽傲甚為時輩所嫉乾封中蘇味道為天官侍郎審言預選試判訖謂人曰蘇味道必死人問其故審言曰見吾判即自當羞死矣又嘗謂人曰吾之文章合得屈宋作衙官吾之書跡合得王羲之北面其矜誕如此累轉洛陽丞坐事貶授吉州司戶

參軍又與州僚不叶司馬周季重與員外司戶郭若訥共構審言罪狀繫獄將因事殺之既而季重等府中醜讌案言子并年十三懷刃以擊之季重中傷死而并亦為左右所殺季重臨死曰吾不知審言有孝子郭若訥誤我至此審言因此免官還東都自為文祭并士友咸哀并孝烈蘇頲為撰墓誌劉允濟為祭文後則天召拜著作郎俄遷膳部員外郎神龍初坐與張易之兄弟交往配流嶺外尋召授國子監主簿加脩文館直學士年六十餘卒有文集十卷次子開闢子甫別有傳

按舊唐書本傳不載籍貫今據傳中免官還東都語定為東都人又據甫傳作鞏人則其由祖父宦鞏時遷居多在鞏洛其蹟尚可按也

杜甫 舊唐書文苑傳字子美本襄陽人後徙河南鞏縣曾祖依藝位終鞏令祖審言位終膳部員外郎自有傳父閑終奉天令甫天寶初應進士不第天寶末獻三大禮賦元宗奇之召試文章授京兆府兵曹參軍十五載祿山陷京師肅宗徵兵靈武甫自京師宵遁赴河西謁肅宗於彭原郡拜右拾遺房琯布衣時與甫善時琯為宰相請自帥師

討賊帝許之其年十月瑄兵敗於陳濤斜明年春瑄罷相
甫上疏言瑄有才不宜罷免肅宗怒貶瑄為刺史出甫為
華州司功參軍時關畿亂離穀食踊貴甫寓居成州同谷
縣自負薪採枲兒女餓殍者數人久之召補京兆府功曹
上元二年冬黃門侍郎鄭國公嚴武鎮成都奏為節度參
謀檢校尚書工部員外郎賜緋魚袋武與甫世舊待遇甚
隆甫性褊躁無器度恃恩放恣嘗憑醉登武之牀瞪視武
曰嚴挺之乃有此兒武雖急暴不以為忤甫於成都浣花
里種竹植樹結廬枕江從酒嘯詠與田夫野老相狎蕩無
拘檢嚴武過之有時不冠其傲誕如此永泰元年夏武卒
甫無所依及郭英又代武鎮成都英又武人麤暴無能刺
謁乃遊東蜀依高適既至而適卒是歲崔寧殺英又楊子
琳攻西川蜀中大亂甫以其家避亂荆楚扁舟下峽未維
舟而江陵亂乃泝沔流遊衡山寓居耒陽甫嘗遊嶽廟
為暴水所阻旬日不得食耒陽縣令知之自棹舟迎甫而
還承泰二年啗牛肉白酒一交而卒於耒陽時年五十九
子宗武流落湖湘而卒元和中宗武子嗣業自耒陽遷甫
之柩歸葬於便師縣西北首陽山之前天寶末詩人甫與
李白齊名而白自負文格放達譏前雖觀而有飯穎山之
嘲諷元和中詞人元稹論李杜之優劣曰子讀詩至杜子

美而知小大之有所總萃焉始堯舜之時君臣以賡歌相
和是後詩人繼作歷夏殷周千餘年仲尼緝拾選揀取其
千頭教化之尤者三百餘篇無所闕焉人作而怨憤之態繁
然猶去風雅日近尚相比擬秦漢已還採詩之官既廢天
下妖淫民謳歌頌賦曲度嬉戲之辭亦隨時間作至漢
武賦柄梁而七言之體興蘇子卿李少卿之徒尤工為五
言雖句讀文律各異雅鄭之音亦雜而辭意簡遠指事言
情自非有為而為則文不妄作建安之後天下之士遭罹
兵戰曹氏父子鞍馬間為文往往橫槊賦詩故其狀抑揚
宛哀悲離之作尤極於古晉世風槩稍存宋齊之間教失
根本士以簡謾為習舒徐相尚文章以風容色澤放曠精
清為高蓋吟寫淫靈留連光景之文也意義格力無取焉
陵遲至於梁陳淫艷刻飾佻巧小碎之詞劇又宋齊之不
取也唐興官學大振歷世能者之文互出而又沈宋之流
研練精切穩順聲勢謂之為律詩由是之後文變之體極
焉然而莫不好古者遺近務華者去實効齊梁則不迫於
魏晉工樂府則力屈於五言律切則骨格不存閑暇則纖
濃莫備至於子美蓋所謂上薄風騷下該沈宋言奪蘇李
氣吞曹劉掩顏謝之孤高雜徐庾之流麗盡得古今之體
勢而兼人人之所獨專矣使仲尼考鍛其旨要尚不知貴

其多乎哉苟以為能所不能無不可則詩人已來未
 有如子美者是時山東李白亦以文奇取稱時人謂之李
 杜予觀其壯浪縱恣擺去拘束模寫物象及樂府歌詩誠
 亦差肩於子美矣至若鋪陳終始排比聲韻大或干言次
 猶數百詞氣豪邁而風調清深屬對律切而脫棄凡近則
 李尚不能歷其藩翰况堂奧乎予嘗欲條析其文體別相
 附與來者為之準特病懶未就願白後
 屬文者以換論為是甫有文集六十卷

陸堅 唐書儒學傳河南洛陽人初為汝州參軍以友摺李若
 論不就以給事中兼學士善書初名友悌元宗嘉其
 吏賜名從封泰山封建安男帝待之甚厚圖形禁中
 贊以秘書監卒年七十
 一贈吏部尚書諡曰懿

陸據 唐書文藝傳字德隣河南人後周上庸公騰之世孫
 寓警邁善物理年三十始到京師公卿愛其文
 天寶十三載終
 司勳員外郎

元希聲 全唐詩傳河南人七歲善屬文舉進士累官司
 士預修三教珠英景龍初進吏部侍郎集三十一

孟雲卿 全唐詩傳河南人宏簡錄文翰傳與元結同鄉里以
 辭學相友登進士授校書郎生平好古其詩祖述沈
 干運又漁獵陳子昂詞氣同古怨者之流當今古調無能
 出其右者高仲武為著格律門論及譜二篇以攝其體貌
 與彭澤孫陶峴布衣焦遂
 進士孟彥琛遊江湖

蔣乂 唐書本傳字德源河南人博覽強記有史才署集賢小
 集累轉司勳員外帝常登凌烟閣視左壁題文漫缺行
 纔數字宰相無知者又對聖歷中侍臣圖贊口誦補不失
 一字會詔問神策軍建置本末中書討求不獲獨又條據
 甚詳詔兼判集賢院事未幾改秘書少監復兼史館修撰
 以修德宗實錄遷右諫議大夫累封義興縣公卒年七十
 五贈禮部尚書諡曰懿又久居史職每有大政事宰相必
 諮訪之結髮志學老而不厭家藏書至萬五千卷五子係
 伸偕知名仙仙皆位刺史係又長子善屬文得父典實太
 和初授昭應尉直史館明年拜右拾遺史館修撰與沈傳
 師等參傳憲宗實錄轉右補闕歷員外郎中皆兼史職懿
 宗朝累官尚書左僕射封淮陽郡公徙東都留守卒子曙
 字耀之由進士第官至起居郎仲字大直又次子第進士
 大中二年以右補闕為史館修撰轉駕部郎中知制誥累
 文苑

遷兵部侍郎宣宗雅信愛仲每見必咨天下得失仲言其爵賞稍易人且偷帝愕然曰偷則亂矣仲曰否非遽亂但人有觀心亂由是生帝嗟嘆未幾以本官同平章事懿宗即位兼刑部尚書監修國史後遷太史太傅致仕卒贈太尉借父第三子以父任歷右拾遺史館修撰轉補闕上客郎中初柳芳作唐歷大歷以後闕而不錄宣宗詔崔龜從韋澳李荀張彥遠及偕等分年撰次盡元和以續云累遷太常少卿大中八年與盧耽牛叢王泚盧告撰次文宗實錄三世踵修國史世稱良筆

王灣

全唐詩傳洛陽人登先天進士第開元初為滎陽主簿馬懷素請校正羣籍召學涉之士分部撰次灣在選中祕書罷誤又與陸紹伯等同校麗正院終洛陽尉灣詞翰早著其海日生殘夜江春入舊年之句當時稱最張說十題於政事堂每示能文令為楷式詩十首

祖詠

全唐詩傳洛陽人登開元十二年進士第與王維友善詩一卷

韋應物

河南通志河南人宏簡錄文翰傳曾祖令儀父鑿應物為人性高潔鮮食寡欲所居焚香掃地而坐其為

詩馳驟建安已還得其風韻與長卿顧況邱丹曾皎然往來酬唱天寶中任三衛扈從遊幸永泰中歷洛陽丞京府功曹參軍大歷十四年除鄆縣樂陽二令建中二年陞比部員外郎出刺滁與江州赴闕進左司郎中貞元初改蘇州刺史有詩十卷世稱韋蘇州

梁肅

唐書文藝傳字敬之一字寬中隋刑部尚書毗五世孫世居陸渾建中初中文辭清麗科擢太子校書郎肅復薦其材授右拾遺修史以母羸老不赴杜佑辟淮南掌書記召為監察御史轉右補闕翰林學士皇太子諸王侍讀卒年四十一

吳少微

唐書文藝傳新安人舉進士尉晉陽時富嘉謨亦轉晉陽尉尤相友善有魏谷倚者為太原主簿並負文辭時稱北京三傑天下文章尚徐庾浮俚不競獨嘉謨少微本經術雅厚雄邁人爭慕之號吳富體豫修三教珠英韋嗣立薦嘉謨少微並為左臺監察御史已而嘉謨死少微方病聞之為慟亦卒

按吳少微集有哭富嘉謨詩序云河南富嘉謨卒少微與嘉謨同時其言良不謬則嘉謨亦應作河南人但新

舊唐書皆言武功人故特誌其名字後以候識者考訂焉

劉方平

全唐詩傳河南人邢襄公政會之後與元德秀善不仕詩一卷

王季友

全唐詩傳河南人家貧賣履博極羣書豫章太守李勉引為賓客甚敬之杜甫詩所謂豐城客子王季友

也詩十首

元季川

全唐詩傳大歷貞元間詩人也一云名融元結弟詩四首

馬異

全唐詩傳河南人與盧全友善詩四首

母張

通志氏族畧洛陽人累官右補闕集賢注記開元十二年張說陸堅呂向涼季良母張等獻所賦詩上各賜贊

以褒美白于五色箋八分書之稱為十八學士

孫季良

簡錄儒學傳偃師人一名翊尹知章門人開元中為校書郎左拾遺集賢院直學士撰正聲詩集三卷

元稹

舊唐書本傳字微之河南人後魏昭成皇帝孫十代祖也兵部尚書昌平公巖六代祖也曾祖延景岐州參軍

祖悝南頓丞父寬比部郎中弼王府長史以稹貴贈左僕射稹八歲喪父其母鄭夫人賢明婦人也家貧為稹自授書教之書學稹九歲能屬文十五兩經擢第二十四調判入第四等授秘書省校書郎二十八應制舉才識兼茂明於體用科登第者十八人稹為第一元和元年四月也制下除右拾遺稹性鋒銳見事風生既居諫垣不欲碌碌自滯事無不言即日上疏論諫職又以前時王叔文王伾以猥褻待詔蒙幸太子承貞之際大撓朝政是以訓導太子宮官宜選正人乃獻書教太子憲宗覽之甚悅又論西北邊事皆朝政之大者憲宗召對問方略為執政所忌出為河南縣尉丁母憂服除拜監察御史四年奉使東蜀劾奏故劍南東川節度使嚴勣違制擅賦稹雖舉職而執政有與勣厚者惡之使還令分務東臺浙西觀察使韓臯封杖決湖州安吉令孫潛四日內死徐州監軍使孟昇卒節度使王沼傳送昇喪柩還京給券乘驛仍於郵舍安喪柩稹並劾奏以法河南尹房式為不法事稹欲追攝擅令停務既飛表聞奏罰式一月俸仍召稹還京宿數水驛內官劉士元後至爭聽士元怒排其戶稹襪而走廳後士元追之陵府士曹參軍稹聰警絕人年少有才名與太原白居易

可南守志

卷之四十三 人物志

七

文苑

友善一為詩善狀詠風態物色當時言詩者稱元白焉自
衣冠士子至閩蜀下俚悉傳諷之號為元和體既以後爽
不容於朝流放荆蠻者僅十年俄而白居易亦貶江州司
馬積量移通州司馬雖通江懸邈而二人來往贈答凡所
為詩自有三十五韻乃至百韻者江南人士傳道諷誦
流聞闕下里巷相傳為之紙貴觀其流離放逐之意靡不
悽惋十四年自號州長史徵還為膳部員外郎宰相令狐
楚一代文宗雅知積之辭學謂積曰嘗覽足下製作所限
不多遲之久矣請出其所有以豁予懷積因獻其文楚深
稱賞以為今代之鮑謝也穆宗皇帝在東宮有知積者
嘗誦積歌詩以為樂曲者知積所為嘗稱其善宮中呼為
元才子荆南監軍崔潭峻甚禮接積不以掾吏遇之常徵
其詩什諷誦之長慶初潭峻歸朝出積連昌宮辭等百餘
篇奏御穆宗大悅問積安在對曰今為南宮散郎即日轉
祠部郎中知制誥朝廷以書命不由相府甚鄙之然辭誥
所出實然與古為侔遂盛傳於代由是極承恩顧嘗為長
慶宮辭數十篇京師競相傳唱居無何召入翰林為中
書舍人承旨學士中人以潭峻之故爭與積交而知樞密
魏宏簡尤與積相善穆宗愈深知重河東節度使裴度三
上疏言積與宏簡為刎頸之交謀亂朝政言甚激許穆宗

顧中外人情乃罷積內職授工部侍郎上恩顧未衰長慶
二年拜平章事詔下之日朝野無不輕笑之時王廷湊朱
克融連兵圍牛元翼於深州朝廷俱赦其罪賜節鉞令罷
兵俱不奉詔積以天子非次拔擢欲有所立以報上有和
王傅于方者故司空頓之子干進於積言有奇士王昭王
友明二人嘗客於燕趙間頗與賊黨通熟可以反間而出
元翼仍自以家財資其行仍賂兵吏部令史為出告身二
十通以便宜給賜積皆然之有李賞者知于方之謀以積
與裴度有隙乃告度云于方為積所使欲結客王昭等刺
度度隱而不發及神策軍中尉奏于方之事乃詔三司使
韓臯等訊鞫而害裴事無驗而前事盡露遂俱罷積度平
章事乃出積為同州刺史度守僕射諫官上疏言責度太
重積太輕上心憐積止削長春宮使積初罷相三司獄未
奏京兆尹劉遵古遣坊所由潛避積第積奏訴之上怒
罰遵古遣中人撫諭積積至同州因表謝在郡二年改授
越州刺史兼御史大夫浙東觀察使會稽山水奇秀積所
辟幕職皆當時文士而鏡湖秦望之遊月三四焉而諷詠
詩什動盈卷帙副使贊鞏海內詩名與積酬唱最多至今
稱蘭亭絕唱積既放意娛遊稍不修邊幅以瀆貨聞於時
凡在越八年太和初就加檢校禮部尚書三年九月入為

可南存志

卷之四十三

人物志

三

文苑

尚書左丞振舉紀綱出郎官頗乖公議者七人然以稹素無檢操人情不厭服會宰相王播倉卒而卒稹大為路岐經營相位四年正月檢校戶部尚書兼鄂州刺史御史大夫武昌軍節度使五年七月二十二日暴疾一日而卒于鎮時年五十三贈尚書右僕射有子曰道護時年三歲稹仲兒司農少卿積營護喪事所著詩賦詔冊銘誄論議等雜文百卷號元氏長慶集又著古今刑政書三百卷號類集唐詩傳元晦稱從子會昌初往管觀察使終散騎常侍張循之仲之唐書蘇珣傳洛人兄弟皆與蘇晉善以學顯循為宋之慈等所發死至唐詩傳張漸循之從子天寶中楊國忠辟為幕佐與竇華宋昱同列官至翰林學士張謂全唐詩傳字正言河南人天寶二年登進士第乾元中為尚書郎大歷間官至禮部侍郎三典貢舉詩一卷李涉全唐詩傳洛陽人初與弟渤同隱廬山後應陳許辟憲宗時為太子通事舍人尋謫峽州司倉叅軍太和中為太學博士復流康州自號清谿子席晉唐書席豫傳豫弟豫工詩元宗漢為詩人冠晉以文名當時

元晟全唐詩傳河南人第進士蕭穎士門人傳有送蕭穎士詩

五代

李襲吉五代史本傳父圖洛陽人乾符中襲吉舉進士為中節度使李都推鹽判官後去之晉晉王以為榆次令遂為掌書記襲吉博學多知唐故事遷節度副使官至諫議大夫晉王與梁有隙交兵累年晉王數困欲與梁通和使襲吉為書諭梁辭甚辨麗梁太祖使人讀之至於毒手尊拳相交於暮夜金戈鐵馬蹂踐於明時數曰李公僻處一隅有士如此使吾得之傳虎以翼也顧其從事敬翔曰善為我答之及翔所答書辭不工而襲吉之書多傳於世襲吉為人恬淡以文辭自娛天祐三年卒莊宗即位贈襲吉禮部尚書

李雄王通志鞏縣人能詩莊宗同光甲申歲遊金陵成都鄴下各為詠古詩三十章以三國鼎峙各賦國詩

張澹宋史本傳字成文河南人好學有才藻晉開運初進士反第宰相桑維翰器之解褐校書郎歷遷史館修撰出為洛陽令周恭帝初拜右司員外郎知制誥入宋為祠部郎中澹美風儀善談論歷官釐務所至皆治

河南府志

卷之四十三

人物志

古

文苑

宋

安德裕

字益之一字師臯河南人節度重榮之子生而未期遇重榮兵敗乳母抱逃水竇中為水兵所執以見軍校秦習因與父舊匿之冒姓氏白孩提即喜筆硯遇文字輒誦讀習異之俾就學博貫文史尤精禮傳嗜西漢書習卒後三年喪後還本姓與以橐裝却曰斯秦氏之蓄於我何有丈夫自當樹立功名豈屑屑於是耶聞者高之開寶二年登甲科調歸州軍事推官歷大理寺丞著作佐郎太平興國中累遷秘書丞知廣濟軍城新建令作記及圖經三卷優詔褒獎八年改太常博士通判秦州就知州事雍熙初遷主客員外郎通判廣州未行李昉言其有史才即以本官直史館端拱初改金部員外郎淳化初知開封縣會備三館職改直昭文館三年春與梁周翰並充廷試考官上顧宰相此皆有聞之士老於郎署並賜之金紫俄遷司勳員外郎作九絃琴五絃阮頌以獻上稱其詞彩古雅至道三年轉金部郎中出知睦州還判太府寺咸平五年卒年六十三德裕性介潔以風盤自負王禹偁孫何初遊詞場力為延譽何乃其首選然酬飲太過故不被獎擢有集四十卷子守亮開寶五年及第

李度

宋史文苑傳洛陽人工於詩有醉輕浮世事老重故鄉人之句周顯德中擢第授永安縣簿累遷殿中丞知歙州坐事左遷絳州團練十年不調在歙嘗刻所著詩于石有中黃門傳入禁中太宗見之語宰相即令召至對於便殿與語甚悅擢為虞部員外郎直史館遇絳端拱初耕藉田加恩交州黎桓命度借太常少卿充國信副使賜詩寵行未至卒年五十七弟康亦善詩登太平興國進士官至右贊善大夫

李九齡

瀛奎律髓洛陽人乾德五年進士第一有贈馬道士詩

安鴻漸

洛陽縉紳舊聞記宋初洛陽人庶齋老學叢談李慶孫有文各時謂洛陽才子安鴻漸天下文章李慶孫

郭忠恕

字安簡錄文翰傳字恕先洛陽人七歲誦書屬文舉童順中為宗正丞兼國子博士建隆初坐酒失貶乾州司戶參軍又擅離殿所削籍配靈武遂流落不仕游岐雍京洛間縱飲踈弛逢人無貴賤輒呼苗有佳山水即淹留浹旬不去或踰月不食盛夏暴日中體不沾汗窮冬擊河水而浴凌澌消解人皆異之尤善畫所圖屋室重復之狀極臻精妙多游王侯公卿家或待以美醞張紈素於壁乘興

可南府志

卷之四十三

人物志

五

文苑

卽畫苟意不欲固請之必怒而去得者藏以爲寶太宗聞其名召赴闕授國子監簿錫襲衣銀帶錢五萬令刑定歷代字書性無檢局樂放縱上憐其才每優容之益使酒肆言謗讞以擅驚官物詔減死杖流登州行至齊州臨邑謂部送吏曰我今逝矣因培地爲穴度可容其面俯窺焉而卒藁葬道側後累月故人取其尸將改葬之體甚輕若蟬蛻然所定古今尚書并釋文行於世

尹源

宏簡錄文翰傳字子漸河南人自幼博學強記與弟洙皆以文章著名振起柳開復古之作時稱源河內先生洙河南先生初以父仲宣蔭補三班借職登進士改奉禮郎遷太常博士歷知芮城河陽新鄭三縣通判涇州知滄州劉漁坐專斬部宰源上書救之得免嘗作唐說及敘兵十篇以獻後其言多效改判慶州會元昊寇定川堡葛懷敏發涇原兵救之源遺懷敏書曰賊舉國而來其利不在城堡而兵法有不得而救者宜駐兵瓦亭擇利而後動懷敏不聽卒至於敗范仲淹韓琦薦其才召試學士院源素不喜賦主試者第其文下除知懷州卒

尹洙

宏簡錄文翰傳字師魯爲人內剛外和博學有識度尤深於春秋其爲文簡而有法登進士調正平縣簿歷河

南戶曹參軍安國軍節度推官舉書判拔萃改山南東道掌書記歷知光澤伊陽有能名大臣薦試除館閣校勘遷太子中允會黨議起洙自劾與范仲淹義兼師友不容苟免落職監唐州酒稅嘗作敘燕息成二篇又爲述亨審斷原刑敦學矯察考績廣揀凡雜議共九篇當時稱其善論韓琦尤賞之夏竦經畧辟爲判官數上疏論邊事講求開寶以前用兵故實請減併柵壘召募土兵省騎軍增步卒又上鸞鶴令竦遣洙詣闕奏攻守二策帝取攻策擢爲集賢校理洙遂趨延州謀出兵仲淹持不可還至慶會任福敗洙發慶卒數千趨鎮戎軍赴救未至賊引去竦劾以擅興降通判濠州韓琦辟通判泰州加直集賢院疏言時事仁宗嘉納之又作閭中辨証二篇言參軍取傳本以文吏無軍責而身死行陣言者誣爲致任福之敗及得傳書乃戒福持重慎毋輕進傳乃得免遷太常丞改右司諫知渭州兼領涇原路經畧公事坐陝西四路總管鄭戩遣劉滄董士廉城水洛徙慶州又改晉州遷起居舍人直龍圖閣知潞州士廉詣闕復訟詔遣劉滄就鞠滄探宰相意傳致假部將孫用公使錢爲償私息洙坐貶崇信軍節副監均州酒稅生平於西事尤練習自元昊不庭未嘗一日不在兵間其述戰守勝敗盡當時利害未及施行遽感疾卒年

四十七時論惜之有文集二十七

董傳蘇詩王注字至和洛陽人有詩名嘗在鳳翔與東坡相

卿薦士稀韓舉而傳已卒矣

趙安仁東都事畧本傳字樂道河南洛陽人也生而穎悟年

作佐郎直集賢院真宗即位拜右正言真宗巡師于大名
安仁上疏言當今急務真宗嘉之遷知制誥景德初為翰
林學士從幸澶淵契丹請和命學士各進報書真宗獨用
安仁所議亦以其能備記太祖書問規式因獲與聞通
好之議虜使至首命安仁接待其辭見儀制皆所裁定虜
使姚東之談次頗奔兵強戰勝安仁曰聞君多識前言老
氏云佳兵者不祥之器聖人不得已而用之勝而不美而
美之者是樂殺人樂殺人者不得志於天下東之自是不
敢復談安仁敏於酬酢切中事機類如此時論以為得體
拜右諫議大夫參知政事大中祥符初議封禪與王欽若
並為泰山經度制置使判兗州禮成拜工部侍郎五年罷
知禮儀院兼宗正卿請依唐故事置修玉牒官奏以劉筠

楊意夏疎宋綬為之又為仙源積慶圖皆統類精簡遷尚
書右丞改御史中丞請給御寶印歷三院御史彈糾事又
請修國朝六典並從之卒年六十贈吏部尚書諡曰文定
安仁善議論好誇後進學士大夫以清德宗之有同學宋
元興者篤學而早卒安仁力周其後善訓諸子各授以一
經居宗族以雍睦稱雖家人未嘗見其喜愠操履純正外
晦內明寬恕謙退無事浮飾有所獻納必焚藁致身貴顯
無改儉素尤練典故近世衣冠人物制度悉能記之子良
規尚寬尚寬見循吏傳良規字元甫以安仁奏為祕書
省正字宰相張知白舉其才召試集賢校理稍遷太常博
士兼宗正丞良規得祿賜多所分贍餘則盡之於酒子君
錫甚孝以良規老而酒色不節棄官出入卧起隨之良規
積官至工部侍郎卒年六十八君錫字無愧以父任為
將作監主簿復舉進士司馬光編歷代君臣事迹辟君錫
同修會丁父憂服除累遷宗正丞同知太常禮院時近臣
有請祀英宗於明堂配昊天上帝及五帝君錫與禮官建
言以為非是請專配上帝以稱嚴父之意詔如君錫議遷
開封府推官元祐初自太常少卿擢給事中蔡確復觀文
文殿學士章惇復資政殿學士君錫奏駁論其姦惡命遂
格移刑部侍郎改吏部除天章閣待制樞密都承旨拜御

史中丞於是諫官鄭雍姚勗謂君錫風節不立君錫遂請
外除天章閣待制知鄭州紹聖初提舉明道宮時方例廢
元祐舊人君錫坐落職
分司南京卒年七十二

崔頌字敦美偃師人父協後唐門下侍郎平章
事頌幼喪母為外祖母所鞠以廕補河南巡官歷開封

簿鄆州錄事參軍上書言事桑維翰奇之擢左拾遺漢初
加朝散階世宗鎮澶淵以為觀察判官賜金紫宋初判國

子監會重修國學建隆三年夏始會生徒講說太祖遣中
使賜以酒果每臨幸召講論語及經義應答無滯郊祀攝

太僕升車執綬上問以一時典禮占對閑雅上甚重之乾
德六年卒年五十為人好諷諧善筆劄受命書世宗諡冊

文時稱道麗篤信釋氏子賤至太子右贊善大夫 曠字
文炳登雍熙進士雅有士行累為屯田員外郎三司戶部

判官景德中上語宰相周王元儼年少尤資贊導聞曠
性純謹庶有裨益因召對遷都官員外郎充記室參軍賜

金紫遷兵部郎中出知河中
府轉太常少卿將作監卒

陳與義字去非洛陽人希亮曾孫天資卓偉
陳與義字去非洛陽人希亮曾孫天資卓偉
陳與義字去非洛陽人希亮曾孫天資卓偉

上舍甲科授開德教授遷太學博士宣和中徽宗見所賦
墨梅詩善之召對嘆為見晚遂擢符寶郎尋謫監陳留酒

稅遺亂避地湖襄泛洞庭上九疑羅浮雖流離困厄而能
以山川秀傑之氣益昌其詩高宗立召為兵部員外郎累

遷至翰林學士知制誥拜參知政事與丞相趙鼎同心轉
政務尊主威而振綱紀從帝如建康扈蹕還以疾請授資

政殿學士知湖州終提舉洞霄宮年四十九卒與義容狀儼
格不妄言笑外和而內剛薦士於朝退未嘗語人嘗問作

詩法於崔鶯鶯曰工拙未論大要忌俗其所作體物寓興
清遠紆餘高舉橫厲上下陶謝韋柳之間有簡齋集行世

張 唐為起居郎右司員外金部郎中賜金紫晉少帝改河
南分周為左諫議大夫給事中檢校禮部尚書宋初加刑

部尚書卒年七十二性清介美姿儀善筆札由晉以來天
地宗廟及上徽號封拜王公冊文皆其

所書生平不事生產卒時嚮錢以葬

朱敦儒字希真河南人紹聖諫官勃子素工詩
及樂府婉麗清暢志行高潔雖在布衣而有朝野之

望靖康中召至京將處以學職固辭而還日麋鹿之性自
樂閑曠爵祿非所願也高宗詔舉草澤之士部使者言其

可寄守志

卷之四十三 人物志

文苑

朱敦儒

朱敦儒

朱敦儒

朱敦儒

朱敦儒

有文武才復召又辭避亂南雄張浚奏赴軍前計議弗起
紹興二年宣諭明燾又薦敦儒深遠治體有經世才廷臣
亦多稱其恬退詔以為勉功即下肇慶府敦復不肯受
其故人勸之於是幡然而起既至命對便殿論議明暢上
悅賜進士出身為秘書正字俄遷
兵部郎官兩浙東路提點刑獄

陸經 文獻通考字子履洛陽人官殿中修撰

呂文仲 宋史本傳字子臧新安人南唐錄事參軍裕子登進
士補臨川尉遷大理評事掌宗室書奏歸朝授太祝

遷少府監丞預修御覽廣記文苑英華改著作佐郎太宗
每御便殿觀古碑刻或文選文仲皆預嘗令讀江海賦獲
賜賚充翰林侍讀與書學葛湍同直御書院上暇日從容
問以書史齊熙初副王著使高麗還改左正言巡撫福建
未幾賜金紫加左諫議大夫淳化中轉關西巡撫使劾內
品方保吉捨克專幹權酷威制郡縣民疲吏擾變易舊法
太宗怒亟召保吉將罪之反為所誣罷職既而上明其無
辜起直秘閣兼侍讀召於崇政殿讀上草書經史故實數
十軸模刻于石遷起居舍人兵部員外郎同判吏部銓知
審官院通進銀臺封駁司咸平三年拜工部郎中充翰林

侍讀學士集太宗歌詩三十卷詔書嘉獎又知審刑院六
年授御史中丞歷工刑二部侍郎復兼侍讀充集賢院學

士卒錄其子永奉禮郎為人富詞學久居禁近頗周密
高麗遠俗悅其清淨後有使者詢其出處有集十卷

王壽卿 王士正王魯翁篆題章邱女郎山有宋隱士穆延秀
墓洛陽王壽卿曾翁題墓表篆書黃魯直有贊刻碑

額稱一絕按魯翁祖擇之外孫工篆隸嘗召至
京師使篆字說辭以與王氏學異以布衣終

李處權 宋詩紀事字與伯洛陽人邯鄲公淑曾孫宣和間與
陳叔易朱希真以詩名南渡後嘗領三衢有崧菴集

李處全 浙江通志字賢字粹伯洛陽人能文終侍御史弟處
廟守衢州時處全寓須江仙居僧舍擇林壑之勝與

弟同家焉

王德采 詩紀事洛陽人鄉貢進士官典郡正郎有題洛陽
大字院早秋蟬有信多兩暑無權句見明道雜志

王仲專 賦彙洛陽人作南都賦一時傳誦之

金

盧亞

舊府志芝田人嘗讀書于緱山正大中舉進士第一按緱山舊隸永安金改永安為芝田今鞏芝田鎮有盧

亞狀元坊其故宅在今芝田西北警店

辛愿

金史文學傳字敬之福昌人年二十五始知讀書取白氏諷諫集自試便能背誦乃聚書環堵中讀之至書伊

訓詩河廣頗若有所省欲罷不能因更致力焉由是博極書史作文有繩尺詩律精嚴多自得之趣性野逸不修威儀貴人延請麻衣草履足歷赤露坦然於其間劇談豪飲

傍若無人客河南治中高廷玉為府尹温迪罕福興所認愿亦被訊幾不得免自是生事益困往往見之于詩有

黃綺暫來為漢友巢由終不是唐臣正大末終洛下

張澄

中州集字仲經一字之純澄祖自黃縣移官洛陽因家焉澄早孤能自樹立嘗從辛愿學客居東平詩名藉甚

元

楊庸

元史世祖帝紀中統二年徵儒人楊庸為教授教孔顏

孟三氏子孫繼樞傳陛下既命洛士楊庸選孔顏孟三族諸孫教之乞庸授庸教官以文國家育才待聘之意從之

河南府志卷之四十四

人物志七

武功

三河據九州之險為天下大都會故其地多以武功顯如王淮陵祭征虜之在漢韓擒虎賀若弼之在隋豈非干城之選哉由此而降虎臣輩出有難以屈指數者夫易重丈人詩稱元老古志之矣爰採史冊所著自為一編凡拆衝禦侮建樹勛庸者悉載之志武功

漢

楊僕

漢書本傳宜陽人武帝時以千夫為吏河南守舉為御史使督賊關東僕治放尹齊以敢擊行歷遷三爵都尉

及南越反拜僕為樓船將軍伐之有功封梁侯

王霸

後漢書本傳字元伯潁陽人少為獄吏常慷慨不樂交
於昆陽還休鄉里請其父願從父曰吾老矣不任軍旅汝
往勉之從至洛陽及光武為大司馬以霸為功曹令史從
度河北及王郎起光武令霸至市中募人將以擊郎光武
即南馳至下曲陽聞王郎兵在後從者皆恐至虜沱河無
船不可濟光武令霸往視之還即詭曰冰堅可度遂前此
至河河水亦合乃度未畢數騎而冰解光武謂霸曰安吾
眾得濟者卿之力也以為軍正爵關內侯既至信都拔脚
鄴追斬王郎得其璽綬封王鄉侯霸善撫士卒死者脫衣
以歟之傷者躬親以養之光武知其曉兵愛士可獨在拜
為偏將軍建武二年更封高波侯五年拜霸為討虜將軍
六年屯田新安八年屯田函谷關擊滎陽中牟盜賊皆平
之九年霸與吳漢等擊盧芳將賈覽于高柳匈奴遣騎
增邑戶更封向侯霸在上谷二十餘歲大小數十百戰邊
人降服定封淮陵侯永平二年以病免卒子符嗣徙封軌
侯符卒子度嗣度尚顯宗女浚義長公主為黃門郎度卒

子歆

祭遵

後漢書本傳字弟孫潁陽人少好經書喪母負土起墳
光武破王尋還過潁陽署遵為門下史從征河北為軍
市令尋拜為偏將軍以功封列侯建武二年拜征虜將軍
定封潁陽侯與景丹等南擊宏農厭新栢華蠻中賊弩中
遵口洞出流血眾見遵傷稍退遵呼叱止之遂大破賊時
新城蠻中山賊張滿屯險為害詔遵攻之而厭新栢華餘
賊復與滿合遵乃分兵擊破降之涿郡太守張豐舉兵反
詔遵與朱祐耿弇俱擊之遵兵先至急攻豐功曹孟玄
執豐降諸將皆引還遵受詔留屯良鄉拒彭寵相拒歲餘
數挫其鋒寵死遵進定其地六年詔遵與耿弇等伐公孫
述師次長安帝從遵議乃遣為前行隗囂使其將王元拒
隴坻遵進擊破之追至新關及諸將到與囂戰並敗引退
下隴乃詔遵營勞饗士卒作黃門武樂良夜乃罷時遵有疾
詔賜重茵覆以御蓋復令進屯隴下及公孫述遣兵救囂
諸將悉奔還遵獨留不卻九年春卒於軍遵為人廉約小
心克已奉公賞賜盡與士卒家無私財身衣韋袴夫人裳
不加緣帝以是重焉及卒愍悼尤甚喪至河南縣詔遣百
武功

官先會喪所車駕素服臨之望哭哀慟還幸城門過其車
騎涕泣不能已喪禮成服親祠以太牢如宣帝臨霍光故
事詔大長秋謁者河南尹護喪事大司農給費至葬車駕
復臨贈以將軍侯印綬朱輪容車介士軍陳送葬諡曰成
侯既葬車駕復臨其墳存見夫人室家其後會朝帝每嘆
曰安得憂國奉公之臣如祭征虜者乎遵之見思如此無
子國除兄午官至

祭彤

後漢書祭遵傳字次孫潁陽人遵弟也早孤以至孝見
稱遇天下亂野無煙火而獨在冢側每賊過見其尚幼
而有志節皆奇而哀之光武初以遵故拜彤為黃門侍郎
常在左右及遵卒無子帝追傷之以彤為偃師長令近遵
墳墓四時奉祀之彤有權畧視事五歲縣無盜賊白曰公行
一遷襄賁令時天下郡國尚未悉平襄賁盜賊白曰公行
彤至誅破姦猾殄其支黨數年襄賁政清璽書勉勵增秩
一等賜縑百匹當是時匈奴鮮卑強盛數入塞殺畧吏人
朝廷以為憂拜彤遼東太守至則勵兵馬廣斥侯虜每犯
塞數被走之建武二十一年鮮卑萬餘騎寇遼東彤率數
千人迎擊之自被甲陷陣大敗之自是後鮮卑震怖畏彤
不敢復窺塞彤之威聲暢于北方西自武威東盡兗魯皆

來內附野無風塵乃悉罷緣邊屯兵徵為太僕彤在遼東
幾三十年衣無兼副顯宗既嘉其功又美彤清約拜日賜
錢百萬居室什物無不悉備及卒帝嗟歎者良久遼東吏
人為立祠四時奉祭焉彤子參官遼東太守子孫多為邊
吏者皆
有名稱

南北朝

宇文福

魏書本傳洛陽人祖活撥仕慕容垂為唐郡內史遼
東公太祖平慕容垂撥入國為第一客福太和初
為南征都將擊蕭順有功除假將軍北征都將破蠕蠕
別部獲萬餘還除都牧給事十七年車駕南討假後軍將
軍尋補司衛監緊遷武衛將軍二十二年車駕復南討遣
福為前軍高祖勅福出城南過絕歸路賊大奔潰賜爵昌黎
侯景明初拜平遠將軍南征統軍都督王勰令福攻建安
建安降封襄樂縣開國男除太僕少卿尋詔福行豫州事
綏遏蠻楚還為光祿大夫轉太僕卿歷散騎常侍終懷朔
鎮諡貞惠子
善延見忠節

奚康生

魏書本傳洛陽人其先代世為部落大人祖直官至三都大官賜爵長進侯卒諡簡康生性驍勇有武藝

趙剛

北史本傳字僧慶洛陽人起家奉朝請累遷都督孝武與齊神武構隙剛密奉旨召東荆州刺史馮景昭未及

發而神武逼洛陽

孝武西遷景昭集文武議去就馮道和請據州剛抽刃投地曰公若為忠臣可斬道和如欲從賊

起兵應景昭

感悟赴關右屬侯景逼穰城東荆州人楊歡見東魏東荆州刺史李贇勸令歸關西大統初剛見周

文具陳關東情實

論功進爵臨汝縣伯歷潁州郡守營州刺史進爵為公孝閔帝踐祚出為利州總管討

沙州氏經畧信州

仍授渠州刺史卒諡曰成子謹周書本傳字思敬陽人性沉深有識量僕射元纂辟為參軍從軍北伐茹茹前後十七戰盡降其眾魏末羣

盜蜂起謹解諸國語

單騎入賊示以恩信並款附屢立戰功齊神武逼洛陽謹從魏帝西遷仍從太祖征伐累功進

爵常山郡公孝閔帝踐祚

進封燕國公遷太傅大宗伯尋詔有司與三老禮幸太學親自袒割北面訪道尋授雍州

牧農年七十六高祖親臨諡文配享太祖廟庭謹有智謀

場其能彌諸帝室各位雖重愈存謙挹每教諸子務靜退子孫繁衍皆

顯達子實嗣

子實周書本傳字賓實未弱冠入太祖幕府從征潼關及迴洛城又從復宏農戰沙苑以功封萬年縣子授主衣都

于實

統侯景來附遣實與諸軍援之平九曲城進大都督遷儀同三司尋除滑州刺史進爵為公魏恭帝二年羗東念如

反結連吐谷渾為邊患豆盧寧討之不克實往遂破之孝

閔帝踐祚進爵延壽郡公延州蒲川賊郝三郎等反實討平之除延州刺史襲爵燕國公進位在國後又加上柱國

拜大左輔隋開皇初薨贈司空諡安三子顓仲文象賢皆

顯達

長孫澄周書長孫紹遠傳洛陽人字士亮年十歲司徒李瑛之見而奇之妻以女十四從征討有策謀勇冠諸將

魏孝武初除征東將軍

滑州刺史後從太祖援玉壁又從戰却山進位驃騎大將軍開府孝閔踐祚拜大將軍封義門公為玉

璽總管卒

卷之四十九 人物志

四

武功

賀若敦

周書本傳洛陽人少有器幹善騎射隨父統歸文帝時大龜山賊張世顯襲統敦挺身赴戰手斬七八人

賊乃退明年從河內公獨孤信於洛陽被圍敦彎三石弓箭不虛發信大奇之言於文帝引置麾下援都督封安陸縣伯累官驃騎大將軍開府儀同三司進爵廣鄉縣公以討平譙滄進爵武都郡公拜典祀中大夫尋為金州都督時蠻帥向白文子榮等各據地為逆敦悉討平之入為軍司馬陳將侯瑱圍逼湘州邊絕糧援乃令敦度江赴救相持歲餘瑱等不能制求借船送敦度江敦慮其詐覘之乃實乃勒衆還晉公護以敦失功無功除名後累遷中州刺史敦恃功負氣兼以湘州之役全軍而還反被除名每出怨言晉公護怒徵還逼令自殺

達奚實

周書本傳字什伏代洛陽人高祖涼州魏征西將軍山陽公父顯相武衛將軍實起家給事中累遷大行

臺郎中鎮潼關及潼關失與陽山武戰於關東魏人甚憚之從太祖擒竇泰復宏農破沙苑皆力戰有功加車騎將軍左光祿大夫實性嚴重太祖深器之廢帝時大軍伐蜀以實行南岐州事先是山氏生獷不供賦役歷世羈縻莫能制御實導之以政氏人感悅並從賦稅於是大軍糧餼咸取給焉尋徵還加開府儀同三司進爵平陽縣公終文

州刺史諡恭子豐嗣

元定

周書本傳字願安洛陽人永安初從爾朱天光討關隴羣賊並破之除襄虜將軍從太祖討侯莫陳悅以功拜

平遠將軍魏孝武西遷封高邑縣男從擊潼關拔回洛城進爵為伯從擒竇泰復宏農破沙苑戰河橋定皆先鋒以前後功累遷都督征東將軍印山之役敵人如堵定奮稍衝之殺傷甚眾無敢當者論功為最定有通畧每戰必陷陳然未嘗自言其功遷使持節車騎大將軍開府儀同三司進爵為公魏廢帝二年以宗室進封建城郡王行周禮爵改封長湖郡公世宗初拜岷州刺史威恩兼濟甚得羣豪之情先時生羗據險不賓者至是並出山谷從征賦焉及定代還羗豪等感戀之後與陳人戰其將徐度遣使偽與通和解仗就船遂為所執憂憤卒子樂嗣

陳忻

周書本傳字永怡宜陽人驍勇有氣俠姿貌魁岸同類

破東魏軍進位驃騎大將軍開府儀同三司加侍中賜姓尉遲氏歷熊州刺史卒忻與韓雄里閏姻姬少相親昵俱總兵境上三十餘載每有禦并二人相赴常若影響故得數對勅敵而常保功名雖竝有武力至於挽疆射中忻不

如雄散財施惠得士衆心則雄不如忻及死將吏莫不感
勸子萬敵嗣朝廷以忻雅得士心還令萬敵領其部曲

閻進

周書閻慶傳河陰人有謀畧勇冠當時正光中拜龍鑲
將軍屬衛可孤作亂攻圍盛樂進率衆拒守縣歷三載

晝夜交戰未嘗休息以少擊衆城
竟獲全以功拜盛樂郡守子慶

韓雄

北史本傳字木蘭河南東垣人祖景孝文時爲緒陽郡
守雄少敢勇旅力絕人工騎射慷慨有大志西魏大統

初舉兵洛西與河南行臺楊琚共爲犄角所向克復入周
封武陽縣侯遣還鄉里更圖進取雄乃招集義衆從獨孤

信入洛陽芒山之役與神武右力戰勝之以功拜河南
進爵爲公尋進驃騎大將軍開府儀同三司侍中河南邑

中正周孝閔帝踐難進爵新義郡公賜姓宇文氏明帝二
年除都督中州刺史雄久在邊具知敵人虛實每率衆深

入不避艱難前後經四十五戰雖時有勝負而雄志氣益
壯東魏深憚之卒于鎮贈大將軍五州諸軍事諡曰威

元景安

北史本傳洛陽人沈敏有幹局工騎射隨魏孝武入
尚書時初築長城鎮戍未立詔景安與諸將緣塞以備守

督領旣多且所部軍人富於財物賄貨公行文宣聞之遣

使推檢唯景安纖毫無犯帝深嘉歎除豫州刺史封歷陽
郡王入周以大將軍討稽胡戰沒子仁累官丹陽太守

閻慶

周書本傳字仁慶河陰人父進魏正光中拜盛樂郡守
慶隨父守盛樂有功拜別將孝武西遷慶以大統三年

自宜陽歸闕拜奉車都尉河橋之役以功封安次縣男戰
卽山先登陷陣晉爵爲伯賜姓大野氏孝閔帝踐祚出爲

河州刺史晉爵石保縣公又晉太安郡公八爲小司空上
柱國歷食一千五百戶善撫士卒寬和不苛察軍民悅之

晉公護之母慶姑也護擅權慶不阿附護誅武帝深重之
詔其子毗尙清都公主婚連帝室位望隆重常以謹慎自

守建德二年表請致仕至隋開皇二年薨年七
十七贈司空諡曰盛次子稚嗣仕至大將軍

隋

趙仲卿

北史趙剛傳剛子有旅力周齊王憲甚禮之以平王
謙功進位大將軍封長垣縣公隋文帝受禪進河北

擊啓人窘迫與隋使長孫晟投通漢鎮仲卿率兵援之達
頭不敢逼潛遣人誘致啓人所部至者二萬餘家其年從

高頰指白道以擊達頭仲卿爲前鋒與虜遇交戰七日大
武功

人物志

破之復啓入突厥悉衆而至仲卿為方陣四面拒戰會高
頰大兵至合擊之虜敗走追度白道踰秦山七百餘里進
上柱國煬帝嗣位判兵工二部
尚書事卒官諡曰肅子世弘嗣

元景山

隋書本傳字世弘洛陽人祖燮魏安定王父瑒宋安
軍封平原郡公治亳州總管州民王迴洛張季真等聚結
亡命每為劫盜前後牧守不能制景山逐補之迴洛季真
奔江南擒其黨與數百人斬之法令明肅盜賊屏迹稱為
大治高祖為丞相尉迴稱兵作亂榮州刺史宇文弼與迴
通謀陰以書諷動景山景山執其使封書詣相府高祖甚
嘉之進位上大將軍高祖受禪拜上柱國明年大舉伐陳

以景山為行軍元帥大著威名甚
為敵人所憚卒諡襄子成壽嗣
元胄 隋書本傳洛陽人魏昭成帝六代孫少英果多武藝美
鬚眉有不可犯之色周齊王憲見而壯之引致左右數
從征伐官至大將軍高祖初被召入將受顧託先呼胄次
命陶洽並委以腹心恒宿卧內及為丞相每典軍在禁中
又引弟威俱入侍衛周趙王招嬰高祖就第酒酣趙王欲
生變胄聞屋後有被甲聲遽請曰相府事殷公何得如此

因扶高祖下牀趣而去及誅趙王賞賜不可勝計
高祖受禪進位上柱國封武陵郡公右衛大將軍
王誼 隋書本傳字宜君洛陽人父顯周鳳州刺史誼少便弓
馬博覽羣言周閔帝時為左中侍上士遷御正大夫拜
雍州別駕武帝即位累遷內史大夫封楊國公從帝伐齊
帝為齊所敗左右多死誼率麾下赴之帝賴以全及齊平
授相州刺史復徵為大內史汾州稽胡為亂誼擊平之封
一子開國公帝臨崩謂皇太子曰王誼社稷臣宜處以機
密不須遠任及即位憚誼剛正出為襄州總管尋拜大
司徒高祖受禪顧遇彌厚奉使突厥稱旨進封郢國公
元諧 隋書本傳洛陽人家代貴盛諧性豪俠少與高祖同受
業於國子甚相友愛後以軍功累遷大將軍高祖為丞
相引致左右諧曰公無黨援譬如水間一堵墻大危矣公
其勉之及受禪上顧諧笑曰水間墻竟何如也賜宴極歡
進位上大將軍封樂安郡公吐谷渾寇涼州諧擊敗之俘
斬萬計虜大震駭率所部來降上大悅下詔擢寧州刺史
進爵上柱國

字文慶 隋書本傳字神慶洛陽人祖金殿魏征南大將軍仕
歷五州刺史安吉侯父顯和夏州刺史慶沉深有器
武功

字文慶 隋書本傳字神慶洛陽人祖金殿魏征南大將軍仕
歷五州刺史安吉侯父顯和夏州刺史慶沉深有器
武功

局少以聰敏見知周初受業東觀頗涉經史既而謂人曰
 書足記姓名而已安能久事筆硯為腐儒之業于時文州
 民夷相聚為亂慶應募從征賊保據巖谷徑路懸絕慶東
 馬而進襲破之以功授都督衛王直之鎮山南也引為左
 右慶善射有膽氣好格猛獸甚壯之稍遷車騎大將軍
 儀同三司匡國府掾及誅宇文護慶有謀焉進授驃騎大
 將軍加開府後從武帝攻河陰先登攀堞與賊短兵接戰
 長久中石墮墜絕而後蘇帝勞之曰卿之餘勇可以賈人
 也復從武帝拔晉州其後齊師大至慶與宇文憲輕騎而
 覘卒與賊相遇為賊所窘憲挺身而還慶退據汾橋眾賊
 爭進慶引弓射之所中人馬必倒賊乃稍却及破高緯拔
 高壁克并州下信都禽高潛功並居最周武帝詔褒之進
 大將軍封汝南郡公高祖為丞相復以行軍總管南征
 而次白帝徵還以勞進位上大將軍高祖與慶有舊
 進位丞相軍事委以心腹尋加柱國開皇初拜
 廣平公主授儀同安德縣公邑千五百
 先慶卒子協歷武賁郎將右翊衛將軍

韓擒

隋書本傳字子通河南東垣人後家新安父雄以武烈
 膽畧見稱容貌魁岸有雄傑之表性又好書經史百家皆
 略知大旨周太祖見而異之令與諸子遊集後以軍功拜
 都督新安太守稍遷儀同三司襲爵新義郡公開皇初高
 祖潛有吞并江南之志以擒有文武才用夙著威名於是
 拜為廬州總管委以平陳之任甚為敵人所憚及大舉伐
 陳以擒為先鋒擒率五百人夜濟襲采石守者皆醉擒遂
 取之進攻姑熟半日而拔次于新林江南父老素聞其威
 信來謁軍門晝夜不絕陳人大駭叔寶遣領軍蔡徵守朱
 雀航聞擒將至眾懼而潰任蠻奴為賀若弼所敗棄軍降
 於擒擒以精騎五百直入朱雀門陳人欲戰弼所敗棄軍
 老若弼亦降諸君何事眾皆散走遂平金陵執陳主叔寶時
 賀若弼亦有功乃下優詔於擒弼曰申國威於萬里宣朝
 化於一隅使東南之民俱出湯火數百年寇旬日廓清專
 是公之功也高名塞於宇宙盛業光於天下逃聽前古罕
 聞其匹班師凱入誠知非遠相思之甚寸陰若歲及至京
 弼與擒爭功於上前弼曰臣在蔣山死戰破其銳卒擒其
 驍將震揚威武遂平陳國韓擒略不交陣豈臣之比擒曰
 本奉明旨令臣與弼同時合勢以取偽都弼乃敢先期逢
 武功

賊遂戰致令將士傷死甚多臣以輕騎五百兵不血刃直
取金陵降任蠻奴執陳叔寶據其府庫傾其巢穴弼至
方扣北掖門臣啟關而納之斯乃救罪不暇安得與臣相
比上曰二將俱台上勲於是進位上柱國賜物八千段其
後突厥來朝上謂之曰汝聞江南有陳國天子乎對曰聞
之上命左右引突厥詣擒前曰此是執得陳國天子者擒
厲然顧之突厥惶恐不敢仰視其有威容如此別封壽光
縣公食邑千戶以行軍總管屯金城禦備邊寇即拜涼州
總管俄徵還京上宴之內殿恩禮殊厚無何其隣母見擒
門下儀衛甚盛有同王者母異而問之其中人曰我來迎
王忽然不見又有疾篤忽驚走至擒家曰我來謁王左
右問曰何王也答曰閻羅王擒子弟欲撻之擒止之曰生
為上柱國死作閻羅王斯亦足矣因寢
疾數日竟卒時年五十五子世諤嗣

賀若弼

齊王憲引為記室封當亭縣公遷小內史尋與韋孝寬伐
陳拔數十城拜壽州刺史高祖受禪弼獻取陳十策開皇
九年大舉伐陳以弼為行軍總管大破之上大悅下詔褒
揚及見迎勞曰克定三吳公之功也加位上柱國進爵宋

國公尋轉右武侯大將軍煬帝嗣位弼與
高顯等私議朝政得失為人所奏坐誅

周搖

為周曾祖拔祖右六肱俱北平王父恕延南荊州總
管搖少剛果有武藝從周平齊每戰有功封夔國公開皇
初突厥寇邊燕薊多被患上思所以鎮之臨朝曰無以加
周搖者拜為幽州總管六州五十鎮諸軍事搖修鄣塞
謹斥侯邊民以安以老乞歸終于家謚曰恭年八十四

韓僧壽

隋書韓擒虎傳字元慶東垣人擒虎弟亦以勇烈知
名任周為侍伯中旅下大夫以功授大將軍封昌樂
公開皇初拜安州刺史後以行軍總管破突厥於鷄頭山
後為靈州總管再破突厥進位上柱國封江都郡公煬帝
即位改封

韓洪

隋書韓擒虎傳字叔明東垣人僧壽弟少驍勇善射營
力過人仕周以軍功拜大都督積功封甘棠縣侯開皇
初進爵為公歷官代州總管仁壽元年突厥犯塞洪率眾
拒於恒安洪四面搏戰潰圍出煬帝北巡拜隴西太守未
幾珠厓民王萬昌作亂詔洪擊平之加金紫光祿大夫領
郡如故俄而萬昌弟仲通復叛洪又討平之旋師遇疾卒

宇文弼 隋書本傳字公輔洛陽人博學多通仕周為禮部上

被瘡苦戰以功拜上儀同封武威縣公尋改封安樂縣公

司馬清難奔陳弼追之遇陳將樊毅戰於漳口自旦及午

三戰三捷虜獲三千人開皇初以前功封平昌縣公時西

軍內附詔弼安集之置鹽澤蒲昌二郡突厥寇甘州以行

武幹用出為并州長史煬帝即位徵拜尚書弼既以才能

著稱歷職顯要聲望甚重帝忌之坐誅所著

辭賦二十餘萬言為尚書孝經注子儉瑗

于顛 隋書于顛傳字元武仲文兄以父勲賜爵新野公

授大都督遷車騎大將軍儀同三司累以軍功授上

府大冢中以水軍總管從尋章寬經畧淮南顛率開府

紹貴上儀同毛猛等自頰口入淮陳潘深棄柵走進與考

寬攻拔壽陽復引師圍硤石守將許約懼而降顛乃拜東

廣州刺史尋拜吳州總管陳將錢茂和率眾襲江陽顛擊

走之陳復遣陳紀周羅喉燕合兒等襲顛顛拒之而退高

祖受禪以事貶為開府後襲爵燕國公開皇七年拜澤州

刺史卒子

世虔嗣

于仲文

隋書本傳字次武實子少聰敏就學不倦九歲見周

太祖嗟歎之及長數從征伐累勲授儀同三司宣帝時為

東郡守尉迴作亂遣檀讓收河南仲文棄妻子遁歸京師

進位大將軍領河南道行軍總管發兵討讓擁眾數萬

仲文以羸師挑戰設伏擊破之進拔梁郡逼曹州讓以餘

眾屯城武仲文選精騎掩襲拔之復以計襲金鄉迴將席

毘羅擁眾來薄城擊破之賊皆投沫水死獲檀讓河南悉

平高祖受禪詔拜仲文行軍元帥統十二總管擊胡可汗

見仲文軍容齊肅不戰而退煬帝即位從討吐谷渾進位

光祿大夫遼東之役破高麗兵走其將乙支文德仲文追

之宇文述以兵餒歸師敗績諸將委罪仲文帝怒繫之仲

文憂恚卒撰有漢文刊繁三十卷

長孫晟 隋書長孫晟傳字季晟洛陽人熾弟少涉書記善射

煬稱位周為司衛上士入隋為奉車都尉累遷秦州行軍

總管數圖制突厥因機制變兵動若神謀無遺策嘗出討

達頭取諸藥毒水上流達頭人畜飲之多死因大驚曰天

雨惡水其亡我乎遂夜遁晟追之斬首千餘級俘百餘口

武功

威行域外突厥達官來降言突厥畏懼聞其弓聲謂為霹
靂見其走馬稱為閃電師旋授上開府儀同三司仁壽初
為受降使者大破突厥招撫部落咸來降附達頭眾大潰
西奔吐谷渾後遂臣屬榆林之役舉國就役開御道帝聞
晟策益嘉之貞觀中
追贈齊國公諡曰獻

唐

邱和

唐書本傳洛陽人父壽魏鎮東將軍和少重氣俠閑弓
馬長乃折節自負仕周至開府儀同三司入隋為右武
衛將軍封平城郡公歷資梁蒲三州刺史以寬惠著名大
業末裴矩薦為交趾太守撫接夷境遠近安之入唐授交
州大總管爵譚國公俄請入朝詔其子師利往迎及謁見
高祖為興引入臥內語平生歡甚除左武侯大將軍穆州
刺史卒年八十六
諡曰襄陪墓獻陵

長孫順德

唐書長孫無忌傳洛陽人無忌族叔素為高祖所
親厚從平霍邑臨汾絳郡有功與劉文靜擊屈突
通於潼關通將奔順德跳追桃林執通以獻遂定陝縣功
多進左驍衛大將軍封薛國公李孝常謀反坐與交削籍

為民歲餘帝聞功臣圖見其像憐之遂召為澤州刺史復
爵邑以嚴明稱前刺史張長貴趙士達占部中腴田數十
頃奪之以給貧
單卒諡曰襄

邱行恭

唐書本傳和之子兄弟十五人皆善騎射勇敢絕倫
大業末行恭與兄師利聚眾雍岐間以保郿城羣盜
不敢窺人多依之後率其眾與師利迎謁秦王於渭北拜
光祿大夫累從戰伐功多遷左一府驃騎錫勞甚厚從討
王世充戰印山王欲嘗賊虛實與數十騎衝出陣後限于
長隄諸騎散走行恭獨從賊騎追及流矢著王馬亟回射
之發無虛鏃賊不敢前遂下拔箭以已馬進王步執長刀
斬數人大呼突陣而還隱太子誅以功擢左衛將軍所守
嚴烈僚吏畏之封天水郡公進右武衛將軍高宗立遷大
將軍薨陝三州刺史致仕卒年八十贈荊州刺史諡曰襄
陪葬昭陵詔鑿石為人馬象

王峻

唐書本傳洛陽人父行果為長安尉知名峻擢明經第
調清苑尉累遷隴右羣牧使開元二年吐蕃寇臨洮峻
出奇兵夜襲追至洮水敗之進并州都督明年突厥默啜
為拔曳固所殺其下多降分置河曲尋叛救峻討之獲級
武功

三千遷朔方行軍大總管九年蘭池胡康待賓據長泉反
峻討平之封清源公元宗以宮人賜之峻曰臣之事君猶
子事父詎有常近闕掖而臣子敢當乎誓死以
免終朔方節度使贈尚書左丞相諡曰忠烈

史用誠

開府儀同三司大父勤銀青光祿大夫考播河東節
度兵馬使兼御史中丞普寧郡王三代為將克昌惟武用
誠即中丞第四子貞元初襄陽節度遷署右職恪勤厥位
練習武經累遷至馬軍兵馬使會吳元濟據淮蔡詔唐隨
節度使李愬討之以誠為遊奕兵馬使生擒賊將眾皆請
殺用誠不聽曰從其歸死於天子乃送其人於闕繼而疏
請全活詔下許之元濟平授銀青光祿大夫檢校太子賓
客兼御史中丞仍賜上柱國旋以東平不虔詔命隨李愬
往討賊平遷檢校國子祭酒累封武昌縣開國子食邑五
百戶長子宗簡

五代 王晏球 五代史本傳字瑩之洛陽人倜儻有大節為驍子都
指揮使太祖即位為右千牛衛將軍友珪立龍驤戍

五代

王晏球

五代史本傳字瑩之洛陽人倜儻有大節為驍子都
指揮使太祖即位為右千牛衛將軍友珪立龍驤戍

卒反自懷州趨京師遣晏球擊敗之于河陽以功遷龍驤
第一指揮使末帝即位遷龍驤四軍都指揮使梁遣捉生
軍將李霸將千人戍揚劉霸夜作亂晏球平之以功拜瀘
州刺史入唐拜齊州防禦使戍瓦橋關莊宗兵變自鄴而
南遣人招晏球晏球從至洛陽拜歸德軍節度使定州王
都反以晏球為招討使都招契丹契丹遣禿餒將萬騎救
都晏球在水次方坐胡牀指揮而都眾掩至晏球與左右
十餘人連矢射之都眾稍却而後軍亦至晏球率眾大敗
之契丹又遣惕隱以七千騎益都晏球遇之唐河復擊敗
之契丹自中國多故疆於北方中國之兵遭契丹者未嘗
少得志自晏球擊敗後於是時中國之威幾於大震而契
丹少衰伏矣自晏球始也晏球為將有機略善撫士卒其
擊禿餒既因敗以為功而諸將皆欲乘勝取都晏球返獨
不動卒以持久獎之自天成三年四月都反明年二月始
克之軍中未嘗戮一人以破都功拜天平軍節度使
又徙平盧累官至兼中書令是歲卒六十二贈太尉

宋

祈延訓

宋史本傳洛陽人本名廷益避太宗舊名改焉父珪
梁左監門衛大將軍延訓善書計騎射隸周祖帳下

廣順中遷鐵騎都虞候世宗即位改東西班都指揮使遷
內殿直都指揮使領蘭陸二州刺史從征淮南以功遷吉
州團練使尋遷嵐州防禦使太宗初為安遠軍節度觀察
留後改河陽又改彰德節度留後俄權知鄧州拜義武軍
節度又改左領
軍衛上將軍

李漢瓊

宋史本傳洛陽人祁州刺史裕曾孫體質魁岸有營
力晉末補內殿直周顯德中從征淮南歷左射指揮

使宋初領饒瀘二州刺史洮州觀察使征江南命統行營
騎軍兼戰耀左廂都指揮使自斬春攻岐口砦斬首數千
級獲樓船數百艘沿流拔池州破銅陵取當塗作浮梁于
牛渚以濟大軍分圍金陵率所部渡秦淮取巨艦實其
中縱火攻拔水砦江南平以功領節振武軍太平興國中
年出為彰德軍節度使上親征太原命與牛思進王政
南偏漢瓊先登中矢傷甚猶力戰上召至幄殿賜良藥慰
勞之太原平改鎮州兵馬錦輅敗契丹數萬騎論太原功
加檢校太尉駕幸大名謁上備陳邊事稱旨命為滄州都
部署賜戰馬金甲寶劍戎具六年以病還京卒年五十五
贈中書令弟漢贊太平興國初補供奉宮嘗監高陽關
平戎軍乘傳備婺二州捕據賊程白眉數十人悉殲烏累

遷崇儀使知寧州
漢彬至禮賓副使

王審琦

宋史本傳洛陽人仕周為鐵騎都虞候宋初擢殿中
都指揮使後加同平章事及卒追封琅邪王審琦重

厚有所方畧善騎射鎮壽春日歲得租課量入為出未
嘗有所誅求子四承衍承祐承僎承僅俱至貴顯

何繼筠

宋史本傳字化龍洛陽人父福進累官節度使繼筠
深沉有智畧太祖初從征有功累拜建武軍節度使

前後備邊二十年善揣邊情能以少擊眾遠人畏
其名繪其像而拜之卒年五十一贈侍中子承矩

何承矩

宋史何繼筠傳字正則洛陽人繼筠子幼為棣州衙
內指揮使從繼筠討劉崇擒其將胡澄以獻太平興

國中詔承矩監泉州兵會仙遊莆田寇賊嘯聚承矩討平
之以功遷開府使疏為政之害民數十事上之悉被容納
徙知潭州凡六年圍空端拱初領潘州命護河陽屯
兵以契丹撓邊上屯田疏自順安廣袤數百里悉為稻田
徙知雄州敗契丹精騎數千守邊日久議屯田贊和好功
為最識鑿精明典長沙日李沆王旦為佐承矩厚待之以
為有公輔器卒
贈相州觀察使

宋偓

宋史本傳本名延渥洛陽人父廷浩仕唐晉歷遷為汜水關使會張從賓叛力戰死偓年十一補殿直供奉官

周世宗時累官至鄧州節度使又為廬州城下副部署吳人大發舟師次東沛州世宗遣偓領戰艦數百艘與大將

慕容延釗合勢大破之入宋從太祖征李重進以功改保信軍節度太平興國初加同平章事從平太原封邢國公

卒贈侍中諡莊惠偓母唐莊宗女義寧公主偓莊宗外孫漢太祖婿女即孝章皇后近代貴顯鮮有其比子四元靖

使元載元亨並閣門祇候

安忠

宋史本傳洛陽人祖叔于仕石晉累任方鎮以太子太師致仕忠形質魁岸久事太宗於藩邸及即位授供奉

官端拱初嘗護高陽關契丹入寇忠與崔翰率兵屢却之歷遷東土閣門使充淮南諸州兵鈐轄以病免

李琪

宋史本傳伊闕人幼生長兵家得給事宣祖左右以材力見稱及宋受禪命補鎮職累遷効忠都虞侯領富州

刺史後加左武衛大將軍景德中移疾真宗念其舊勞賜給月奉以養

种諤

宋史种世衡傳字子正洛陽人世衡子以父任累官左藏庫副使延帥陸詵薦知青澗城時夏人四萬眾空集

傅城陳諤鼓行而出至晉祠據險使偏將燕達劉甫為兩翼身為中軍乃閉壘悉老弱乘城鼓譟以疑賊已而合戰

追擊二十里俘馘甚眾遂城緩州坐擅與師貶秩會侯可人對白其事詔復官徙知延州歷知岷州董彊將鬼章聚

兵于洮岷新羌多叛諤襲誅之從李憲出塞收洮州下逋宗講珠東誼諸城掩擊至大河斬首七千級遷東上閣門

使徙鄜延總管破夏人入萬眾于無定川撓聞羣臣稱賀復謀取橫山功未就疽發背卒

种誼

宋史种世衡傳字壽翁洛陽人世衡子熙寧中兄古入後羌為路都監自蘭州渡河討賊斬首六百累轉西京使

壽知岷州詔誼與姚兪合兵出討羌迎戰擊走之心誼上疏請除之詔誼與姚兪野誼日吾軍遠來彼固不知乘

此可一鼓而下也遂親鼓之有頃霧霽先登者已得城鬼章就執轉西上閣門使康州刺史徙知鄜州夏人犯延安趙

尚使誼統諸將敵聞誼至皆潰去

遷東上閣門使保州團練使卒

元

賴俊舊府志澠池人至正間任指揮
勇子克敵軍士敬畏卒祀鄉賢

明

夏時嵩縣志字建寅洪武中以武舉贊畫寧夏有軍功陞千
戶累擢睢陳遊擊會倭寇擾吳越時在擊破之以功陞

孫為百戶晚致仕卒年七十五

趙成鞏縣志太祖起兵以從龍功於洪武元年任錦衣鎮撫
指揮僉事歲甲子授階明威將軍永樂八年三月十三

日病終京師奉旨祭葬子四福真英忠襲指揮僉事

李天寵明史張經傳孟津人由御史遷徐州兵備副使却倭
撫浙江倭掠紹興殲焉資銀幣項之賊犯嘉善圍嘉興劫

秀水歸安副使陳宗夔戰不利百戶賴榮華中礮死嘉善
知縣鄧植棄城走入城大掠賊復陷崇德攻德清殺裨將
梁鄂等文華諗天寵嗜酒廢事帝遂除天寵名而擢宗憲
以代未幾御史葉恩以倭躡北新關劾天寵宗憲亦
言其縱寇帝怒逮下獄遂與經同日死天下冤之

張松通志洛陽人嘉靖戊戌進士累官至都御史總督宣大
初之任行及廣靈七寇入龍門松以便宜召諸將簡精

銳猝擊之賊大潰期年寇復發前後十數戰洗馬林之役
松躬擐甲胄破賊精騎數千俘馘甚眾繕雲中塞自朔州
抵左衛延袤二百里亭障聯絡雲西自是鮮邊
警及卒上命有司營葬遣官諭祭卹典特厚

陳彥洛陽志字子美嘉靖壬戌武狀元累官陝西都司屬番
入貢盡却其驗貢金擢浙江台金嚴參將按視沿海要

害度倭所必犯預設三伏以待越數日倭果以數千人乘
夜襲劫伏發斬四才餘級倭自相蹂踐溺海死者無算次
年春報警彥帥舳艫備之倭旋遁去窮追數十里三日不
暇募食斬獲數不可計終彥任倭不敢犯遷留都錦衣衛
專俸額外毫不染指乞休歸途未半幾絕
糧從人有愠色彥泰然自如人以是賢之

張其平王鐸張公墓誌字心知偃師人萬曆丙辰進士為行
人擢銓部選法疏稽滯至考功主外計黜者同庶言

為同卿攻駒書數胥不姦卻贖緩尋巡撫保定刑州西土
寇數萬為暴倡義提士伍往一鼓殲之晉副都御史中樞
檄鎮良丞移霸州方抵霸又檄守阜坡門上念其平勤王
先至賜幣錕未幾真定被圍諸將不敢前其平擗死救之

河南府志

卷之四十四

人物尚渙年補刊

五

武功

賴俊舊府志澠池人至正間任指揮
勇于克敵軍士敬畏卒祀鄉賢

圍乃解入城城中援兵十萬不動徒索芻粟內擾其平請
總督中貴躡勦皆菜色噤嚙亦不動其平分將援邢洛內
邱滑濬多所保卒以掣
肘不如意為封疆獲罪


張泰定鞏縣志廩生崇正十二年大饑人相食盜賊四起李
際遇作亂於登封結申張任三營為羽翼土寇王升

以眾應之聚至五千餘人邑令宋文瑞檄馬指揮協同魏
典史捕之屢縮不前賊勢愈熾逼近城邑泰定率鄉勇白
王舉等申明賞罰勵以忠義遇賊於口頭村一鼓破之斬
百餘人邑人張本善設計使本庫等夜半斬升首還賊黨

平遂

朱綬復師志幼負奇氣智勇過人明末流寇猖獗所在土崩
瓦解綬同生員袁鴻儒石仁龍里民袁賈朱藩山大等

石蘊珠等於本村修寨禦寇先是縣城為賊屠破邑令士
民皆避亂于此崇正十五年冬流寇擁眾圍寨壞攻累月
綬與趙還石蘊璞石出佩馬希舜吉裕學六人晝夜乘陴
固守月餘間出其謀搗虛砍營賊不利撤圍去縣令詳請
獎勵給獎與還蘊璞守備劉給出佩希舜裕學千



江
南
所
示

丁
巳
年
十
月
清

大
人
在
此
一
等
力